

355

Յ. ՄԱԼՒՍՏԵԱՆ



ԵՐԴՈՒՄ

ԿԷՅ

ՊԲԿԱՄԳԿ

93

ПЕРЕПЛЕТАЯ  
ФЕЛЬДШЕННЪ  
ТНФЛИСЪ

W 456

Հանձնարարական և փոխանակման  
Գրքի Վարչություն

ՅՈՒՆԵՍԿՈՒՍ ԿԵՆՏՐՈՆ

ՅՈՒՆԵՍԿՈՒՍ ԿԵՆՏՐՈՆ

ՅՈՒՆԵՍԿՈՒՍ  
ՎԵՐԴՆԱԿ

4

# ԵՐԴՈՒՄ

1001 / 2368 / 4

4 Է 9



Թ Ի Ֆ Լ Ի Ս  
Տպարան Ա. Յ. Մեյր-Չահնազարեանի.  
1 8 9 5



ՀԱՅԿԱՍՏԱՆԻ ԿՈՄՍՏԱՆՍՆՈՎԻ ԳՐԱԴԱՐԱՆ

ՀԱՅԿԱՍՏԱՆԻ ԿՈՄՍՏԱՆՍՆՈՎԻ ԳՐԱԴԱՐԱՆ

ՄԱՍԻՍԻ ԳՐԱԴԱՐԱՆ

ՀԱՅԿԱՍՏԱՆԻ ԿՈՄՍՏԱՆՍՆՈՎԻ ԳՐԱԴԱՐԱՆ

2004

# Ե Ր Դ Ո Ւ Մ

## Վ Է Պ

I.

1888 թուի գարնանային մի երեկոյ էր: Արևն  
 իւր վերջին կարմրադեղնագոյն ճառագայթները  
 խուրձերի նման շարտել էր դէպի երկինք, իրեն  
 քողարկող ամպերի եզրները սկեզօծելով:  
 Երկնքի արևմտեան մասը քանի գնում աւելի  
 և աւելի ծածկւում էր ամպերով, որոնք հետզհե-  
 տէ սքողում էին արևի ճառագայթների խուրձերը:  
 Ախալքալաք գաւառի Սուլտա դիւզից դէպի  
 հարաւ գտնուած Գէօգդաղ լեռան խոտաւէտ և  
 լայնարձակ լանջերի վրայ միմեանց մօտ առկայծում  
 են մի քանի խարոյկներ: Դրանց շուրջը շարժու-  
 են ոչխարի ճերմակ մի քանի հօտեր:  
 Դրանցից բարձր շատ հեռու, ուր սարի կա-  
 տարների վրայ դեռ կենում է հաստ շերտով ձիւնը,  
 միմեանցից ոչ այնքան հեռու վառուում են ուրիշ

երկու խարոյկ: Այդ խարոյկների շուրջը երկու հօտ ցրիւ տուած արածուճ են:

Արեն արդէն կորել էր ամպերի ու լեռների ետեն և մթուփիւնը հետզհետէ տիրում էր երկրի երեսին:

Հօտերից մէկը գնալով իւր փարախը պառկեց, իսկ միւսը՝ քամու հակառակ, որպէս ոչխարի սովորութիւնն է, կամաց շարժուում է գէպի լեռան ետեն գտնուած ձորը: Հօտի առաջնորդ երկարամօրուս և լաղթանդամ նոխազը՝ երկար, վեր ցըցուած պողերով, գլուխը բարձր բռնած մի առանձին հպարտութեամբ դիմացը նայելով գնում է ոչխարի առջևից:

Հօտի չորս կողմը պատել են մինչև երեսնի հասած, ականջները կտրած, կապտագոյն, քեամա ցեղին պատկանող կատաղի շները, որոնք իբրև հսկիչներ հօտի շուրջը պատած՝ նրա հետ ընթանում են առաջ: Բաւական է մի խուլ շշուկ կամ շատ հեռուն երևացող մի բան՝ ահա կապուտների ոհմակը կատաղի հաջոցով հասնում է այնտեղ. կամ եթէ հօտից մի ոչխար դուրս է գալիս հեռանալու՝ կապուտն իւր բաց արած ատամներով, զըմբխտալով դարձնում է նրան՝ գէպի հօտը:

ձերմակ քիւլահների վրայ մինչև հինգ արշին երկարութեամբ ոլորած չիթ փաթաթած, քառակուսի, պարկի ձևով, եփնջու տեղ ծառայող քէչաները վրաներն առած, մինչև չորս արշին երկարութեամբ կեռ գլխով մահակներն ուսերին եր-

կարացրած՝ հօտի հետ մի քանի կողմից ընթանում են հովիւները:

— Քիւս, քիւս հա քիւս, էէյլեւհ, քիւս, հասան քշիր, Հասան, Մարկոսի ոչխարը ջրից արդէն բինէն եկաւ, ուշացանք, քշիր, էէյլահ, քիւս:

— Քիւս-քիւս, հիւռահ, քիւս—, իբրև պատասխան Հասոի խօսքերին ձայնեց Հասանն և մահակը շարժեց օդում:

Հասոն ևս շարժեց իւր մահակն և մի երկու անգամ թուլ կերպով խփեց գեռ բրդոտ ոչխարների մէջքերին, որից նրանք քայլերն արագացրին:

Ոչխարն իջաւ ձորը, շարուեց, գետակի երկարութեամբ, խմեց սառը ջրից, դարձաւ գէպի իւր փարախը:

Հովիւներից երկուսը վրանի մօտ նստած շտապով քերթում էին մի մորթած գառն և միւսը կրտատելով լցնում էին խարոյկի վրայ եռ եկող կաթսան: Երբ միւս ընկերներն եկան՝ առան մորթած գառան լեարդն և թընթղուց մսից մի քանի կրտոր ու ձգեցին կրակի շեղջի վրայ խորոված անելու:

Մի քանի ըոպէից լետոյ ընթրիքն արդէն պատրաստ էր:

Եներն առնելով մսի հօտը՝ արդէն պատել էին հովիւների շուրջը, պառկել փորերի վրայ, գնչերը դրել երկարացրած առաջին ոտների վրայ, իրենց խելօք աչքերն ուղղել էին գէպի տէրերը և պո-

չերը գետնին խփելով պահանջում էին իրենց բա-  
ժինը:

Հովիւները կոխում էին խոշոր ձեռները խա-  
րոյկի վրայից ետ առած կաթսան, հանում կիսաեփ  
մսի կտորներն և ագահութեամբ ուտում:

— Ապրիս, Բրօ —, ասաց թոփալ Ամօն, արխա-  
լուղի փեշերով իւղոտ ձեռները սրբելով, — վաղուց  
է գողացած գառան միս չէինք կերել:

— Ի՞նչպէս գողացար, Բրօ, որ չտեսան —, հար-  
ցրեց Հասանը:

Հա՛, բան է տոււմ. երեկոյեան դէմ գալիս էի  
ձորի միջով, տեսայ, որ մի գառը ձորի մէջ քրո-  
չերի տակ ման է գալիս, նայեցի՝ Մարկոսի գառն  
է, բռնեցի, քէչայիս տակ դրի, բերի:

— Հայի գառն է, տղերք կերէք, անո՛ւշ լի-  
նի —, խօսեց Հասօն, — հայերն իրենց մալը չեն ու-  
տում, գիտեն, որ մեզ համար է:

— Հայի մալը քրդի համար չէ, հապա ո՛ւմ  
համար է —, խօսեցին երկու հովիւ համարեա միա-  
սին, — Մուշում, Ալաշկերտում որ հայեր չլինին, հօ-  
մենք քաղցած կրկոտորուինք:

— Հայն ո՞վ է, որ սարում ոչխար պահէ —,  
խօսեց Հաճօն, որն ըստ երևոյթին ամենից մեծն  
էր լինելու:

— Ո՛ւ հովիւներն էլ հայեր լինին —, վրայ բե-  
րեց թոփալ Ամօն:

Տղերք կերէք, հայի մալ է, էգուց մէկն էլ

կըրերեմ —, մի առանձին հպարտութեամբ ասաց Բը-  
րօն:

— Ե՛հ, հայն ի՛նչ է. վախկոտ կնիկմարդ. հայ  
հաւ —, ասաց զուարճութեամբ թոփալ Ամօն:

— Հայ՛ հաւ, զորդ որ —, վրայ բերին միւսներն  
և սկսեցին բարձր-բարձր ծիծաղել:

Ընթրիքից լետոյ Հաճօն իւր ոչ այնքան եր-  
կար թուլութենալու իր կոխեց կտորէ քիսան, լըց-  
րեց և սկսեց ֆստֆստացնել: Հովիւներից մի քա-  
նիսն ևս մաքսանենգ ծխախոտից պապիրոսներ շի-  
նեցին և սկսեցին կծու ծխի քուլաները թողնել օդի  
մէջ:

Բրօն ձգեց նրանց առջև մորթած գառան ոս-  
կորներն և հացի մնացած փշրանքը: Կապուտներն  
խսկոյն վրայ վազեցին և սկսեցին ղումխտալ: Նրան-  
ցից ուժեղները դուրս ցցած ժանիքներով ուղեցին  
դէն մղել միւսներին, որ իրենց սեպհականեն բո-  
լորը. բայց Բրօն մահակի զգոյշ շարժումով արգե-  
լեց նրանց, որից կապուտները խորամանկութեամբ  
փակեցին աչքերը, պառկեցին փորերի վրայ իբրև  
հնազանդութիւն: Բրօն նրանց բաժինը ցրեց մի  
քանի տեղ:

Ընթրիքից լետոյ, երբ խարոյկը հանգչելու վը-  
րայ էր և հովիւների քունը չէր տանում, Հաբօն  
առաւ սրինգն և սկսեց ածել քրդական լօլօ:  
Կոպիտ մատների տակից, հաստ շրթունքների ա-  
րանքից անհաւատալի էին թւում այդ մերթ մե-  
լամաղձային, մերթ ուժգին փոթորկուող ձայները:

Տարածուած էին այդ ձայները դիշերային խաղաղութեան մէջ և քամու ալիքների հետ ցրուած հեռու-հեռու: Դա նրանց սիրահարական լօլօն էր: Վերջացաւ լօլօն, ահա Բրօն առնելով իւր սրինգն սկսեց ածել քրդական պար: Հովիւները, բացի Հաճօից, որ էլի Փստփստացնում էր իւր երկրորդ անգամ լցրած թուլթունչպուխը, թե թեւի տուած, զանազան մեծ և արագ, բայց միատեսակ ցատկուածներով սկսեցին պարել ըստ եղանակին:

Ոչխարը մշմշալով հանգիստ շունչ էր քաշում և որոճ անում: Փարախում պտուկած հօտն, երբ հաւաքուել, կուչ էր եկել, տասն անգամ քիչ էր երևում, քան ալածած ժամանակը: Ոչխարների շատերի գլուխը հանգստանում էր միւսի փորիկամ կրծքի վրայ:

Հազար ու մէկ տեղից չլերով ու քէչաների կտորներով կարկատուած հովուական վրանը բաւական մեծ է: Նրա մէջ դարսած են այդ հօտի տիրոջ — Խիւղամի կաթնագործութեան մի քանի ամանեղէններն և հովիւների մի քանի իրեղէնները:

Հովիւներից մի քանիսը գնացին հօտի մօտ քրնելու, մի երկուսը՝ գառան հօտը պահելու, իսկ Հաճօն մնաց վրանում:

Խարոյկը հանգչելու վրայ էր: Հովիւների քուներն արդէն տանում էր: Նրանք արդէն պատրաստուած էին քնելու, երբ յանկարծ կապուտների ոհմակը կայծակի արագութեամբ վրայ տուեց հեռուում, մթութեան մէջ երևացող մի սև բանի:

— Հա՛ա — հէհէհ —, հարայ տուին երկու հովիւ և մահակները բարձրացնելով վազեցին առաջ:

— Հա՛ա — հա՛ա —, լուեց հեռուից մի ձայն իբրև պատասխան հովիւների կանչին:

Հաբօ, թիւանքը հազրիւր, պատրօնը դիւր, քանի դեռ չէ մօտեցել — խօսեց նրա ընկերն, ինքն ևս իւր հրացանը պատրաստելով:

— Ո՛վ է, էհէհ —, նորից հարայ հովիւներն, երբ շները յանկարծ ձայները կտրեցին, — մօտ մի գայ, թէ չէ կխփենք:

Հասան, եկողը ծանօթ է, որ շները ձայները կտրեցին, ձիուց վայր չառան — խօսեց Հաբօն:

— Մի վախենաք, ես եմ —, պարզ լուեց եկողի ձայնը, որից հովիւները ճանաչեցին նրա ո՛վ լինելը:

— Աղա՛ —, ձայնեց Հասանը և շտապեց առաջ:

Մթութեան մէջ, ոտից մինչև գլուխ զինուած, ետփնջին ուսին, ոչխարի մօրթէ մեծ փափախը մինչև ականջները քաշած, սև ձիու վրայ նստած՝ մօտեցաւ նրանց մի յաղթանգամ մարդ:

— Սննուս, — եղաւ նրա պատասխանը և լուութեամբ շարունակեց ճանապարհը:

Հովիւները լռելեայն հետեւեցին նրան:

Եկողը հասնելով վրան՝ իջաւ, ձին տուեց Հասօին, ինքը մտաւ ներս և Հասանին հրամայեց հովիւներին կանչել:

— Աղա, դու ես —, քնից վեր կենալով խօսեց Հաճօն, — տղոյը բա՛ն ունէիր ասելու, որ կանչեցիր:

— Այն — խորհրդաւոր կերպով պատասխանեց Խիւղամբ և վառեց թուժունչպուխը:

Խարուկի դեռ չհանգած կայծերի ալիքանման ճառագայթները ներս անցնելով ընկնում էին Խիւղամի երեսին և լուսաւորում նրա չաղ դէմքն ու խիտ մօրուքը:

— Տղերք — ցածր ձայնով խօսեց Խիւղամբ, երբ հովիւները պատեցին նրա շուրջը, — գիտէ՞ք էս գիշեր ինչ էք անելու:

— Ի՞նչ, աղա՛ — վրայ բերին մի քանի հովիւ:

— Ոչխարը կը ձգէք չայիրը (խոտատեղ):

— Չայիր — աչքերը լայն բացանելով բացականչեցին մի քանի հովիւ միասին, — ի՞նչ չայիր:

— Մահմուդի չայիրը:

— Մահմուդի չայիրը — այս անգամ զարմանքով վրայ բերին նրանք, — Յարուժիւն աղայի՛ չայիրը:

— Այն, Յարուժիւն աղայի:

— Ի՞նչպէս... ը՛ր՛ը՛... չէ՛ որ Յարուժիւն աղան քո բարեկամն է — խորհրդաւոր կերպով անհամարձակութեամբ հարցրեց Հաճօն:

Հովիւները զարմանք արտայայտող աչքերով նայեցին իրար երեսի:

— Ի՛նչ ոչխարը կձգէք չայիրը — ձեռք քիչ վեր բարձրացնելով խօսեց Խիւղամբ, — առաւօտեան Յարուժիւն աղան Օսմանի ու մի ուրիշ վկայի հետ կը գայ. կասէք, թէ Մարկոսի ոչխարն էր:

— Մեր գլխի վրայ — բացականչեցին երկու հովիւ, չհամբերելով խօսքի վախճանին:

— Ինքը Յարուժիւն աղան, նրա հետի երկու վկաներն ասելու են, որ Մարկոսի ոչխարն էր, տեսել են... իմացա՛ք...

Հովիւները հասկացան, թէ բանն ինչու՞մն է, ուրախացած իրար ազանջի փսփսացին, — Մարկոսի ու նրա հովիւների հախէն գալու ենք հասնա՛...:

— Յետո՛յ, աղա՛ — ուրախացած հարցրեց Բրօն:

— Յետոյ Յարուժիւն աղան գանդատ կտայ Մարկոսի վրայ, ձեզ էլ կկանչի վկայ:

— Մենք ասելու ենք, որ...

— Մարկոսի ոչխարն էր — հովուի խօսքն ընդհատելով վրայ բերեց Խիւղամբ:

— Լա՛ւ, մեր գլխի վրայ, մեր աչքի վրայ — չորս կողմից վրայ բերին հովիւները:

— Դրա համար Յարուժիւն աղան ձեզ ամեն մէկիդ երեք-երեք ըուրջի փէշքեաշ է ուղարկել:

Հովիւներն ուրախութիւնից շարժուեցին տեղերում և տակից իրար բռնեցին:

— Համա գիտէք, էստեղ էլ, դատարանում էլ — փողերը բաժանելով խօսեց Խիւղամբ, — ասելու էք, որ Մարկոսի ոչխարն էր, տեսել էք:

— Ի՛նչ մեր բանն է. դու երեք մանէ՛թ տուր, ուզում ես թագաւորի մօտ էլ գնանք — ուրախացած խօսեց Հաբօն:

— Հիմայ ես գնում եմ. առաւօտեան երբ գլաւան բանեաթիւներով գայ վնասը կտրելու՝ այստեղ կլինեմ: Չայիրը մի լաւ արածացրէք, ոչխարը մէջը ման ածեցէք, կխճուրել տուէք. իմացա՛ք:

—Շատ լաւ, շատ լաւ. դու հրաման տուր, մենք էնպէս փճացնենք, որ մի խոտ էլ չմնայ—, բացականչեցին հովիւները:

—Կուզէս, աղա, կտաւհատ էլ ձգենք, որ ոչ-խարը չաղանայ. էս տարի դեռ կտաւհատ չենք ձգել—,խօսեց Բրօն:

—էդ չետոյ—,սլատասխանեց Խիւղամը և վեր կացաւ տեղից:

Հովիւներն ուրախացած իրար ականջի փսփր-սալով դուրս եկան վրանից:

Կէս գիշեր վաղուց էր անցել, երբ Խիւղամը ձի նստելով մթուփեան մէջ անյայտացաւ:

Հովիւները վեր կացրին հօտը:

—Քշիր, էս կողմից քշիր, նրանց շների աչքով չընկնի, հաւար չձգեն:

Շները կանչիր, շները, թէ չէ կհաջեն, կիմա-նան...

—Նրանք բոլորն էլ մեռելի պէս քնած են, քշեցէք—,խօսեց երկրորդ հովիւը:

Մի քանի ըոպէից ոչխարն արդէն տարածուած էր մինչև մարդու ծնկները հասնող չա-լիքի մէջ:

—Գլուխը քարը կտայ Մարկոսը, մէկ էլ էս սարերը ոչխար չի բերի:

—էլ ոչխար կմնայ, որ բերի:

—Ափսո՛ս, էլ գողացած գաւան միս չենք ուտելու:

—էգուց էստեղ զալմաղալ կլինի, հա՛ա...

—Որ բանը հասել է կռուի, է՛ էնքան դա-զանակ հասցնեմ Մարկոսի հովիւներին որ...

—Մանաւանդ էն Եաղօին. էս նրանից վրէժ ու-նիմ առնելու. մէկ անգամ ձորում մենակ էի, ինձ մի քանի դազանակ հասցրեց. դեռ ցաւը ջանումս է:

Մարկոսի հօտը, որի փարախն այ քան հեռու չէր այդ չալիքից, հանգիստ պառկած էր իւր տեղում: Միայն երբեմն-երբեմն լսոււմ էր այդ հօտի շների դանդաղ հաջոցը, որ նորից կրկին դա-դարում էր. և շները դնչերը կոխելով կուչ բե-րած ոտների մէջ՝ հանգստանում էին:

Անցան ժամեր. Խիւղամի հօտն արածեց չա-լիքի միջև տարածուած, միքանի անգամ ման ու ման արեց նրա բոլոր տարածութեամբ, խմեց վե-րեւի մասում հոսող առուակից, որը թափւում էր այդ չալիքի մէջ, ուր և գալիս էր ջուր խմելու Մարկոսի հօտը, և որտեղից հետք կար մինչև այդ հօտի փարախը, պառկեց, հանգստացաւ և լուսադէմին ինչպէս ասում են, փորերը մէջքերին ելած, երբ Կարգաղ գիւղից դէպի Սուլտա գիւղը տանող ճանապարհի վրայ երևեցան երեք ձիա-ւոր՝ շարժուեց դէպի իւր արօտատեղը:

II.

Կարգախ գիւղը գտնւում է Գէօգդաղ լեռան հիւսիսային կողմում, բաժանուած նրանից փոքր հարթավայրով: Գիւղի կենտրոնում գտնւում է նրա

Տին, փայտէ սիւների վեայ հանգչող եկեղեցին, որ կասես՝ այս է, փուլ է գալու: Բարձր պարսպի միջից հազիւ է երևում նրա խոտով ծածկուած կտուրը և երկու սիւնի վրայ հանգչող եռանկիւնաձև փոքրիկ կաթուղիկէն: Գիւղի հիւսիսային մասում, բլուրի հարաւային փեշերի վրայ երևում է երկյարկանի մի բարձր շինութիւն, հարաւային կողմի ոչ այնքան մեծ պատշգամբով, որի վրայից երկու լուսամուտներ նայում են դէպի գիւղը և դիմացի Գէօզդաղ լեռը: Դա Յարութիւն աղալի այվանն է (այսպէս է բնակարանի անունը):

Վերևի յարկը բաղկանում է երկու սենեակից և մի խոհանոցից, որ այդ երկու սենեակի մէջ տեղումն է շինուած: Սենեակներից մէկը, որի առջև շինուած է պատշգամբը և ունի երկու բաւականին մեծ լուսամուտներ՝ աղալի և՛ ննջարանն է, և՛ ընդունարանն: Նրա լուսամուտները ծառայում են աղալի համար որպէս երկու աչքեր, որտեղից նա դուրս է նայում իւր կալքին-հողին, որ գնել է մի վրացի հողատիրոջից: Սենեակի մի անկիւնում դրած է նրա մահճակալը, որի վերև պատից կախ են արած նրա մի գոյգ հին ձևի ատրճանակներն և ուրիշ շատ զէնքեր, որոնք բռնել են ամբողջ պատի և նրա վրայ փռած գորգի երեսը:

Մահճակալի գլխի մօտ դրած է մի երկաթէ մեծ արկղ, որի մէջ դարսած են մի կոյտ բարաթներ, յետկարներ, կատարման թերթեր և այլն:

Սրկղի կէս մասում դարսած են թղթադրամների ծալքեր: Սենեակի մէջ տեղում թաղթի մօտ կայ կեղտոտ սիւնոցով ծածկուած մի սեղան, որի վրայ դրած է կեղտոտ լուսամուտիով մի լամպար և մի քանի թափթփած իրեղէններ ու թղթեր:

Երկրորդ սենեակում, որն աւելի մեծ է առաջնից և ունի երկու փոքրիկ լուսամուտ, գտնուում են մի քանի տնային իրեղէններ և մի ձեռկեղտոտ տեղաշոր, իւր ջարդուած մահճակալով:

Ներքևի յարկը բաղկանում է մի դռնից և հացի երկու մեծ շտեմարաններից, որոնք թափէթափ լցուած են ցորենով ու գարով: Գոմի առջևի ընդարձակ բակից փայտէ սանդուխները տանում են դէպի վերի յարկը:

Գոմի անկիւնում կապած է մի սպիտակ, լաւ պահուած, մաքուր և չաղ ձի: Նրանից քիչ հեռու կապած է մի ուրիշ, նոյնպէս սպիտակ, ծերացած նիհար ձի, որի մի աչքը ելած է և առջևի ոտներից մէկը ծուռ: Երևում էր, որ վերջինս երբէք բաղդ չէր ունեցել տիրոջ կողմից հոգացողութեան:

Առաջին ձին ֆուկալով ուտում էր առաւօտեան իւր բաժին գարին, և, երբեմն-երբեմն բարակ և երկար վզի վրայի փոքրիկ գլուխը դարձնում էր դէպի ետ, սրելով փոքրիկ ականջները՝ խելօք աչքերով նայում էր չորս կողմը:

Միւս ծերացած ձին զբաղուած է միայն իւր դատարկ մսուրը սրբելով:

Ուրախ դէմքով, լիքք, թուխ երեսով, թաղ-  
 թի վրայ բարձին թիկն տուած նստած էր Յարու-  
 թիւն աղան: Նա բաւական ժամանակ այդ դրու-  
 թեան մէջ մնալուց յետոյ՝ վեր կացաւ տեղից, չաղ  
 ձեռներով շփեց երեսն ու ճակատը, սկսեց ման  
 գալ և հազիւ լսելի ձայնով խօսել. «Ինչ անեմ,  
 հա՛, ո՛ւմ ասեմ... երկուսն էլ դրսից չի լինի...  
 կարող են չհաւատալ... բռնել... մէկն էստեղից  
 է լինելու. ո՞վ կայ... ո՛ւմ ասեմ... ում էլ ասեմ,  
 էլի մի հարիւր մանէթ է ուզելու, վերջն էլ ո՞վ  
 է իմանում խօսքը փոխի, խաբի ու խայտառակ ա-  
 նի... Ինչ անեմ, հա՛...» նորեց ճակատն ու երե-  
 սըն ամուր-ամուր տրորելով նա ընկղմեց մտածմուն-  
 քի մէջ: Նրա աչքերը յանկարծ փայլեցին ուրա-  
 խութեամբ և նա կանգնելով սենեակի մէջ տե-  
 դում խօսեց. «եղա՛ւ, եղա՛ւ, գտա՛յ, լաւ միտս ըն-  
 կաւ. Սահակը, Սահակը, բարաթը... եղաւ. նա մի  
 խեղճ մարդ է, որ ասեմ բարաթը... փողերս տո՛ւր...  
 կամ կճղեմ բարաթը... անպատճառ կանի... ե-  
 դաւ... Օսմանն էլ կայ ու կայ. երկսով բաւական  
 են, եղաւ: Ո՛ւր է. նա էլ թի՛նչ եղաւ...», մինչ նա  
 խորասուզուած այդ մտածմունքների մէջ, մատը  
 դրած ճակատին կանգնած էր՝ դրսից լսուեց ձիու  
 տրոփիւն:

— Հա՛ղրօ, ա՛ Հա՛ղրօ:

— Ո՞վ է — դուրս գալով պատշգամբ հարցրեց  
 Յարութիւնն աղան:

— Ե՛ս եմ, Յարութիւնն աղա. տանն էս:

— Ա՛-ն, Խիւղամ աղա, բարո՛վ, բարո՛վ, աչքս  
 ճանապարհիդ մնաց:

Յարութիւնն աղայի ձայնի վրայ դուրս եկաւ  
 խունացած սրճագոյն չուխան հագին մէկն և բըռ-  
 նեց ձիու սանձը: Խիւղամը դէպի վերի յարկը տա-  
 նող սանդուխներով բարձրացաւ վերև:

— Ել ո՞նց ես, քէֆդ-հալդ. նստիր տեսնենք,  
 նստիր. Թիֆլիսից ես գալիս, ի՛նչ խաբար. էս բա-  
 ւական ուշացար:

— Ուշացայ, հա՛. Աագախում — տանը գործեր  
 ունէի. գնացի մի քանի օր մնացի:

— Ե՛, էլ թի՛նչ կայ, ինչ չկայ. ո՛ւմ տեսար:

Խիւղամը յայտնեց մի քանի տեղեկութիւններ  
 Թիֆլիսից, ասեց, թէ ո՛ւմ էր տեսել իրենց բարե-  
 կամներից, և վերջը յայտնեց, որ Մարկոսին է տե-  
 սել:

— Հա՛, նա քանի ժամանակ է գնացել է. նոր  
 հանած մի քանի գլուխ պանիր է ունեցել, տարել  
 է ծախելու: Չգիտես, ծախել է թէ չէ. երբ է գա-  
 լու — փոքր լուծիւնից յետոյ հարցրեց Յարու-  
 թիւնն աղան:

— Ծախել է. էսօր-էգուց կգայ:

— Էսօր-էգուց կգա՞յ — յօնքերը վրայ բերելով  
 երկարացրեց նա, — ասել է պէտք է շտապել... Էն  
 որ միտք ենք արել... քանի դեռ չէ եկել:

— Հա՛, պէտք է շտապել. ես էլ հէ՛նց դրա  
 համար եկայ: Ի՛նչ էն ասա, մարդիկ պատրաստել  
 ես...

100/938  
 93-2014



—Օսմանը կայ մնում է մէկը, էդ մէկն էլ...—  
խորհրդաւոր հայեացքով նրա երեսին նայելով պատասխանեց Յարուժիւն աղան, —էդ մէկն էլ մտածել էմ:

—Ո՞վ է:

—Սահակը:

—Ի՞նչ Սահակ. Պոտոզի մանչը:

—Այո, նա:

—Ուրիշ էնպէս մի աւելի...

—Ո՞րտեղից, չկայ. շատ մտածեցի. դու գիտես, որ բոլոր գիւղն ինձ թշնամի է, Մարկոսի կողմն է պահում. վախենում եմ... ում ասեմ... խօսք տան ու յետոյ... յանկարծ խաբեն...

—Հանա—, երկարացրեց Խիւղամը և մեծ գլուխը դմբդմբացրեց, —դգոյշ պիտի լինիլ:

—Սպա՛, բոլոր գիւղը ձեռն է առել—, քիչ լռելուց յետոյ շարունակեց Յարուժիւն աղան, —Իլդի աւերակը ձեռիցս խլելուց, գիւղացոց վրայ հաստատելուց յետոյ՝ բոլորին գրգռել է իմ դէմ:

—Տես, տես—, արատասանեց Խիւղամը և ահագին ձեռով մի երկու անգամ շփեց մօրուքը:

—Ողջ աշխահի հախից եկայ, դրան չկարողացայ վախեցնել. ամեն օր մի բան է սարքում. սրբան է խրատ տալիս, նրան է խրատ տալիս...

—Սպասի՛ր, էնպիսի մի բան սարքենք, որ ինքըն էլ հասկանայ, թէ ո՛ւմ հետ դործ ունի—, սև դէմքի վրայ չար ժպիտ խաղացնելով խօսեց Խիւղամը:

Յարուժիւն աղան լռեց և դաժան արտայտութեամբ արծաթէ ծխատուփից պապիրոս հանեց և մէկն էլ առաջարկեց Խիւղամին:

—Ուրեմն ի՞նչպէս անենք —, հանդարտութեամբ հարցրեց Խիւղամը, ծխի թանձր քուլան առատութեամբ դուրս թողնելով քթածակերից:

Յարուժիւն աղան փոխանակ պատասխանելու՝ ձեռով շփեց չաղ, սափրած երեսը:

—Հա՛, ասա:

—Հագրօին կուղարկեմ, Օսմանը թող գայ—, սթափուելով մտածմունքից պատասխանեց Յարուժիւն աղան, —դուք երկսով երեկոյեան էստեղ կրլինիք. էս հարևան սենեակում թագ կացէք. կրկանչեմ Սահակին: Օսմանը սուտ հաւար կձգէ, թէ չայիրդ աւերեց Մարկոսի ոչխարը...

—Հա՛, ասա, լաւ ես միտք արել:

—Եթէ կարողացայ դործն աջողեցնել, նրան վկայ բերել տալ՝ դու ձիգ կնստիս, կգնաս չայիրը կվնասես. մնացածն էլ հասկանում ես, էլի...

—Հանա՛ն, հէնց էդ է որ կայ. լաւ ես միտք արել, լաւ հասկացայ—, մեծ փափաղի տակ գլուխը շարժելով և աչքերը լայն բաց անելով խօսեց Խիւղամը:

—Եդպէս—, աջ ազդրին շրջփացնելով խօսեց Յարուժիւն աղան և ձայնեց, —Հագրօ:

Ներս մտաւ դեղնած, քէօսա երեսով, որի վրայ մազ չլինելուց կարծես և ամօթ չլինէր, մօտ քռասսուն տարեկան մի մարդ:

—Ձեզ հեծիր, էս սահաթիս գնա Օսմանի ե-  
տևը. ասա, որ էս երեկոյ անպատճառ էստեղ լի-  
նի: Ծուտ-շուտ, հա զոչաղ Հազրօ:

Հազրօն առանց խօսելու, ժպիտն երեսին ե-  
լաւ դուրս: Կէս ժամից նստելով իւր ձին, որի վրա-  
լից կարծես թափուում էին նրա մաշուած ու  
ջարդուած թամբն և կոտրատուած ասպանդակնե-  
րը, քշեց դէպի Չլաբը, որտեղ բնակուում էր Օս-  
մանը: Չնայած իւր ձիու տգեղ, մինչև իսկ սատ-  
կած կերպարանք ունենալուն՝ Հազրօն նրա վրայ  
նստած էր ծուռ, աջ ազդրի վրայ, որպէս նստում  
էր նրա աղան, գլուխը ցից բռնած, խուճնացած ու  
մաշուած չէրքէզի վրայից հին, ժանգոտ, կեռ-  
թուրը կախած, մտրակով ու ասպանդակներով խը-  
փում էր երրվարի կողքերին և «գահ-գահ» անելով  
քշում:

Նա իւր այդ դրուժեամբ ներկայացնում էր  
մի նոր Սանխօ-Պանչա իւր Ռոսինանդով:

—Տղերք, տղերք, Սիբիրից փախածին նա-  
յեցէք, Սիբիրից փախածին—, նրա ետևից բարձր  
գոռացին գիւղի չարածճի մանուկներն և անկիւն-  
ներից քարեր ու կոշտի կտորներ ձգեցին նրա վը-  
րայ:

—Ե՛յ, լակոտներ, ես ձեր... գիտէք ես ո՞վ  
եմ—, ձին դէպի նրանց դարձնելով բղաւեց Հազրօն  
և ուզեց մտրակով խփել:

Բայց չարածճի մանուկները փախան, ամեն  
մէկը մի տուն մտան:

—Քիւչիւկ (փոքրիկ) աղային նայեցէք, քիւ-  
չիւկ աղային, զուածը (սպիտակ ձի) հեծել՝ Բէօ-  
ուողլի է դառել—, կանչեցին նրա երկու կողմից  
գիւղում մնացած մի քանի երիտասարդներ:

—Ելի որ քիւչիւկ աղա եմ. ինչ է, չէք հա-  
ւանում... թէ աչքերդ չէ վերցնում, որ Յարու-  
թիւն աղայի...

—Ե՛յ, պամո՞շնիկ, ո՞ւր ես գնում. էլի խալիխ  
տունը քանդելո՞ւ—, լսեց յանկարծ նա դիմացից,  
երբ դեռ խօսքը չէր վերջացրել:

Ստողը տարիքն առած, այրուած դէմքով մի  
յաղթանդամ մարդ էր, որ յամը քայլերով գալիս  
էր դէմից:

Հազրօն չհամարձակուեց վերջինիս պատաս-  
խանել, միայն մտքի մէջ հայհոյեց նրան և մխի-  
թարեց իրեն, մինչև իսկ հպարտացաւ, որ Յարու-  
թիւն աղայի դուանն է ծառայում, նրա գործերը  
կատարելով «քիւչիւկ» աղա և «պամոշնիկ» անուն-  
ներն է վաստակել, ընդ սմին վայելում է աղայից  
ամեն տեսակ խնամք...

«Դուք ծիծաղեցէք, Հազրօն իրեն բանը գի-  
տէ...», քթի տակ փնթփնթաց նա և շարունակեց  
ճանապարհը:

Հազրօի հեռանալուց յետոյ, երբ Խիւզամը,  
փոքր ժամանակ մնալով, գնաց հարևան սենեակը  
հանգստանալու՝ Յարութիւն աղան մօտեցաւ եր-  
կաթէ արկղին, թղթերի կոյտի միջից հանեց հայե-  
րէն գրած մի թուղթ, դրեց սեղանի վրայ և

չափազանց մեծ ուշադրութեամբ արտագրեց: Արտագրելուց յետոյ թղթերը ծալեց, նորից դրեց սնդուկն, և մօտենալով լուսամուտին դուրս նայեց եղանակին: Տեսնելով երկնքի արևմտեան մասում փռուած սև ամպերը, որոնք քանի գնում ստուգարանում էին և սևանում՝ ժպտաց և ուրախացած շշնջաց, — լաւ է, քանի գնում մթնում է, լուսին էլ չկայ... մութ գիշեր կլինի, լաւ է...

III.

Փոքրիկ տան մէջ, որի տափն ու թնդրափը միասին երեք քառակուսի սաժէն հազիւ լինէին, վառուում էր սիւնից կախ արած նաւթի ճրագը, որի հիւսն առատութեամբ բարձրանալով մրոտում էր թոնրի ծխից սևացած առաստաղը:

Թնդրափում կային գիւղական տնային մի քանի իրեղէններ, որոնք թափթփած էին այս ու այն կողմը:

Տափի երեսում երևում էին երեք ձեռ հին, կեղտոտ տեղաշոր խտիչների վրայ փռած, որոց բարձերը դարսած էին թնդրափի թմբիկի հետ: Վերջին, ամենամեծ տեղաշորի մօտ, պատի անկիւնում չլերի մէջ ծածկուած, քնած էր մօտ վեց տարեկան մի մանուկ: Նա յաճախակի շարժուում էր իւր աղքատիկ անկողնում և նորից քնում: Նրա ոտները տակ դրած է կապոյտ էյրամի կրտորով կամարը ծածկած մի օրօրոց, որի միջից

լուում էր քնած երեխայի հանգիստ և միատեսակ շնչառութիւնը:

Այդ տան դուռը բացուում է դէպի նրա նեղ բակը, որտեղից մի դուռը տանում է դէպի դոմն, իսկ միւսը՝ դէպի փողոց:

Թնդրափում ոտները թորոնից ներս կախած տաքանում էին մէկը մօտ քսան տարեկան, միջահասակ, ոչ այնքան զանգուր մազերով մի երիտասարդ, միւսը մօտ իննը տարեկան, խարտեաշ աչքերով մի մանուկ: Նրանք նոր էին վերագարձել դաշտից և սպասում էին երեկոյեան ընթրիքին, որ ապա պառկէին հանգստանալու: Նրանցից մի երկու քայլ հեռու, աթարները տակերն առած, միմեանց կողքի նստած էին երկու կնիկմարդ, որոնցից մէկը թէև այնքան ծեր չէր, բայց ժամանակից առաջ երեսի վրայ առաջացել էին խորշոմներ. այդ խորշոմները նրա մտրած աչքերի հետ վշտի հետքեր էին ներկայացնում. երկրորդը՝ մօտ տասնևեօթը տարեկան հարուստ կրծքով, լիքն իրանով, կարմիր և ուռած այտերով մի միջահասակ աղջիկ էր:

Երիտասարդն և մանուկը լուռ նստած էին և պարապութիւնից մերթ ընդ մերթ բարձրաձայն յօրանջում էին. մայրը գուլպայ գործելով էր զբաղուած, իսկ աղջիկը՝ կարելով:

Նրանց միջև տիրող լուռութիւնը խանգարեց դրսի դռան ձայնը, որ անախորժ ճռուցով բացուեց:

— Չիւ, չիւ—, բակից լսուեց մի ձայն, որից յետոյ դուռը նոյն ճուռոցով նորից փակուեց:

— Մինազար ջան, հերդ ջրից եկաւ. վեր կաց կժերն իջեցրու—, ասաց մայրն աղջկան:

Աղջիկը վերկացաւ:

Քիչ ժամանակ յետոյ ներս մտաւ կարճահասակ, տարիքն առած մի մարդ, որի փափաղի տակից հազիւ երևում էին նրա քիչ սպիտակի գարնող մազերը: Տրեխները հանելով նա նստեց իւր մեծ որդու-Համբարի դիմաց և ոտները ներս կախեց թորոնից:

— Ամի—, քիչ լուռութիւնից յետոյ խօսեց Համբարը, — Բնչ պիտի անենք, երկու կոտ գարի կար, էն էլ էսօր ցանեցի պրծայ, օրավար ու կէս հերկը մնաց. վաղն Բնչ պէտք է անենք:

Ծերունին փոխանակ պատասխանելու սիրտը քաշելով գլուխը խոնարհեց կրծքին:

Որդին հասկանալով հօր լուռութեան պատճառըն ինքն ևս լռեց և սպասեց նրա պատասխանին:

— Ումից ուզենք—, քիչ յետոյ խօսեց ծերը, — ո՞վ ունի. բոլոր գիւղն էլ մեր օրին է. ուրիշ տեղից գնելու համար էլ նաղդ փող է հարկաւոր. էէ—, հառաչեց նա:

— Հօ հերկը չենք թողնելու. ինչպէս էլ լինի մի տեղից ճարելու ենք. հա՛, քիչ լռելուց յետոյ շարունակեց նա, — երէկ չէ առաջի օրը տեսայ Հազրօին. հարցրի, թէ աղադ ցորեն-գարի տալիս է պարտքով. ասաց տալիս է:

— Անտէր մնաս քեասիբուժիւն, որ էսպէս օրով մարդու ճիւղը ծուռն ես թողնում—, տխրութեամբ վրայ բերեց ծերի ամուսինն և մօտենալով թորոնին՝ կէս մարմնով ներս կախուեց ու հանեց երկոյեան համար տաքացրած կճով թանէ ապուրը:

— Ուրիշ ճար չկայ, էլի Յարութիւն աղային պէտք է դիմենք. թէ չէ ումից ուզես, ո՞վ ունի:

— Յարութիւն աղայի՛րն—, երկարացնելով վրայ բերեց ծերունին, և ուզում էր ասել. «Բնչ-պէս ուզես... կտայ որ... բարաթն էլ էնտեղ...», բայց լռեց և խորասուզուեց անորոշ և տանջող մըտածմունքների մէջ:

— Ողջ գիւղը նրանից է վերցնում. ինչպէս նրանք՝ էնպէս էլ մենք. Բնչ պիտի անես. ձեռդ փող չկայ, որ ուրիշ տեղից գնես—, կրկնեց Համբարը:

— Վերցնում են... բայց Բնչպէս են վերցնում, գիտես. հինգ կոտ գարուն տալիս են մինչև աշուն տասը կոտի բարաթ, դեռ, եթէ ուշացրին՝ տուգանքն էլ հետը: Վերցնում են... էէ... բարաթի ժամանակն էլ էսօր-էգուց լրանում է. էլի կանչելու պարտքն ուզելու է, ուզածը գրելու... էս եօթը տարի է, գարուց, ցորենից, մալից-մուլից մի գլուխ պարտք ենք տալիս թէ վերջանայ՝ պակասելու փոխարէն աւելանում է... ը՛ր՛ր... լիսուն մանէթն եկաւ չորս հարիւր մանէթի հասաւ...

— Մեր մէջքն էդ պարտքը կտրեց—, հօր խօսքին վրայ բերեց Համբարը, — էդ պարտքը:

—Պարտք-պարտք, անձնդ մեռնի, որ չես թողնում աղքատի մէկն երկուս դառնալու—, տըխրու թեամբ խօսեց ծերունու կինն, ապուրը շերեփով կուշը լցնելով:

Աղշիկը խոնջայ դրեց, հացն ու գգալները թափեց նրա վրայ, ապա կուշով ապուրը դրեց խոնջայի մէջ տեղը:

—Անտէր էր մնացել էն մի գոյգ եզը, որ էդ քեաֆիրից լիսուն մանէթ չէինք վերցրել, չէինք գնել. տուած օգուտները չտեսանք, վնասից զատ. ո՛ւր է, սաղ մնային՝ էն էլ էր բան. միտարուայ մէջ երկուսն էլ սատկան, մեզ էսպէս թողին պարտքի մէջ—, խօսեց ծերի կինը:

—Ախար ինչ ձեռք է, որ մարդ ինչ խէր տեսնի—, Յարութիւն աղային ակնարկելով խօսեց Համբարը:

Այդ խօսքերի վրայ ծերը հառաչեց. երկու անել դրութեան մէջ մնացած՝ նա չէր իմանում ինչ անի. մի կողմից պարտքն աւելանալու երկիւղն էր, որ նրան մահուան չափ տանջում էր, միւս կողմից սերմնացու չունենալու հոգսը, որ ո՛չ մի տեղից ձեռ բերելու յոյս չունէր:—Ե՛հէ՛—, գլուխը բարձրացնելով ծանր շնչառութեամբ խօսեց նա,—Երբ որ չկայ՝ պիտի վերցնես, ինչ արած...

Նրանք շարուեցան փոքրիկ, կոլոր խոնջայի շուրջն և սկսեցին ախորժակով ուտել աղքատ ընթրիքը, որ բաղկանում էր թանէ սպասից, գարի սև հացից և մի փոքրիկ քրէզան լոռից:

—Գոնէ մենակ սերմնացուի հոգսը լինէր..., ալիւրն էլ է հատել. քանի անգամ է ուզում եմ ասել՝ բերանս չէ գնում—, տխրութեամբ խօսեց ծերի կինը:

—Ալիւրը հատել է՛հ—, գդալը ձեռում մնացած, աչքերն ապշութեամբ մօրը դարձնելով խօսեց Համբարը, — կէս սոմառ գարի էր, էրբ հատաւ:

—Ել ինչ լինի, էս երեք շաբաթ է—, եղբօր խօսքին վրայ բերեց Մինազարը:

—Խսկի՛ չկայ—, գդալը սեղանին աւելի ձգելով քան դնելով և բերանում եղած հացի ծամելը դադարեցնելով հարցրեց ծերը:

—Երկու օր էլ հազիւ բաւական սնայ:

—Հայ օրոցքդ կոտորուի քեասիպ, որ կուշտ փորով գարի հաց ուտելու էլ կարօտես մնացել—, վշտից նեղացած խօսեց ծերի կինը:

Սև օրուայ հոգսի տխրութեան տակ նրանցից ամեն մէկն ուզում էր խօսել, բայց հասկանալով իրար սրտինը՝ բոլորն էլ լռում էին և սև հացի ու լոռի բրդուձները ծուլաբար շարունակում ծամել:

Մինազարը հաւաքեց գդալները կուշի մէջ և դրեց իւր մօտ գտնուած հացի դատարկ սալան:

—Սրան են ասել՝ «գառը դատի՛ դատարկներստի»։ Ինչ օր է դիւղացու օրը—, հառաջ արձակելով խօսեց ծերի ամուսինն և աջ ու ձախ շարժուեց տեղում:

Մօր հառաչի վրայ ապուշ հայեացքով նայեց

նրան փոքրիկ մանուկը, որի քուռը կոխել էր աչքերը և բերանը լայն բաց անելով երկար յօրանջեց:

Կնոջ հառաչն անց կացաւ և ծերին. նա ևս հառաչեց և տրտմութեամբ նայեց աղօտ լոյս արձակող ճրագին, որի ճառագայթների առջև երևացին նրա թուխ դէմքը, ոչ այնքան մեծ քիթն և երկար թերեւս քնքերով աչքերը, որոնք փայլում էին կեանքի վշտով և յոգնածութեամբ: Այդ աչքերի մէջ կարծես հանգել էր կենդանութիւնն և նրա փոխարէն փայլում էր բարութիւնն և կարեկցութեան արժանի նայուածք:

— Ինչպէս էլ լինի էգուց աշխատիր երկու սոմառ դարի առնել, կէսը տանեմ ջրաղաց, մնացած կէսն էլ՝ հերկը ցանեմ, թէ չէ... — կիսատ խօսեց Համբարը և նայեց դէպի տան դուռը, որ ճճալով բացուեց:

— Բ՛արի երեկոյ:

— Վ՛նչ, բիւաքիմ ի՞նչ լինիս... սիրտս փորիս մէջ պատռաւ. Սիբիրից փախած քի Սիբիրից փախած — աննկատելի կերպով ներս մտնող և կիսախաւարի մէջ կանգնող եկաւորի խուպոտ ձայնը յանկարծ լսելով խօսեց ծերի կինը:

— Հո՛, ի՞նչ է, վախեցա՞ր — խօսեց եկաւորը:

— Ո՞վ է — դեռ չճանաչելով եկողին և երեսը դանդաղութեամբ դէպի նրան դարձնելով հարցրեց ծերը:

— Ե՛ս եմ, Սահակ ամի — դռան մօտից խօսեց եկաւորը:

— Հազրօ՛, դ՞ու ես — խօսեց Սահակը, — խէր է գիշերով — լսէր բառն արտասանելիս մի երկիւղ անցաւ ծերունու վրայով:

— Ես եմ Սահակ ամի, խէր է — պատասխանեց Հազրօն:

— Քեզանից խէ՛ր... — հազիւ լսելի ձայնով քթի տակ խօսեց ծերի ամուսինը:

— Սուաջ արի՛ տեսնենք ի՞նչ ես ասում:

Հազրօն շարժուեց դէպի ճրագի լոյսը, որի առջև պարզ երևացին նրա կիսամաշ կեղտոտ գըլխարկը, դեղնած դէմքը, որ սրճագոյն մահուդէ խունացած ու կիսամաշ չուխալի հետ երկիւղալի տպաւորութիւն էին թողնում նայողի վրայ:

— Յարութիւն աղան քեզ կանչում է:

«Յարութիւն աղան ինձ կանչում է», մտքի մէջ կրկնեց Սահակն և ընկաւ տանջող մտածմունքի մէջ: Նա մտածում էր. «եթէ բարաթի համար է՛ դեռ ժամանակը լրանալուն մի ամիս կայ. ուրեմն...» — ինչո՞ւ համար է կանչում — անհամբերութեամբ հարցրեց նա:

— Ձգիտեմ:

Մի քանի վայրկեան նրանք բոլորն էլ խոր հրդաւոր հայեացքով լուռ նայեցին իրար երեսի:

— Ի՞նչ շտապով բան է, որ գիշերով է կանչել. առաւօտը որ մնայ չի լինիլ:

— Ասաց «անպատճառ թող գայ. հարկաւոր բան ունիմ ասելու»:

— Հարկաւոր բան:

—Գնա տես թնչ է ասում. մի բան կլինի, որ կանչել է—, թէև կասկածանքով, բայց աւելի դրական կերպով խօսեց Համբարը:

—Մինազար ջան, տես տրեխներս թնչ եղան, տուր հագնիմ—, քիչ մտածելուց լետոյ խօսեց ծերը:

—Հիմայ կէս գիշերին թնչ հաւար է. թող մնայ առաւօտեան—, սրտում ինչ որ գաղտնի երկիւղ զգալով խօսեց Սահակի ամուսինը:

—Ձէ, Սալվի (այսպէս էր նրա անունը), մէկ հանդիպիմ կգամ. մէկ էլ հազր լաւ պատճառ է:

—Հա .. տես—, հօր ականջին փսփսաց Համբարն, —աշխատիք ինչպէս էլ լինի մի-երկու սոմառ գարի վերցնել:

—Լաւ,— հաղիւ լսելի ձայնով պատասխանեց Սահակն, և հագնելով տրեխներն իւր հաստ ու կոլոր ոտները գետնին դմբդմբացնելով ելաւ դուրս:

Աղջիկը վեր քաղեց խոնջայի վրայից հացի վըշրանքները, սիլկիով սրբեց սուֆրէն, հացի սալան տարաւ դրեց տան անկիւնն և ապա նորից նստեց մօր կողքին:

—Մայրիկ, դրան ինչո՞ւ Սիբիրից փախած են կանչում—, մօր երեսին նայելով հարցրեց շիկահեր մանուկը, որի քունը Հազրօի մտնելովն առ ժամանակ փախել էր:

—Ես թնչ եմ իմանում, հողեմ դրա գլուխը. մինչև հիմայ էլ դեռ սիրտս փորիս մէջ լսլրտում է:

—Սրանից մօտ տասը տարի առաջ նրան բռնեցին տարան Ուռուսէթի մի քաղաք, արեստանտ ուրտ են ասում, թնչ են ասում՝ չգիտեմ. էնտեղ մնաց երեք տարի—, խօսեց Համբարը:

—Ինչո՞ւ են տարել—, այս անգամ աւելի հետաքրքրութեամբ եղբօրը հարցրեց Մինազարը, որ պարզ չգիտէր նրան երեք տարի «կալանաւորների վաշտն» ուղարկելու պատճառը:

—Նա մէկից ուզեցել է կորզել հարիւր ըուրլի. դրա համար շինել է սուտ բարաթ, իւզբաշուց (տանուտէրի օգնականից) կնիքը գողացել՝ խփել ներկայացրել է դատարան:

—Յետոյ:

—Յետոյ դատաւորը կանչում է էն մարդուն, որի վրայ զանգատ է տուել. նա մնում է զարմացած: Դատաւորը ցոյց է տալիս բարաթը. նա ասում է, որ իւր ստորագրութիւնը չէ: Ինչտեղ բացում է Հազրօի սուտը: Դրանից լետոյ նրան բռնեցին ու մի տարի բանտարկելուց լետոյ տարան արեստանտ ուտը:

—Ինչպէս գնար, որ էլ ետ չգար. ողջ գիւղը խայտառակ արեց. էլ բան մնաց...—, եղբօր խօսքին զղուանքով վրայ բերեց Մինազարը, —կասես շան չահրա լինի, մարդ չի կարող երեսին նայել:

—Ա՛խիս, գետինը մտնի Յարութիւն աղան, գետինը. նա է պատճառը, որ դա էստեղ է. թէ չէ տուն չունի՝ որ բնակուի, հող ու մալ չունի՝

որ վարուցանք անի, օղլուշաղ պահի. ինչո՞վ պիտի  
ապրիր—, դառնացած խօսեց մայրը:

— Ինչո՞ւ չի պահի. իրեն դուան շո՞ւնն է շինել.  
ինչ որ ուզում է՝ դրա ձեռովն է անել տալիս.  
Շուշան խանումն էլ սիրո՞ւն.. —, կիսատ խօսելով  
վրայ բերեց Համբարը:

— Գիւղումն ինչե՞ր ասես, որ չեն խօսում —,  
զգուանքով խօսեց Մինազարը:

— Է՛, քնչ անի խեղճ կինը. ծեծը գլխից ամեն  
օր անպակասէ. կարո՞ղ է հակառակիլ, ասածը չկատա-  
րել... , էն ըուպէին դադանակն առնում, վրայ է հաս-  
նում: Մարդ պիտի շիտակը խօսի—, նկատեց մայրը:

Նրանց մէջ փոքր ժամանակ լուռութիւն տիրեց:  
Ներսէսը քնատ աչքերով սկսեց յօրանջել:

— Վեր կաց, Ներսէս ջան, շորերդ հանի՛ր, քը-  
նի՛ր: Մինազար ջան, դու էլ, երեսան զարթեց, լա-  
լիս է, օրօրի՛ր, ես հեսջուրը դնեմ —, խօսեց մայրն  
և վեր կացաւ տեղից:

Կէս ժամից քնեցին Մինազարն ու Ներսէսն.  
Իսկ Համբարն ու մայրը ստները թորոնից ներս  
կախած՝ լուռումունջ նստել էին և սպասում  
էին Սահակի վերադարձին: Նրանք երբեմն-երբեմն  
մրափելով նորից բարձրացնում էին կրճքերի վը-  
րայ յանկարծակի ընկնող գլուխներն և խօսում:

— Տեսնես քնչ հարկաւոր գործ էր, որ էսքան  
ուշացաւ:

— Հա՛, Համբար ջան, ուշացաւ. մէկ գնայի՛ր  
ետևը:

IV.

Յարութիւն աղան ման էր գալիս սենեակի  
երկարութեամբ և դանդաղ կերպով ծխում էր:  
Մտածմունքների մէջ խորասուզուած լինելով՝ նրա  
պղտորուած նայուածքը յառած էր միայն պապի-  
րոսի վրայ: Նրա դէմքն երբեմն ուրախութեան  
ժպիտ էր արտայայտում, երբեմն էլ սառչում ան-  
շարժանում էր: Յաճախ աչքերն ու յօնքերը վրայ  
բերելով նա կանգ էր առնում և մտախոհութեամբ  
շփում էր գանգուր մազերով շրջապատուած ճա-  
կատը:

Սեղանի վրայ կճկճալով վառւում էր կեղտոտ  
լուսամփօփով լամպարն և ոչ այնքան առատ լոյսը  
սիւռում էր կեղտոտուած ծածկոցի վրայ:

Նա այդ մտածմունքների մէջ երկար ժամա-  
նակ շրջում էր և յաճախ նայում ժամացոյցին:

Իրսից լսուեց ստի ձայն:

Սենեակի դուռը բացուեց և ներս մտաւ Սա-  
հակը: Նա Յարութիւն աղային յարգանքով բա-  
լւեկուց յետոյ նստեց հեռուն աթոռի վրայ:

— Էլ ո՞նց ես, քէֆդ-հալդ—, սիրալիբ կերպով  
նրան բարևելուց յետոյ խօսեց Յարութիւն աղան, —  
էսպէս մօտիկ նստիր:

— Շնորհակալ եմ, աղա ջան, քո լաւութիւնը  
լինիք —, աշուէլով պատասխանեց Սահակն և աթոռը  
մօտեցնելով սեղանին՝ աչքը ձգեց նրա երեսին,

անհամբեր սպասելով իմանալու, թէ ինչո՞ւ համար է կանչուած:

— Էս որտեղ ես. իսկի չես գնում, չես գալիս:

— Գործով զբաղուած մարդ ենք, աղան ջան, մէկ էլ քեզ պէս աղային ինչպէս նեղութիւն տանք:

— Քեզ պէս լաւ մարդկանց առաջ եմ դուռս միշտ բաց է:

— Ծնորհակալ եմ —, տեղում մի փոքր կանգնելով շարժաց Սահակը:

— Բաս էդ որ գործով զբաղուած ես, ինչու համար որ կանչել եմ՝ ասել է չեղաւ:

Սահակը մի քանի վայրկեան լուռ նայեց նրա երեսին, որի ժամանակ մտածում էր. «հարցնեմ արդեօք ինչու համար է կանչելը»՝ երբ Յարութիւն աղան ինքը խօսեց:

— Գիտես, Սահակ ջան, գործով զբաղուած լինիս թէ չէ՝ մի խնդիր ունիմ, կատարելու ես:

— Գլխիս վրայ, հրամայիր, եթէ կարելի է, ինչո՞ւ չէ:

— Ասեմ. կոտերով որ ոսկի բաշխէին, ես էս գիւղից ոչ ոքի սուբաշի չէի վարձի, որովհետեւ գիտեմ, բոլորն էլ ինչ պտուղներ են. քեզ եմ տուած վարձել, գիտեմ որ մենակ դու ես, որ սրանց մէջ մարդ ես:

— Ծնորհակալ եմ, աղան ջան, վատութիւն անելուց մարդուս ինչը կաւելանայ —, ինքնասիրութիւնը փափայուած խօսեց Սահակը:

— Հա՛, ապրիս, տեսնո՞ւմ ես, նրանք էդպէս չեն ասում. ես էլ մարդ եմ, տեսնո՞ւմ եմ չէ՞. քեզ ինչպէս նրանց հաւասար ընդունենա:

Սահակն ամօթխած ժպիտով նայեց նրա երեսին:

— Հիմա՛յ գիտես, որ չայիրների խօսն եկել կանգնել է. ցանքսերը համարեա վերջացել են. արոսներին հարկաւոր է մտիկ անել. էս բոլորի համար մարդ է հարկաւոր, բայց հաւատարիմ մարդ, որին ես վստահօրէն կարողանալի յանձնել բոլոր հոգսն և սուբաշիների վերակացութիւնը: Եդ բանի համար քեզանից գատ ո՛չ ոքի չեմ վրտահանում վարձել: Ե՛, գիտեմ, ինքդ էլ աղքատ մարդ ես, հացի-մացի պակասութիւն կունենաս. հազրր...

— Ունիմ, ապա չունիմ, աղա ջան —, նրա խօսքերից քաջալերուած խօսեց Սահակը. — ունչպրի սև օրը քեզ յայտնի է. գեռ ցանքսը չըվերջացած՝ ուտելիքներս ու ցանելիքներս հատել է:

— Տեսնո՞ւմ ես. համ քեզ համար լաւ, համ ինձ համար: Իէ ասա՛, կարո՞ղ ես յանձգ առնել:

— Ինչո՞ւ չէ, աղա ջան, տանը մնամ ինչ պիտի անեմ. Համբարս Ներսէսիս հետ տանը գործը ետլա կտանի, ես էլ կմտնիմ քեզ մօտ:

— Եատ լա՛ւ —, ուրախացած շարժաց Յարութիւն աղան, — իսկ վարձի համար:

— Պարտքիս շահը —, նրա խօսքն ընդհատելով խեղճայած հարցրեց Սահակը:

— Զէ, Սահակ ջան, ես մարդ եմ, ես էդպէս նամարդութիւն չեմ անի. լաւ մարդկանց համար հոգիս որ ուզեն՝ չեմ խնայի, ես էդ չեմ անի. դու հացի պակասութիւն ունիս, կտամ էս գլխից ինչքան որ հարկաւոր է: Ինչքան է հարկաւոր, ասա—, շտապով վրայ բերեց Յարութիւն աղան:

— Մի-երկու սոմառ գարի հարկաւոր է:

— Երկու սոման. էս ըոպէիս. Հազրօ՛—, դէպի դուռը գնալով ձայնեց նա, — Հազրօ:

Հազրօն մտաւ ներս և ձեռքերը քարշ ձգելով կանգնեց նրա դիմաց:

— Էն լաւ գարուց երկու սոմառ կչափես Սահակի համար, իմացանք:

— Իմացայ, հրամանք ես—, գլուխը քիչ ցած շարժելով պատասխանեց Հազրօն և ելաւ դուրս:

Մինչդեռ Յարութիւն աղան ման գալով մըտածում էր, թէ մնացած մտադրութիւնն ինչպէս շարունակէր՝ Սահակն ուրախութիւնից չէր իմանում, թէ ինչ անի, ինչպէս վերաբերուի այդ ըոպէին Յարութիւն աղային, որ այդպիսի մեծ օգնութիւն հասցրեց իւր նեղ օրերին: Նա վառեց պապիրոսն, երեսին ժպիտ խաղացրեց և Յարութիւն աղային նայելով ազահոլթեամբ ծուխը մի քանի անգամ կուլ տուեց:

Այդ ժամանակ Յարութիւն աղան տեղում շուռ գալով կանգնեց նրա առաջ:

— Ես շնորհակալ եմ, որ քեզ պէս մի հաւա-

տարիմ և ազնիւ մարդ եմ գործիս մէջ մտնիլ լանձն առաւ. դու էլ շնորհակալ ես, թէ չէ:

— Էլ ինչպէս ասեմ, աղա ջան, էլ ինչպէս...

— Իէ կեցի՛ր ասեմ, Սահակ ջան, վաղուց է սիրտս մարդու առաջ բաց չեմ արել. էս աշխարհս անցողական է. ինչ որ աշխարհինն է՝ էն էստեղ կմնայ. մեռնելուց յետոյ բացի մի թոփ կտաւից մարդս հետը ոչինչ չի տանի. թէ մի լաւութիւն արել ես՝ էն է, մի բարի անուն կմնայ:

Այդ խօսքերի վրայ Սահակը խորը հառաչեց և մեծ համակրանքով նայեց նրա երեսին, որ այդ առաջին անգամն էր լինում:

— Ես էլ որոշել եմ լաւութիւն անել, բայց էնպէս մարդկանց, որ իրենք էլ բարի են և բարութիւնդ մի բանի տեղ կանցնի. օրինակ դու. քեզանից լաւ մարդ ես չտեսայ. ուստի որոշել եմ քեզ էնպիսի մի լաւութիւն անել, որ, որ... ինքդ էլ զարմանաս:

Սահակը սաստիկ ուրախացած ժպտալով նայեց նրա երեսին: Նա հետզհետէ համակրանք էր տածում դէպի այդ մարդը, որի մասին շատ լայտնի և անլայտ բաներ էր լսել, որին շատերն էին հայհոյել և անիծել, հայհոյել և անիծել էր մինչև անգամ ինքը, բայց այդ մարդը այդ ըոպէին նրան խիստ բարի և չար լեզուներից բամբասուած մարդ էր երևում:

Մինչ Սահակն այդ մտածմունքի մէջ էր, Յարութիւն աղան վեր կացաւ տեղից, բաց արեց եր-

կաթէ սնդուկն և մի թուղթ հանելով նորից նըստեց իւր տեղում: — Գերզաստանի և զաւակների տէր մարդ ես, ես ուզում եմ...

Սահակը չհասկանալով, թէ բանն ինչնմն է, ինչոր անորոշ ուրախութեամբ նայեց նրա ձեռին:

— Հերիք է ինչքան պարտքի տակ չարչարուեցիր. էլ քեզանից ոչինչ չեմ ուզում. ահա, բարաթըդ քեզ եմ բաշխում, առ, պատառիր:

Սահակն աչքերը չուելով խելագարի պէս նայեց Յարութիւն աղային և ուրախութիւնից չէր իմանում ինչ ասի:

— Առ, պատառիր, և գիտցիր, թէ ինչպիսի մարդ է Յարութիւն աղան:

— Աղա՛, հանաք հօ չես անում—, շփոթուած դրութեամբ խօսեց Սահակը:

— Ի՞նչ հանաք, տօ՛, չորս հարիւր մանէթն ի՞նչ է, որ քեզ պէս մէկ պատուական մարդու հանար... հանաքս որն է, առ, պատառիր, քեզ ասում եմ:

Սահակն առ առ բարաթը. նրա ձեռները դողդողում էին. նա նորից նայեց Յարութիւն աղայի երեսին և լուզուած ձայնով շշնջաց:

— Աղա՛, ը՛ր՛ը՛... համաք հօ՛... —

— Ի՞նչ հանաք—, այս անգամ բարձր-բարձր խօսեց Յարութիւն աղան, — հանաքս որն է, այն հանաք—, և խլելով Սահակի ձեռից բարաթն՝ արագ-արագ պատառոտեց:

Սահակը զարմացած և շփոթուած նայում էր բարաթի կտորներին, որոնք օդի մէջ շուռ ու մուռ գալով ընկնում էին յատակի վրայ, և դող-դող ձայնով խօսեց, — Աստուած արեդ պահէ, աղա՛, ջան. Աստուած դրա փոխարէն մէկին հազար տայ... իմ աղերքս քեզ...

— Հիմայ ո՞վ է լաւ մարդը, Տ՛ը, ասա՛, ես թէ էն իմ վրայ խօսողները... ձեր էն, էն, էն... Մարկոսը... —, ձայնը խիստ բարձրացրած խօսեց Յարութիւն աղան:

— Ել, էլ, էլ... ի՞նչ ես հարցնում... —, ձեռը վերև բարձրացնելով խօսեց Սահակն և ուզեց շըրթուեքները մօտեցնել նրա ձեռներին:

— Լա՛ւ, լա՛ւ—, ձեռն ետ քաշելով խօսեց Յարութիւն աղան, — մենակ այսուհետև որ տեղն ընկնի՛ իմ լաւութիւնս չմոռանաս...

— Ել, էլ... է, հիմայ ի՞նչ ասեմ. թո՞ղ...

Յարութիւն աղան այս վերջին մի քանի բառը լսելով, որին սպասում էր, անմիջապէս մօտեցաւ պատշգամբի դռան, պինդ-պինդ հազալով բաց արեց, բարձրաձայն թքեց, ապա թաշկինակով քիթ ու բերանը սրբելով մտաւ ներս և նստեց Սահակի դիմաց:

— Սահակը լուութիւնից օգուտ քաղելով ուզում էր թոյլութիւն ինդրել գարին տանելու, իւր սրտի կրկնակի անսահման ուրախութիւնը տրանցիներին աւետելու՝ երբ լանկարձ դրսից ձիւտորովիւն և մարդու բզաւոց լսուեց:

—Յարութիւն աղա՛, ա՛—ա՛ն, Յարութիւն աղա՛...

—Ո՛վ է, թնչ է—, տեղից շփոթուած վեր թռչելով և այս ու այն կողմը նայելով դէպի պատըզգամբ դուրս գնաց Յարութիւն աղան:

—Մէկ դ՛ուրս արի՛, շ՛ուտ, մէկ դ՛ուրս արի՛:

—Ո՛վ է, թնչ է:

—Ե՛ս եմ, Յարութիւն աղա, չայիրդ...

—Օսման... թնչ չայիր:

—Չայիրդ աւերեցին, չայիրդ:

—Մէկ ձիուցդ իջիր, արի տեսնենք թնչ ես ասում, ո՞ր չայիրդ:

—Մահմուդի չայիրդ, Մահմուդի —, աղաղակեց Օսմանն, և ձիու սանձը ձգելով դէպի Հազրոն, որն այդ ժամանակ մթութեան մէջ երևեցաւ այժմանի առջևի հրապարակում, հեւալով բարձրացաւ վերև:

Սահակն անորոշ շփոթմունքով դուրս էր նայում և ակամայ ուշադրութեամբ ականջ էր դնում ձիաւորի և Յարութիւն աղայի խօսակցութեանը: Նա այդ ընթացին այնպիսի խոր ցաւակցութիւն զգաց դէպի Յարութիւն աղան, որ բարկութեամբ լցուեց դէպի նրա վնաս անողը:

Ներս մտաւ միջահասակ, ոտից մինչև գլուխ գինուած մի թուրք, որի տափակ երեսի վրայ աչքի էին ընկնում նրա սաստիկ մեծ բերանը և բարակ ծնօտը:

—Օսման—, անհանգիստ շարժումներով հարց-

րեց Յարութիւն աղան,— թնչ ես ասում... թնչ չայիր... ո՞վ...

— Մարկոսի ոչխարը...

— Մարկոսի ոչխարը—, ճչաց Յարութիւն աղան և ձեռները բռունցք կազմելով կատաղութիւնից սկսեց դողդողալ:

— Մարկոսի ոչխարը, հա՛, չայիրդ աւերեց, շ՛ուտ:

— Դէ՛, հիմայ թնչ անեմ, հ՛ը, թնչ անեմ —, իրեն կորցրածի պէս կրկնեց Յարութիւն աղան և սկսեց արագ-արագ շրջել սենեակում:

Սահակը բոլորովին շփոթուած դրութեան մէջ կանգնած մնացել էր իւր տեղում և նայում էր Յարութիւն աղային. նա սաստիկ խղճահարուած էր. նրա մէջ արդարութեան կիրքն սկսեց այն ստիճան եռ գալ, որ քթի տակ ինչոր սպառնական, անորոշ բան մըմուսաց:

— Դեռ ասում են, թէ Յարութիւն աղան վատ մարդ է. թնչ անի Յարութիւն աղան, հա՛, գլուխը ո՞ր քարը տայ, հանդարտ կեցած տեղս ոչխարը ձգում են չայիրս: Ե՛, թնչպէս տեսար, ասա տեսնենք, էլ խելք չմնաց վրէս, որ հարցնէի:

— Գնում էի դէպի մեր գիւղը —, յուզուած խօսեց Օսմանը,— հեռուից տեսայ, որ չայիրի մէջ ինչոր սպիտակ բան է երևում. ձիս քշեցի՛ տեսնեմ Մարկոսի ոչխարը. էլ ոչ գիւղ գնացի, ոչ էլ, ուղղակի եկայ քեզ իմաց տալու:

— Իմացա՛ր, Սահակ ջան, իմացա՛ր—, նրա երեսին նայելով խօսեց Յարութիւն աղան:

— Իմացոյ, իմացոյ —, գլուխը դանդաղութեամբ պտրտեցնելով ցածր ձայնով պատասխանեց Սահակը:

— Դէ, հիմալ ես թնչ անեմ, դո՛ւ ասա, թնչ անեմ. տեղը չէ՛, որ էս ընկէիս բոլոր ոչխարն ու հովիւներին հրացանով սպանեմ, հա՛... թնչ անեմ, դո՛ւ ասա, թնչ անեմ —, ուսերը վեր շարժելով շարունակեց նա, — ինքն էլ էստեղ չէ, որ — տանեմ անքը կոխեմ:

— Ես իմ Աստուածս, գրան թնչ անես՝ տեղն է —, խորհրդատու բարկութեամբ վրայ բերեց Օսմանը:

— Ասա՛, անաստուած, թշնամի ես ինձ հետ, մատղաշ չալիքն ինչ մեղք ունի. հ՛ը, քեզ եմ հարցնում, Սահակ, դու մի հասկացող մարդ ես:

— Իհարկէ անաստուածութիւն է —, գրեթէ բարկութեամբ լցուած պատասխանեց Սահակը:

— Հիմալ թնչ անենք գիշերով. ո՛ւմ ձէն տանք. իւզբաշին էլ գիւղում չէ, որ...

— Մէկն ես, մէկն էլ Սահակը, երկուսով բաւական ենք, էլ ինչ թնչ ես մտածում, գիշերը մէկ էլ ուրիշներին թնչ զարթեցնես:

— Հա՛, աղա, լաւ ասաց. ես ու Օսմանն հերիք ենք. էլ թնչ ես մտածում, էլ թնչ հարկաւոր է ուրիշներին ձէն տալ — իւր կողմից անմիջապէս պատրաստականութիւն լայտնեց Սահակը:

— Հա՛, կը ինք... լաւ. Հագրօ —, ձայնեց Յարու-

թիւն աղան և ելաւ դուրս, ապա նորից մտնելով սկսեց սաստիկ բարձր խօսել և հայհոյել:

Մինչ Կահակն իւր լայտնած պատրաստականութեամբ ուրախանում էր, որ օգնելու է Յարութիւն աղային, դրսում լուսեց ձիու տրոփիւն, որ աստիճանաբար խլանալով լուսեց: Սակայն Սահակըն Յարութիւն աղայի գոռգոռոցից չլսեց այդ տրոփիւնը:

— Սահակ ամի, Համբարը դռանը կանգնած կանչում է քեզ —, ներս մտնելով լայտնեց Հագրօն: Սահակն աւելի շփոթուած այլանի իրարանցումից քան Յարութիւն աղան, հազիւ հասկացաւ հագրօի խօսքն և գնաց դուրս:

— Դէ շուտ արա Սահակ. էլ սպասելու ժամանակ չկայ. շուտ արէք —, դէպի Օսմանն ու Հագրօն դառաւ Յարութիւն աղան և ծածուկ դուրս գալով Սահակի ետեւից՝ դռան ետեւից ականջ գրեց նրա որդու հետ ունեցած խօսակցութեան:

— Համբար ջան, դո՛ւ ես. թնչ է:

— Ուշացար, մէրս ուղարկեց ետեւիցդ:

— Ինչ լաւ եկար. — Ես չեմ կարող դալ. մենք դնալու ենք զիանը տեսնելու. դու գարին տար տուն.

— Ինչ գիան. գարի վերցրէր —, իրար վրայ հարցրեց Համբարը:

— Յարութիւն աղայի չալիքը ոչխար են ձգել:

— Ո՛վ:

— Մարկոսի հովիւները:

Համրարը մի քանի վայրկեան մտա եց, ուզեց խօսել այդ առթիւ և ասել, թէ «իմ գալու ժամանակ ինչոր սև ձիաւոր էր հեռանում այստեղից», սակայն հարցրեց.

— Ինչքան գարի վերցրիր:

— Երկու սոմառ:

— Ի՞նչպէս. բարաթով, թէ փոխ:

— Ի՞նչ բարաթ, թէ փոխ. էնպէս տուեց:

— Էնպէս...

— Հա՛, ինչ էլ սուբաշի վարձեց, վարձիցս երկու սոմառ գարի էլ առաջուց տուեց —, ուրախ-ուրախ յայտնեց նա:

Որդին լռեց և ինքն ևս ուրախացած ոչինչ չասեց:

— Մենակ էդ է —, նոյն ուրախութեամբ շարունակեց նա, — բարաթս էլ պատառեց, բարաթս:

— Պատառեց, իրա՛ւ —, չափազանց ուրախացած բարձր ձայնով հարցրեց Համբարը:

— Քրիստո՛ս, պատառեց, իւր ձեռով պատառեց: Մարդն իսկական մարդ է եղել, մենք ինչեր ենք ասում... Ես հիմայ ճանաչեցի. չէ, սրանից յետոյ թէնք որ ասեն՝ չեմ հաւատարու. բոլորը սուտ է: Իէ՛հ, հիմայ էլ երկար ժամանակ չունիմ խօսելու, շտապով գնալու ենք. դու գարին տար տուն, մօրդ յայտնիր և ասա, որ էս գիշեր չեմ գայ: Համա՛ ոչոքի ոչինչ չասես. իմացար:

— Իմ տան գաղտնիքն ուրիշն թէնք գործ ունի իմանալու:

— Իէ՛հ, հիմայ գնա՛ բանիդ —, շտապ-շտապ վրայ բերեց Սահակն և մթութեան մէջ սանդուխներով վազելով բարձրացաւ վերև:

Յարութիւն աղան այդ խօսակցութիւնից սաստիկ ուրախացած՝ մտաւ հարևան սենեակն, առաւ Աբուլէյլայի (այսպէս էր ձուռ անունը) սանձը, տարաւ ձգեց բակը, սանդուխի տակ և ապա մտաւ իւր սենեակը:

Համբարն ուրախութիւնից ինքն էլ չիմացաւ, թէ ինչպէս գնաց տուն, որ ջուալները բերէր, գարին տանէր, և թնչալիսի բերկրանքով պատմեց մօրը բարաթի ոչնչացման ուրախալի լուրը:

Սալվին, որ սկզբից մեծ հրճուանքով էր լըսում որդու ուրախ խօսակցութիւնը՝ յանկարծ ինչոր գաղտնի տխրութիւն զգաց: Մի ինչոր բան կարծես ներսից մի անորոշ վատ բան գուշակում լինէր, որ նա, կնոջ օժտուած յատուկ բնաւորութեամբ զգում էր, բայց չէր կարողանում բացատրել: Այդ տխրութիւնը որպէս թոյն դառնացրեց նրա մի քանի ըոպէ առաջ գուարճութիւն զգացող հոգին: Նա այլ ևս ոչինչ չխօսեց, մտաւ անկողին: Քունը հանած, ծածուկ տխրութիւնից երկար ժամանակ նա կողքէ կողք էր դառնում և չէր կարողանում քնել:

... Կ. ...

— Աղա՛, դէ՛, էլ ուշանալու ժամանակ չէ. չայլորդ հիմա՛յ աւերեցին. շուտ անենք գնանք. սուր է Հազրօն. Հազրօ—, արդէն իրեն այդ տան մօտիկ մարդ համարելով ձայնեց Սահակը, որ թէ տխրած էր այդ դէպքից, որ չայլորդ վնասել էին և թէ ուրախացած, որ դէպքը բերեց, և այն էլ հենց այդ երեկոյ, իւր մասնակցութեամբ—օգնութեամբ իւր ծառայութիւնը մատուցանելու Յարութիւն աղային, դէպի որը նա այնքան երախտագիտութիւն գգալով հանդերձ համակրանք տածեց. — Հազրօ, սրտեղ ես, գնանք ձիերը թամբենք:

— Ծրագն էի վառում, պատրաստում—, ներս մտնելով խօսեց Հազրօն:

— Գնանք, գնանք, շուտ—, շտապով խօսեց Սահակն և Հազրօի հետ իջնելով ներքև, մտաւ դոմ:

Նրանց գնալուց յետոյ Յարութիւն աղան բաց արեց պատի միջև շինուած տուպը (պահարան), հանեց արաղ, գինի, գառան խորոված միս, հաց, պանիր, ձու և շարեց սեղանի վրայ:

— Գէ, մօտ արի Օսման մի.մի սրաղ խմենք մինչև Սահակը վերև կգայ:

Օսմանը մօտեցաւ սեղանին, և չէրքէզի լայն թևերը վեր քաշելով խօսեց, — հիմա՛յ Խիւզամը տեղ հասած չի լինի, թնչ ես կարծում:

— Գեռ սրտեղ. գնալը մի ժամ էլ չկայ. տասր վերստից աւելի է. մութը գիշեր է:

— Ուրեմն մի ժամ էլ հարկաւոր է, որ հասնի:

— Հա՛, դեռ պէտք է սպասենք, մինչև որ արաղաղներն երկրորդ անգամ կանչեն:

— Ե՛, թնչպէս անենք, որ ուշանալներուս չըկասկածի:

— Ո՞վ, Սահակը. անհոգ կաց. էնպէս մի բան եմ արել, որ կասկածելու տեղ չէ մնացել:

— Ի՞նչ:

— Աբուլէլայի սանձը պահել եմ. ուրիշ սանձով էլ չի կարելի հեծնիլ:

Օսմանը քթի տակ ծիծաղեց. — ուրեմն էնպէս պէտք է անենք, որ առաւօտեան էնտեղ հասնինք:

— Հա՛, էնպէս որ ոչ լոյս լինի, ոչ մութ: Մէկ էլ պիտի աշխատինք, որ Սահակին մի քանի հատ կոնծել տանք. որ առաւօտ քան չկարողանայ գանազանել—նշմարել... հասկանում ես... քանի խառնուի...

— Մինչև էդ ժամանակ էլ Խիւզամի ոչխարը չայլորդ լաւ վնասած կլինի, հա՛: Ե՛, քիչ լուելուց յետոյ շարունակեց Օսմանը, — քանի Հազրօն ու Սահակը չեն եկել իմ...ըր՛ը...:

Յարութիւն աղան հասկացաւ նրա միտքը, հանեց պորտմանէն և երեսուն ըրբի դրեց նրա առաջ:

— Գէ, Յարութիւն աղա, ժլատութիւն մի անիր, Խիւզամին տուածիդ կիսի չափ էլ է տուր. չնեղանաս, պէտք որ չլինէր... թէ չէ գիտես իմ բնաւորութիւնը... որ...

«Գիտեմ ինչ շան որդին ես. սուտ վկայ դառնալու ես համա՛ թալանելու ես էլ», մտքի մէջ հայհոյեց Յարութիւն աղան և քսան ըուբլի ևս դրեց նրա առջև, — վերցրու. հալալ լինի:

Օսմանը թղթադրամները ծալելով դրեց գըրպանն և վերցրեց արախի բաժակը, որ վաղուց լըցրած նրա առաջն էր դրած:

— Աղա՛, Աբուլէյլայի սանձը չկայ —, ներս մտնելով միասին խօսեցին Հազրօն ու Սահակը:

— Սանձը չկանայ —, դարմանքով երկարացրեց Յարութիւն աղան. — սրտեղ ես դրել:

— Իմ սենեակումն էր, չկայ:

— Գժուե՛լ ես, ինչ է. գնա գտի՛ր. կորցնելու ժամանակը գտար:

— Հա վա՛յլայ, թարս բանի աշեցէք, է —, իւր կողմից վրդովուած խօսեց Սահակը. — գնանք, գընանք էլի մի լաւ փնտուենք:

— Դու հանդիստ նստի՛ր, նա կգտնի. թող պահած տեղն աշէ —, խօսեց Յարութիւն աղան և նրան նստեցրեց սեղան:

Հազրօն ելաւ դուրս:

— Ա՛ռ, առ խմի՛ր, դուրսը ցուրտ է. մի քիչ էլ բան կեր մինչև Հազրօն սանձը կգտնի: Է՛, ողջ լինիս, Սահակ ջան —, իւր բաժակը բարձրացնելով առաջ տարաւ Յարութիւն աղան, — Աստուած տունդ ու տեղդ առանց փորձանքի պահէ. այ՛ —, գինու բաժակը բարձրացնելով շարունակեց նա, — ես քանի ողջ եմ՝ էս գինու ու հացի

վրայ երդուում եմ, որ քեզ համար կանգնած եմ. տո՛ւր ձեռդ, տո՛ւր:

— Շնորհակալ եմ, աղա՛ ջան, Աստուած արեդ պահէ —, ոտի կանգնելով խօսեց Սահակը:

— Աստուած ինձ էլ աջողութիւն տայ. ողջ լինիս, Օսման, շնորհակալ եմ, որ աղուհացս չմոռացար, եկար իմաց տուի՛ր —, բարեմաղթեց Յարութիւն աղան և դատարկեց բաժակը: — Դէ՛հ, խմեցէք, ժամանակ չկայ, կուշանանք:

— Ո՛ղջ լինիս, Յարութիւն աղա, Աստուած քո պակասութիւնը մեզ ցոյց չտայ —, խօսեց Օսմանը, որի ասածը կրկնեց և Սահակն, ապա և երկուսով դատարկեցին բաժակները:

— Դէ՛, մի-մի բաժակ էլ. Սահակ, բեր գինուդ բաժակը. չուշանանք... Այ գետի՛նը մտնիս, Հազրօ, գետի՛նը —, նեղացած խօսեց Յարութիւն աղան և նորից լցրեց նրանց երկսի և ապա իւր բաժակը: — Դէ՛, միս վերցրէք, լա՛ւն է, ա՛ռ Սահակ, վերցո՛ւ, Օսման. կերէք, է՛օֆ-է՛օֆ, լաւ կտորներ են, անո՛ւշ արէք:

Սահակն ուտում էր գառան միսն և լաճախակի նայում դռանը, թէ ներս չէ՞ մտնում արդեօք Հազրօն: Նա մեծ անհամբերութեամբ սպասում էր, թէ երբ են գնալու:

— Վերցրէք, խմեցէք, հա՛ ղոջաղներ, խմեցէք, դուրսը ցուրտ է:

— Աղա՛, չկայ —, ներս մտնելով երկիւղով խօսեց Հազրօն:

— Ի՞նչպէս թէ չկայ —, բղաւեց նրա վրայ Յարութիւն աղան, — գտիր, թէ չէ էս ըստէիս...

— Չկանայ —, շուարած վրայ բերեց Սահակն, — ուրիշ սանձ չկայ: Մեր տանը պիտի լինի, գնամ բերեմ:

— Ուրիշ սանձով ո՞վ կարող է Սբուէյլային հեծնիլ, քարէքար կտայ —, վրայ բերեց Յարութիւն աղան, — թող հոգին դուրս գայ, գտնի. խրմեցէք դուք:

Օսմանն ու Սահակը վերցրին գինով լիք թէյի բաժակներն և դատարկեցին:

— Կեր, Սահակ ջան, կեր, մարդ (առատաձեռն) մարդու մալ է, կեր, վերցրո՛ւ Օսման. ձո՛ւ վերցրէք:

— Սղո՛ւ, չկայ, տեղ չթողի՛ նայեցի:

— Ի՞նչպէս թէ չկայ, տօ՛, Սիբիրից փախած ես դրա համար քեզ շան սատակ կանեմ... էսպէս օրով ձիու սանձ կորցնէս... էս սահաթիս գտիր, թէ չէ՛ էս է, եկաւ —, և ձեռը նրա վրայ բարձրացնելով ոտի կանգնեց Յարութիւն աղան:

— Սղո՛ւ, գնամ միասին փնտռենք —, ոտի կանգնելով խօսեց Սահակն, — էս շատ ուշացանք, աքաղաղներն արդէն կանչում են:

— Ս.քշի, նստի՛ր, թնջ բան ունիս է. թնջ գիտես որտեղ է ձգել —, Սահակին աչքով անելով խօսեց Օսմանն և փեշից քաշելով նրան նստեցրեց տեղը:

— Խմեցէք տեսնինք. էդ շաշխուռը պիտի գըտ-

նի՛ թէ չէ, վերցրէք —, նորից լցնելով բաժակները խօսեց Յարութիւն աղան:

— Ե՛, աղո՛ւ, հերիք է:

— Խմիր, տօ՛, մի երկու բաժակ գինին թնջ է որ... —, Սահակի խօսքին վրայ բերեց Յարութիւն աղան և բաժակը տուեց նրա ձեռը:

Սահակի աչքերն արդէն ճլտի-պլտի էին անում. իսկ Օսմանը նստած տեղում գրեթէ մրափում էր:

— Սղո՛ւ —, հագիւ համարձակուելով ներս մտաւ Հազրօն:

— Հայ զարհրումանք... շըր՛ւն... հիմայ բերանս ինչ էր եկել, հա՛... քեզ պէտք է գիւլիւնով տալ...

Սահակը, համբերութիւնն արդէն հասած, առանց խօսելու վերկացաւ տեղից և Հազրօի հետ գրնաց սանձը որոնելու:

— Սնո՛ւս —, ժպտալով շրջնջաց Յարութիւն աղան, — բանը լաւ է գնում:

— Ե՛, արդէն ժամանակ է. հիմայ աքաղաղներն երկրորդ բերան կկանչեն:

— Գէ, դու էլ գնա՛, իբրև թէ օգնելու սանձուխի տակն է...

Օսմանը գնաց դուրս:

Յարութիւն աղան իւր բոլոր ուրախութեամբ ման էր գալիս սենեակում, հրճուում էր սրտի խորքից ու ինքն իրեն կրկնում. «աշողում է, աշողւում... Մարկոս, քո հէրն անիծելու եմ...»

— Գտանք, աղա՛, գտանք, սանդուխի տակն էր —, սաստիկ ուրախացած ներս վազեց Սահակն աւետարու։

— Գտա՛ք. այ՛ Աստծու աչքի լուսը քեզ լինի, Սահակ ջան. դէ՛, շտապինք. էս մի-մի հատն էլ խմենք։ Օսման, եկա՛ր. վերցրէք։ Հագրօն ի՛նչ եղաւ։

— Զիերն է դուրս քաշու՛մ։

— Ի՛է, խմեցէք, գնանք։

Օսմանը, որ նոյնպէս արբել էր, և Սահակը դժուարութեամբ վերցրին բաժակներն և խմեցին։

— Ի՛է, գնանք. ես Տէր Աստուած, դո՛ւ իմ գործին աջողութիւն տաս —, ձին նստելիս արտասանեց Յարութիւն աղան։

— Աւալ Աստուած —, միասին վրայ բերին Սահակն ու Օսմանն և հետեւեցին Յարութիւն աղային։

Երբ նրանք դուրս եկան գիւղից, աքաղաղներն երկրորդ բերան արդէն սկսել էին կանչել։

— Ի՛է, քշեցէք, շուտ արէք քանի դեռ չէ լուսացել, և քանի դեռ չեն հանել ոչխարը չալիւրից. քշեցէք, որ հասնինք, կարողանանք բռնել —, առաջ ընկնելով խօսեց Յարութիւն աղան և Աբուլէյլայի սանձը շարժեց։

Իեղեցիկ ձին մեծ քայլերով սրընթաց բարձրանում էր լեռն և գլուխն երբեմն թափահարելով ֆռկում. կարծես նրա վրայ բեռ չլինէր։

— Հիմա՛յ որ չհասնինք՝ վատ կլինի հա՛, լուսով մեզ կտեսնին, ոչխարը կհանեն —, խօսեց Օսմանը։

— Ա՛խ, քեզ ի՛նչ ասեմ Հագրօ, քեզ ի՛նչ ասեմ... Կիտ —

— Լոյսը բացու՛մ է, շուտ անենք, աղա —, խօսեց իւր կողմից Սահակն և ասպանդակներով ու մտրակով մի քանի անգամ խփեց ձիուն։

Մօտ վեց վերստ գնալուց լեռոյ նրանք հասան մի բարձրավանդակի գլուխ։

Իեռ նրանց էլի մնում էր գնալու չորս վերստ։

— Քշեցէք, քշեցէք —, ձայնեց Յարութիւն աղան, երբ հասել էին բարձրավանդակի գլուխը։

Արևելքն արդէն սկսել էր շառագունիլ։

— Կայ նայենք, աղա —, խօսեց Օսմանն և ձիու սանձը ձգեց։

Նրանք ևս իրենց ձիերի սանձերը ձգեցին և մի քանի ըոպէ կանգնած սկսեցին դիտել։

— Հրէն-հրէն, ոչխարը չայլի մէջն է, այ՛. այ՛-այ՛ նոր են դուրս հանում, տես, տես Յարութիւն աղա —, մատով ցոյց տուեց Օսմանը։

— Հո՛ աղա՛, ոչխարը նոր են դուրս հանում, մտիկ արա՛, դէպի վերևի ձորը քշեցին, տես —, փոքր դիտելուց լեռոյ մատով ցոյց տուեց Սահակը։

— Վա՛յ Հագրօ, քեզ ի՛նչ ասեմ. սատկիս դու հո՛, սատկիս, որ մեզ ուշանալու պատճառ դարձար. քշեցէք, շուտ, շուտ, ժամանակ չկայ —, նեղացած խօսեց Յարութիւն աղան։

— Ի՛տես աղա, մեզ որ տեսան հանեցին։

— Հո՛, ճմարիտ նկատեց, մեզ որ տեսան՝ հանեցին —, Օսմանի խօսքին վրայ բերեց Սահակը։

... եւ — Հօ աչքերովդ տեսաք, դէ, էլ մի նայէք. քշեցէք, քանի շատ չեն հեռացրել—, Սահակի խօսքից ուրախացած ասաց Յարութիւն աղան և այս անգամ ձիուն մտրակեց:

Նրանք ևս ձիերին մտրակեցին և արօտատեղերի ու արտերի միջով հետևեցին, Յարութիւն աղային:

VI.

Արևը բաւականին բարձրացել էր երկնքի երեսին, երբ Յարութիւն աղան իւր նոր սուբաշին ետևը ձգած՝ մտաւ Վաչեան գիւղը: Հասնելով չարդախ ունեցող մի դռան, իջաւ, ձին տուեց Սահակին և ձեռի մտրակը խաղացնելով շարժուեց առաջ:

— Մատոս, ա՛ Մատոս:

Բակում պառկած շները տեսնելով եկաւորին, բարձրացրին իրենց անախորժ մուգիկը:

— Օ՛շտ, օ՛շտ, թո՛ւլա—, դուրս վազելով շներին հեռացրեց մի աչքով կոյր, տարիքն առած, բարձր հասակով, չորացած չիլ դէմքով մօտ լիսուն տարեկան մի մարդ:

Դա տանուտէր Մատոսն էր, որի աչքն երիտասարդութեան ժամանակ հանել էր եզը՝ լուծը քաշած ժամանակ:

— Ա. ա՛, Յարութիւն աղա, բարո՛վ, բարո՛վ. էսպէս առաւօտ կանուխ քնչ խաբար:

— Տունս քանդել են, սրանից էլ լաւ խաբար:

— Ի՞նչ է, քնչ է եղել:

— Ի՞նչ պիտի լինի. ահագին չայիրս արածացրել, փճացրել են:

— Ո՞վ:

— Էն հարամգաղա Մարկոսն, ո՞վ:

— Իէ, էլ ինչո՞ւ ես նեղանում, հէր օրհնած. դատաստան կայ, օրէնք կայ. կգնանք, կտեսնինք: Ինանք, գնանք ներս մի արաղ անուշ արա:

— Ե՛-է, մարդ քնչպէս չնեղանայ, որ... Հա՛, Սահակ—, յանկարծ դէպի նրան դառնալով խօսեց Յարութիւն աղան,— ձիերը բռնիր, էստեղ կաց, հիմայ մենք կգանք:

— Թող ձիերը ներս քաշի:

Յարութիւն աղան փոխանակ պատասխանելով տանուտէր Մատոսին աչքով արեց.— չէ՛ հարկաւոր չէ:

— Ե՛, քանիսի ակտ անենք—, գոմի տափի մէջ կանգնած Յարութիւն աղային հարցրեց տանուտէր Մատոսը:

— Յանձր խօսիր—, ասաց Յարութիւն աղան և նայեց չորս կողմը:

— Ոչ ոք չկայ. դու ասա՛:

— Ինչքան շատ՝ էնքան լաւ. գիտես, էլի, հօ առաջին անգամը չէ. էնպէս արա՛, որ սկրուժնի սուղը չընկնի...

— Լա՛ւ... ը՛ր՛... Համա լաւ ժամանակիս հասար, կեանքիդ մատաղ—, քիչ լուելուց լետոյ մի աչքով նրա երեսին ժպտալով արտասանեց տանուտէր Մատոսը,— որ ասես՝ գրպանումս գրոշ չկայ...

—Համա՛, զոչա՛ղ Մատոս, քեզ տեսնի՛մ, գործըն էնպէս տանես, որ...

—Էդ իմ սաղ աչքիս վրայ, դու անհոգ կաց—, խօսեց տանուտէր Մատոսն և ձեռը դրեց աջ աչքին:

—Իէ, ահա քո փէշկեաշդ:

—Է՛, Յարուժի՛ւն աղա—, փողերն համարեւոց յետոյ խօսեց տանուտէր Մատոսն,— երեսնի գործն էլ երեսնի կըլինի...

—Իէ լա՛ւ, դէ լա՛ւ, մի նեղեմար, ահա տասըն էլ:

—Ի՞նչ ես հոգուցդ քաշում, հէր օրհնած. տո՛ւր էլի, տո՛ւր, որ ես էլ ուզածիդ պէս գործ անեմ:

— Լա՛ւ, ահա տասն էլ, խաթրդ չմնայ:

—Ա՛յ, հիմայ եղա՛ւ:

Նրանք պորտմանէները դրին գրպանները:

Կարճ ժամանակ լռութիւն տիրեց:

—Իսկ բանեատի՛ (ПОНЯТЫЙ) —, մտածման մէջ ընկնելով հարցրեց Յարուժիւն աղան:

—Քանիսը. երկուսը բաւական է:

—Բաւական է, իհարկէ:

—Հիմայ ո՛րն ես ուզում. Սատանայ Մաթոսին ու Թոփալ Թաթոսին, թէ՛ թէ Սառճի մանչուն ու Շուռտի մանչուն, դրանք իրար ընկերներ են:

—Սատանայ Մաթոսն ու Թոփալ Թաթոսը կարծեմ աւելի զոչաղ են. նրանց կանչել տուր:

—Լա՛ւ. էս սահաթիս. Յոսէփ, Յոսէփ—, բըղաւեց տանուտէր Մատոսը, դէպի գոմի դուռը գնալով:

—Հրամէ, աղա—, լսուեց մի խուպտ ձայն, որից յետոյ ներս մտաւ մաշուած էպոլէտներով, անճաշակ չէրքէզով, կեղտոտ և ուռած երեսով, որից կարծես ձէթ էր կաթում, թուրքի լայն զանկապանները սրունկներին, անճոռնի մարմնով տանուտիրոջ եասուլը:

—Ա՛րի քո փէշկեաշդ տամ, զոչա՛ղ Յոսէփ—, խօսեց քիչ հեռուից Յարուժիւն աղան և մի բուրբի դրեց նրա բուռը:

—Իէ, աղային շնորհակալութիւն արա: Եասուլը փափաղը վերցրեց և գլուխ տալով հեռուում կանգնեց:

—Գնա՛, որտեղ էլ որ լինին, էս սահաթիս Սատանայ Մաթոսին ու Թոփալ Թաթոսին գտիր, նրանք իրար հետ են լինում. ասա՛, որ գան, իմացա՛ր. ասա՛, որ Յարուժիւն աղան ու գլաւան կանչում են: Ոչ ոքի ոչինչ չասես. դէ, գնա՛:

—Է՛ս սահաթիս—, հլու կերպով պատասխանեց Յոսէփն և վազեց դուրս:

Տանուտէր Մատոսն իւր հիւրին տարաւ գոմի օդէն, որտեղ նրա աղջիկն արդէն սեղան էր պատրաստել: Նա հանեց շշով արաղն, առաջ ինքը խմեց, ապա տուեց Յարուժիւն աղային: Երկրորդ

զաւաթները դատարկելուց լետոյ նրանք նստեցին սեղան: զնոք զիչք զյոտտա Մ ղ յա.ում.ում. քմ.ար

— Սահակին կանչէինք դար, ձիերն էլ ներս քաշէր—, սեղան նստելիս խօսեց տանուտէր Մատոսը.

— Չէ... թո՛ղ մնայ. նրան դուրսն առանձին թող տան. ձիերը կուշտ են—, սառնութեամբ պատասխանեց Յարութիւն աղան:

«Մէջը մի շանորդութիւն կլինի, հա՛, որ չես կանչում. ես փորձելու համար քեզ հարցրի», մըտքի մէջ խօսեց տանուտէր Մատոսը:

Գոմի դուռը բացուեց և ներս մտան մէկը սև, սափրած դէմքով, երկար ու լղար երեսով, միւսը սև-ձիթագույն դէմքով, քիչ ցանցաւ մօրուքով, երկուսն էլ մօտ քառասուն տարեկան, շապկաները գլխներին, կապուտ չէրքէց հագած՝ երկու դիւղացի: Նրանց բաց թողած լայն շալուարների տակ երևում էին ճարպ քսած եամանիները (չուստ):

— Ա.ւ. համմեցէք, համմեցէք, Մաթո՛ս աղա, Թաթո՛ս աղա, համմեցէք. Խնչպէս էք, քէՖերըդ-հալերդ, համմեցէք—, երեսին ժպիտ խաղացնելով և տեղում շարժուելով խօսեց Յարութիւն աղան:

— Շնորհակալ ենք, Յարութիւն աղա, ձեր քէֆըն ենք հարցնում—, խօսեցին նրանք և ձեռ տալուց լետոյ նստեցին սատուների (Թաղթ) վրայ, իրար հանդէպ: Նրանք երկով անմիջապէս հանեցին ծխատուփերն՝ և կափարիչներից սեղմելով ցուցա-

մատերի ու միջամատերի մէջ՝ ոլորեցին պապիրոսներ: Նրանք նայելով ծխախոտին մտածում էին. «է՛, բաներս լաւ է երևում»:

— Մօտ եկէք մի-մի արաղ անուշ արէք—, խօսեց տանուտէր Մատոսն և արաղի բաժակը լրցնելով տուեց Սատանայ Մաթոսին:

— Անուշներ:

— Անո՛ւշ կենաս, ջանդ անուշ—, արաղի ագդեցութիւնից երեսները ծամածռելով պատասխանեցին նրանք:

— Ե՛, էլ Խնչպէս էք. մէկ չէք գալիս, չէք հարցնում, թէ Յարութիւն աղա, սաղ ես, մեռած ես:

— Գալք նոր իմացանք, աղա ջան. հա՛, զորդ, էդ Խնչ է պատահել, ասացին որ չայիրդ արածացրէլ են—, գրեթէ միասին հարցրին նրանք:

— Բա Խնչ են արել , սիրտը քաշելով խօսեց Յարութիւն աղան:

— Յոսէփն ասաց: Ասել է դրա համար ես եկել—, ծխաքարշերի մէջ փչելով նորից հարցրին նրանք:

— Հա-ւ, հէնց դրա համար է եկել, ու ձեզ կանչել է, որ բանեատի լինիք:

— Մեր աչքի վրայ—, ասացին նրանք և նրանց աչքերի մէջ ուրախութիւն փայլեց.— աղալի խաթեր համար մենք...

— Էլ Խնչ ասել կուզի, որ դուք էլ...—, նրանց ընդհատեց տանուտէր Մատոսը կիսատ թողնելով իւր միտքը:

— Եր մեր բանն է. փնուք Ստոծու, սա հօ առաջին անգամը չէ:

— Իէ, մօտիկ եկէք, անուշ արէք—, նրանց աչքերին խորհրդաւոր հայեացքով նախեց տանուտէր Մատոսն և կերակրի ամանները շարժեց դէպի նրանց:

Նրանք մօտենալով խոնջային՝ աչքերը ձգեցին Յարուժիւն աղայի երեսին ու մտածեցին. «Երբ պիտի տայ»:

— Իէ, Յարուժիւն աղա, տղոցն էլ մի-մի բան բաշխէր—, ժպիտն երեսին խօսեց տանուտէր Մատոսն և հաւի մտից մի-մի բերդուճ արած տուեց նրանց:

Յարուժիւն աղան ձեռը տարաւ գրպանը:

Սատանայ Մաթոսն ու Թովալ Թաթոսը դադարեցին ծամելուց, և աչքերը ձգին նրա գրպանին:

«Ինչքան փող ունի շան որդին», մտքի մէջ հայհոյեցին նրանք:

«Ի՞նչ էք նայում, շան որդիք», մտքի մէջ հայհոյելով պատասխանեց Յարուժիւն աղան:

— Ահա ձեզ երկսիդ փէշկեաշ՝ քսան մանէթ:

— Ի՛հ, Յարուժիւն աղա, քսան մանէթն ի՞նչ է եղպիսի մի բանի համար. դու մէկ տուր, որ մենք տասը նշանակենք:

— Իէ, հերիք է. տանը որ մնայիք, ձեզ ո՞վ երկու գրոշ կտար—, վրայ բերեց տանուտէր Մա-

տոսն և խոնջայի տակից կոխեց նախ նրանց երկսի, ապա և Յարուժիւն աղայի ոտը:

«Հան, ասել է շատ ուզենք», այդ նշանից մտածեցին Սատանայ Մաթոսն ու Թովալ Թաթոսը:

«Հան, ասել է քիչ տամ», մտածեց Յարուժիւն աղան:

«Ռուք երեքդ էլ ինձ լաւ մարդու տեղ ընդունեցէք», մտքի մէջ խօսեց տանուտէր Մատոսը:

— Զէ, աղա, քիչ է, դրա համար հոգի սեպելը չարժէ:

— Ահա, լաւ, թող լինի երեսուն, էլ ձայն չըհանէք—, խօսեց Յարուժիւն աղան և տասը բուբլի ևս դրեց նրանց առջևը:

Նրանք ոչինչ չասացին: Տանուտէր Մատոսի երեսով մի՛անհանգիստ շարժում անցաւ: Նա խօսեց.

— Ծնը, տնը, Յարուժիւն աղա, տնը, մեր տղերքն են, ամեն ժամանակ մեզ պէտք են դալիս, հինգ մանէթ էլ տնը.— ապա Սատանայ Մաթոսի երեսին նայելով Յարուժիւն աղայից ծածուկ, հինգ մատը չուեց և ձեռով կրծքին կամաց խփեց, որ նշան էր, «էդ հինգ մանէթն իմս է, հա-ն»:

«Շան որդուն տես», մտքի մէջ հայհոյեց Յարուժիւն աղան և գրպանից հինգ բուբլի ևս հանելով խօսեց.

— Համմեցէք, Մատոսիս խաթրը հինգ մանէթի համար իսկի կկոտրեմ...

Նախաճաշն անելուց լետոյ կոչուած վկաները վեր կացան տեղերից:

— Ապասեցէք, շները կխածեն —, խօսեց տանուտէր Մատոսն և վազեց նրանց ետևից. — է —, բակում ցածր խօսեց նա, — իմ հինգ մանէթը, թէ չէ միևս անգամ չեմ կանչի:

— Ահա, գլաւ աղա, չորդ տանի —, մտքի մէջ հայհոյելով հինգ ընկալանոցը նրան տուեց Սատանայ Մաթոսը:

Նրանց դուրս գնալուց հազիւ էր անցել երկու ընկալ, որ գլաւայի հետ ներս մտաւ սաստիկ երկար հասակով, ինչպէս ասում են՝ զօզօ բոյով, սև ու բուրժ գէմքով, ճպռոտ և ուռած աչքերով, գլուխը ցից բռնած մօտ երեսուն տարեկան մի երիտասարդ, որի ռեվոլվերի դայթանը կարմիր շալէ չէր քէզի վրայից զարդարել էր նրա լայն և դուրս ընկած կուրծքը:

— Աւ, բարով, բարով, պարոն Ազար, բարով. էս ո՞րտեղ ես, էսքան ժամանակ է ետևդ մարդ ենք ուղարկել չես երևում, աչքս քեզ մընաց. քանի անգամ հարցրի՛ ասացին կգայ:

— Քնած էի, Յարութիւն աղա, բարով ես եկել. ինչպէս ես, լաւ ես: Հա, իրաւ, ինչ է պատահել, ասում են չայիրդ ուտեցրել են:

— Հա, Ազար ջան —, խեղճացած ձայնով պատասխանեց Յարութիւն աղան, — էնպէս որ էլի մի ակտ ես գրելու:

— Աչքիս վրայ. մեր գործն ապա ինչ է:

— Ռէ որ էդպէս է, էս քսան մանէթը քեզ փէշկեաշ:

— Տես, Յարութիւն աղա, էս էլ քսան մանէթանոց ակտ կգրեմ —, նրա երեսին ժպտալով վրայ բերեց Ազարը. — Տօ գիտես, որ ինչ էլ որ անէք՝ առանց ինձ ոչինչ է:

— Տուր, տուր, մեր Ազարն է, կորուստ տեղ չէ, տուր, մի քանի մանէթ էլ տուր —, խօսեց տանուտէր Մատոսն և մխուրտ պնակը նրա առաջ քշելով ողջ աչքը խփեց, որ անսովոր մարդը կրկարծէր, թէ դա սովորական աչք թարթել է, բայց Ազարի աչքը, որ սովոր էր՝ հասկացաւ, թէ «շատ ուզիր, որ ինձ հասնելիքն էլ շատ լինի»:

Յարութիւն աղան հինգ ընկալի ևս տուեց նրան: Ազարը ձեռ չտուեց:

— Աերցրո՛ւ.

— Ե՛հ, կարմրցրո՛ւ:

— ԹՖո՛ւ —, մտքի մէջ երկսին էլ հայհոյելով վերցրեց հնգանոցն և նրա փոխարէն դրեց մի կարմիր տասանոց. — էս էլ կարմիր. եղաւ...

— Հը՛ր —, ժպտող գէմքով ձայնեց զրազիր Ազարն և փողերը դրեց գրպանը:

Ներսում մինչդեռ ուտում-խմում, զուարճանում էին, և փողի առևտուր անում, դրսում քարերի վրայ նստած՝ ձիերը պահում էր Սահակը: Նա մենակութիւնից հայեացքը յառել էր ձիերի ոտներին և ակամայից խորասուզուել մտածմունք

քի մէջ: Երբ դինու ազդեցութիւնից քիչ զգաստացած զգաց իրեն՝ նրա մտքովն անցաւ բողոր գիշերն ու առաւօտը: Ընկղմուած այդ մտածմունքի մէջ նրա մտքովն այսպիսի մի հարց անցաւ. «մի՞թէ իսկապէս Մարկոսի ոչխարն էր. հա՛. թէ ուրիշինը». և ինքն էլ չկարողացաւ հասկանալ, թէ ինչպէս սարի գլխին ասել էր, թէ «տեսայ ձեր ոչխարն էր, տեսանք...»:

Մինչ նա այդ մտածմունքների և ապա իւր տան կարիքների լիշողութիւնների մէջ ընկղմուած անթարթ նայում էր ձիերի ոտներին, դուրս եկաւ տանուտէր Մատոսն և նրա համար արաղ և կերակուր բերեց:

— Սահակ, ինչ ես անում, ղոչա՞ղ Սահակ—, տանուտիրոջ ետեւից դուրս գալով խօսեց Յարութիւն աղան և առնելով արաղի շիշը նրա ձեռից՝ երեք բաժակ իրար վրայ լցրեց և խմացրեց Սահակին:

Կէս ժամից ձի նստած վերադարձան Սատանայ Մաթոսն ու Թովալ Թաթոսն, իսկ տանուտէր Մատոսի, Ղազար գրագրի ու իւր ձին արդէն թամբել էր եասաուլ Յոսէփը:

VII.

Կէսօրը մօտ էր:

Կարմիր ձիու վրայ նստած Կարգաղ էր մըտնում մօտ քարասուն և հինգ տարեկան յաղթան-

դամ, բարձրահասակ, մի շինուած մարդ, որի սատիկ երկար պեխերը փռուել էին նրա սափրած այտերի վրայ: *առա զայ ամ մոտ յոյժմա*

այս Դամ Մարկոս Վարդիկեանն էր, որ յայտնի անուն և որոշ գիրք էր ձեռ բերել իւր հասկացողութեամբ: Յարաբերութիւն ունենալով արտաքին կեանքի հետ՝ նա բաւականին փորձուել էր: Նա պարզ տեսել էր, որ Ջաւահէթի չոր երկիրն իւր փտած հողով և խիստ կլիմայով չէ վարձատրում քրտնաթոր գիւղացու ծանր աշխատանքն և բաւականութիւն չէ տալիս նրա առօրեայ ապրուստին. նա հասկացել էր, որ այդպիսի լեռնոտ, ցուրտ և խոտաւէտ տեղում գիւղացու աշխատութիւնը վարձատրող ամենից լաւ պարապմունքը կարող է լինել անասնապահութիւնն, ուստի ինքն արդէն հինգ տարի էր, ինչ սկսել էր պարապել դրանով. նա գնել էր մօտ չորս հարիւր ոչխար, որի տուած արդիւնքով պահում էր իւր բազմանդամ գերդաստանը: *չայ մոտ անց ձիայ*

Նա շատ բաներում գիւղի համար առաջնորդ ընտրուելով՝ հաւատարմատար էր ընտրուել և Իլդի կոչուած աւերակի պաշտպանութեան համար, որ վէճի տակ էր Յարութիւն աղայի և գիւղացիների միջև, և որը տալիս էր Յարութիւն աղային տարէնը մինչև վեց հարիւր ռուբլու արդիւնք: Երկար աշխատանքից լետոյ նա կարողացել էր ցոյց տալ, որ այդ այդ աւերակն արքունական է, հետեւապէս պատկանում է գիւղացիներին: Իրանից

սաստկացել էր նրա և Յարութիւն աղայի միջև եղած թշնամութիւնը:

Հասնելով տուն նա վայր առաւ զանազան իրերով լիքը խուրջինը: Կինն և որդիքն ուրախ դիմաւորեցին նրան: Նա ձին քաշեց գոմ, թամբը թուլացրեց, առջևը խոտ դրեց, ապա վերադարձաւ եազղ (ամարանոց) կոչուած սենեակն, ուր արդէն նրա համար սեղան էր պատրաստած: Մարկոսը նստեց սեղան: Կինն և որդիքը շրջապատելով նրան, ուրախ-ուրախ խօսում էին հետն և խուրջինի մէջ եղած իրերը հանում: Իսկ փոքրիկները փաթաթուում էին հօր վզով, համբուրում նրա երեսը, կամ մտնում գիրկը: Հայրը համբուրում էր և բերած նուէրները տալիս էր նրանց:

— Իմս է լաւ, թէ քոնը —, պարծենալով ասաց ամենափոքրից մեծն և ցոյց տուեց իւր կօշիկները:

— Ի հարկէ, իմս քոնն ինչ է, էնպէս չէ, հայրիկ, իմս նրանից լաւ է —, դառնալով հօրը հարցրեց ամենափոքրը:

— Հա, դառնուկս քոնը լաւ է —, համբուրելով նրան պատասխանեց հայրը:

— Չէ, իմս է լաւ. տեսէք, ինչպիսի բաներ ունի. ձերը որ չունի —, մէջ մտաւ երրորդ որդին, որ կլինէր մօտ 8 տարեկան, և վազեց դէպի հայրը:

Ամենափոքրը չուզենալով մեծ եղբօրը տեղ

տալ հօր մօտ մտաւ նրա գիրկն և ձեռներն ուղղեց դէպի եղբայրը, որից վայր ընկաւ հօր ձեռի բրդուճը:

— Իէ լաւ, թողէք հալալ հաց ուտէ. բոլորինդ էլ լաւ է —, վրայ բերեց Թաղանը (կինը) —, հիմալ քթիցը կբերեն —, և նեղանալով փոքրիկին վերցրեց հօր գրկից:

Մանուկն այդ զրկանքից սկսեց սաստիկ աղմուկ բարձրացնել և ոտները տափովը տալ:

Երբ մայրը նրա թևերի տակից բռնած պահում էր, և մանուկը ոտերով խփում էր գետնին, և երբ միւսները զուարճանում ու ծիծաղում էին նրա վրայ՝ յանկարծ սենեակի դուռը սաստկութեամբ բացուեց և շնչասպառ ներս ընկաւ նրանց հովիւներից մէկը:

— Մարկոս ասցու, շուտ, շուտ —. հազիւ կարողացաւ շշնջալ նա, և այլալուած դրութեամբ տեղում մնաց կանգնած:

Հովուի անսպասելի կերպով երևալն և յուզուած դրութիւնը վայրկենաբար շփոթեցրեց նրանց:

— Ի՞նչ է, ինչ է եղել —, աչքերը նրա երեսին չօտելով հարցրեց Մարկոսը:

— Յարութիւն աղան, Յարութիւն աղան —, հազիւ կարողացաւ արտասանել հովիւը:

— Յարութիւն աղան... ինչ կայ —, աւելի շփոթուած հարցրեց Մարկոսն և վեր և կացաւ սեղանից:

— Յարուժիւնն աղան զնաց զլաւա բերելու: —  
— Ի՞նչ է եղել արդեօք, Աստուած ջան—  
վախեցած խօսեց Թագանն և աջ ձեռով խփեց ծընկանը:

— Ասա տեսնենք ի՞նչ է—, մի վատ բան գուշակելով բարկացաւ հովուի վրայ Մարկոսը:

— Չգիտենք, գիշերը Խիւղամի ոչխարն է ընկել չայիրն, ի՞նչ է...

— Ի՞նչ ոչխար, ի՞նչ չայիր—, համարեա սարսափած վրայ տուեց Մարկոսն և մի անհանգիստ շարժում գործեց:

— Առաւօտ եկաւ, մեզ վրայ ձգեց:

— Վճույ, քոռանամ ես, ի՞նչ է ասում—, յուսահատ ձայնով ճչաց Թագանն և քայտանգամ երկու ձեռներով ամուր խփեց ծնկներին:

Որդիքն այդ անսպասելի բօթից և անդուկից քարացած մնացին իրենց տեղերում կանգնած և հայեացքներն յառեցին ծնողների այլալուծած երեսներին:

— Տօ, պարզ խօսիր տեսնինք ի՞նչ ես ասում:

— Առաւօտ ոչխարը տարանք չայիրի վերեւ առուն ջրելու. էդ ժամանակ Սահակի ու Օսմանի հետ եկաւ Յարուժիւնն աղան, թէ չայիրն արածացրել էք:

— Է, լետո՞յ:

— Մենք զարմացած մնացինք. ասացինք ի՞նչ չայիր, ի՞նչ բան: Նա ասաց, որ սարի գլխից Սա-

հակի ու Օսմանի հետ տեսել է մեր ոչխարը չայիրից դուրս գալիս: Մեզ քաշեց տարաւ չայիրը: — Է, ի՞նչ:

— Ի՞նչ պիտի լինի. չայիրի մէջ ոչխար էր ձրգած:

— Ո՞վ է ձգել. Խիւղամի...

— Սաքօն ու Եադօն էդ ժամանակ ասացին, որ առաւօտ վաղ տեսել են Խիւղամի ոչխարը չայիրից դուրս գալիս:

Մարկոսը հասկացաւ, թէ բանն ինչու՞մն է, ձեռը խփեց ճակատին և մնաց լուծ: Նրա լուգմունք յայտնող աչքերն այդ րոպէ արտայայտում էին և մի խորին մտածմունք:

— Կանչեց Խիւղամի հովիւներին—, շարունակեց հովիւը,— նրանք չորս կողմից սկսեցին բղաւել, թէ մեր ոչխարն է եղել. իրենք տեսել են:

— Վճույ. էս ի՞նչ բօթ էր—, նորից խօսեց Թագանն և հառաչեց:

— Էլ ժամանակ չկայ. շո՛ւտ, շո՛ւտ, ձին դուրս քաշիր—, մտածմունքից սթափուելով շտապեցրեց հովուին Մարկոսն և դուրս ելաւ:

Հովիւը ձին դուրս քաշեց, և Մարկոսը շտապեց դէպի սարը:

Չնայելով, որ կենդանին երկար ճանապարհից եկած յոգնել էր և քրտնել՝ սակայն Մարկոսը մըտրակով և ասպանդակներով ամուր-ամուր խփում էր նրա կողքերին ու փորին և սաստիկ արագութեամբ քշում էր դէպի իւր հօտը: Կենդանին տըն-

քալով և Փշշալով բարձրանում էր զառիվերով և ծածկւում քրտնքի ու փրփուրի մէջ: Մարկոսը հազիւ էր մօտեցել իւր հօտին, և հովիւներին հարցրել դործի էութիւնն՝ երբ տեսաւ, որ հեռուից սարի ստորոտով ահագին աղմուկով, վրայի զէնքերը չըխկըխկացնելով, մտրակները ձեռների մէջ խաղացնելով, ճանապարհի հետ երկու-երկու շարուած, ինչպէս զօրք, բարձրանում էր մի խումբ ձիաւոր: Այդ խումբը հեռուից կարծես ենիչարիների մի հրոսակ կամ աւազակային մի խմբակ լինէր, որ լցուած աւերի և ապականութեան կրքով, գնում էր մի տեղ թալան անելու, կամ վերադառնում էր կողոպուտի և սպանման տեղից: Առջևից գնում էին տանուտէր Մատոսն ու Յարութիւն աղան, որոնք իրար աչանջի շուտ-շուտ փսփոսում էին, նրանց ետևից գրագէր Ղազարն ու եսասուլ Յոսէփն, ապա Սատանայ Մաթոսն ու Թովալ Թաթոսը—հասկացողներն. ամենից վերջը Սահակը, որ զբաղուած էր միայն իւր ծուռոտ ձիուն մտրակելով:

Հասաւ այդ զօրքը, որի անդամներից իւրաքանչիւրն իւր պաշտօնն ունէր կատարելու և շարժուեց զէպի իւր արշաւատեղը: Զօրքի հետ միացաւ և Օսմանը, որ առաւօտից մնացել էր Խիւղամի վրանում և կանդնած սպասում էր նրա գալուն:

VIII.

Էս ինչ են արել հովիւներդ. գիշերը մարդու չայիրը ողջ արածացրել, փճացրել են. ամօթ չէ—, բարձր ձայնով խօսեց տանուտէր Մատոսը, մի աչքով Մարկոսին նայելով, միւս—կոյր աչքը ծածկած ունենալով ծուռ՝ քթին դրած տափակ փափաղի տակ:

—Իմ հովիւները գիշերն էստեղ ոչխար են բերել: Ո՞վ է ասում:

—Ա՛յ, տեսնողներն են ասում—, վրայ բերեց տանուտէր Մատոսը, ցոյց տալով Խիւղամի հովիւներին, Օսմանին ու Սահակին:

—Ի՞նչ են տեսել, թող առնեն:

—Ա՛յ, վկաներ, առնա՛ջ եկէք. ինչպէս տեսաք:

—Է՛ն—, վկայեց Օսմանը,—որ երբ էսօր առաւօտ ես, Յարութիւն աղան և Սահակը գնում էինք զէպի Սուլտա՛ն ճանապարհից տեսանք, որ մի ինչ որ սպիտակ բան դուրս է գալիս չայիրի միջից. ձիէս քշեցինք և տեսանք, որ Մարկոսի հովիւներն են, Մարկոսի ոչխարը:

—Ի՞նչն ու քո Աստուածդ, հա՛, որ մեր ոչխարն էր. ինչու ես սուտ խօսում. Խիւղամի ոչխարը չէր, որ եկա՞ք մեր գլխին կանգնեցիք—, տաք տաք խօսեց Մարկոսի հովիւներից մէկը:

—Ձէնդ կտրիր, հարամգաղա. քեզ ո՞վ իրաւունք տուեց խօսելու—, մտրակն օդում շարժելով նրա վրայ յարձակուեցաւ տանուտէր Մատոսը: Հովիւը լռեց և վախեցած ետ քաշուեց:

— Դո՛ւ ինչպէս տեսար—, հարցրեց տանու-  
տէրը Մատոսը դէպի Սահակը դառնալով:

— Սահակը վայրկենաբար չփոթուեց. շփոթուեց,  
որովհետեւ մինչև առաւօտեան պատմութիւնը հաս-  
նելը՝ գիշերուայ պատմութիւնը կար, որ արել էր  
Օսմանն, և որն իւր վկայութեան ժամանակ կուլ  
տուեց. «ինչո՞ւ չասաց», մտածեց նա և յիշեց Յա-  
րութիւն աղայի խօսքը, որ Վաչեան գնալիս ասել  
էր, «ինչ որ կասի Օսմանը, դու էլ էն ասա»: Մտքի  
շփոթութիւնից նրա լեզուն կարծես կապուեցաւ,  
և նա անկարող եղաւ իսկոյն պատասխանել: Յա-  
րութիւն աղան նկատելով այդ, իսկոյն մօտեցաւ  
նրան և ականջին ասաց.

— Խօսիր, էլ ի՛նչ ես լռել. Օսմանն ինչ որ  
ասաց՝ դու էլ էն ասա...

— Ի՛նչպէս տեսար, ասա—, Յարութիւն աղա-  
յի փսփսոցն ընդհատեց տանուտէր Մատոսն, այս  
անգամ ձեռն իշխանաբար բարձրացնելով:

— Ի՛նչպէս Օսմանն ասաց, էնպէս էլ ես տե-  
սայ—, պատասխանեց Սահակը:

— Ուրիշ էլ ո՞վ կայ վկայ, թող գայ առաջ—,  
ձայնեց տանուտէր Մատոսը:

— Էլ ո՞ւմ ես կանչում. Խիւղամի հովիւներին,  
որ վնաս անողն են. նրանք վկայ լինիլ չեն  
կարող—, համբերութիւնը հատած խօսեց Մար-  
կոսը:

— Քեզ ո՞վ է պրիտաւ դրել իմ գլխին, որ  
խրատ ես տալիս—, բարկութեամբ ասաց տանու-

տէր Մատոսն, և վզի շղթան շարժելով միակ աչ-  
քը պշտեց նրա երեսին:

Սյդ ժամանակ Խիւղամի հովիւները շարժուե-  
ցին առաջ:

— Դուք ի՛նչպէս տեսաք, ասացէք:

— Տեսանք—, միաբերան աղաղակեցին Խիւ-  
ղամի հովիւները,—որ առաւօտ վաղ սրանք—, ցոյց  
տալով Մարկոսի հովիւներին,— ոչխարը հանում էին  
չայրի միջից:

Սյդ ժամանակ սարի ետևից երևեցաւ Խիւղամը,  
որ հանդարտ կերպով գալիս էր դէպի իւր հօտը:  
Նա տեսնելով զօրքի պատերազմը, մօտեցաւ  
նրան և հարցրեց.— Ի՛նչ է, ի՛նչ խաբար է:

— Հա՛, լաւ որ եկար. ի՛նչ խաբար—, նրան  
պատասխանեց Յարութիւն աղան,—գիշերը ոչխա-  
րը ձգել են չայրս, ուտեցրել են, վնասը ձգում  
քեզ վրայ. իբրև թէ քո հովիւներդ են արել:

— Ի՛նչ, իմ հովիւներս, կհաստատէք, թէ չէ  
գիտէք ես ձեզ ինչ կանեմ—, աչքերը Մարկոսի  
հովիւների երեսներին չռելով խօսեց Խիւղամը,—  
որ վնասն ինքներդ անէք և ինձ վրայ ձգէք:

Մի քանի վայրկեան բոլորը լռեցին:

Մարկոսը բոլորովին մենակ մնացած այդ զօր-  
քի մէջ՝ կատաղութիւնից և բարկութիւնից չէր ի-  
մանում ինչ անի, նա տեսնում էր, որ այդ սար-  
քովի դործի դէմ ո՛չ մի գէնք չունէր կուռելու:  
Նա նայեց Սահակի երեսին, որ գլուխը կախած  
կանգնած էր Յարութիւն աղայի մօտ, և խօսեց.

— Այ մարդիկ, երկնքում Աստուած կայ, գետնի երեսին խիղճ կայ, ինչո՞ւ էք սուտ խօսում, ինչո՞ւ ճշմարիտը չէք ասում. մի ամաչեցէք, մի ամաչեցէք, է... Ախար իմ հովիւներս երբ են ոչ խար բերել էդտեղ:

— Գու թնչ ես իմանում, թէ չեն բերել. դու գիշերն էստեղ էիր, գիտես. հովիւներդ արել են և քեզանից վախենալով սուտ են խօսում—, նրան պատասխանեց տանուտէր Մատոսը:

— Աստուած վկայ, գլխւո՞ւ աղա, իրեն Խիւղամի ոչխարն էր, Խիւղամի հովիւներն էին. նրանք են գիշերով ծածուկ արել, որ յանցանքն առաւօտ մեզ վրայ ձգեն. և առաւօտ դիտմամբ բերին մեր մօտով անցկացրին, որ...:

— Զէնդ, զուռումսաղ—, չթողնելով շարունակելու նրա վրայ գոռաց տանուտէր Մատոսը,— քեզ ո՞վ է խօսեցնում, և դու թնչպէս ես համարձակում իմ դէմ էդպէս խօսիլ—, և կատաղի հայեացքով նրան նայելով մտրակի մի քանի սաստիկ հարուածներ հասցրեց նրա թիկունքին ու վզին:

Հովիւը մտրակի ծանր հարուածներից ատամները կրճտացրեց և թիկունքը մի քանի անգամ բարձր ու ցածր արեց ու հեռացաւ:

— Ե՛յ, գիտէ՞ք, ես ձեզ ցոյց կտամ... վկայ եղիր գլխւո՞ւ աղա—, կողքից գոռաց Խիւղամը,— տղէ՛ք:

Նրա խօսքերի և շարժումների վրայ քիւրդ հովիւները մահակները բարձրացրին:

— Ե՛յ, է՛յ, դազանակներդ, դազանակներդ—, բղաւեց Մարկոսն և առաջ շարժուեց. — էս բոլորը տո՛ւն քանդող, աւազակ, քեզանից է, այ, որ խալխի տները քանդելով ման ես գալիս, հիմայ էլ իմ տունս ես ուզում քանդել. զո՞ղ, մարդասուան, անհաւատ...:

— Ասո՞ւ դազանակներն ետ քաշեն. զակոնով մեզ վատ կլինի—, ցածր նկատեց գրագիր Ղազարը տանուտէր Մատոսի ականջին:

— Գլխւո՞ւ աղա, վկայ եղիր, որ էս մարդն ինձ քո ներկայութեամբ անպատուում է. խնդրեմ էդ էլ մտցնես ակտի մէջ:

— Դազանակներդ, դազանակներդ, թնչ էք անում—, քիւրդ հովիւներին նայելով հրամայեց տանուտէր Մատոսն և ապա դարձաւ դէպի Յարութիւն աղան. — ինչ էիր ասում:

— Կասեմ, ո՞չ ակտից կվախենամ և ոչ գլաւայից, թող մտցնէ. գո՞ղ ես, աւազակ ես, մարդասպան ես...— կատաղութեամբ վրայ տուեց Մարկոսը:

— Ե՛յ, է՛յ, — ձայնեց տանուտէրն և ուզում էր շարունակել, բայց Մարկոսը նրան հերթ չտուեց.

— Գրեցէ՛ք, ամեն բան գրեցէ՛ք. ես ոչնչից չեմ վախենում. դատաստան կայ, օրէնք կայ. գրեցէ՛ք...:

Յարութիւն աղան Մատոսի փեշիցը քաշեց և աչքով արեց, որ գնան դէպի չայիրը. Տանուտէր Մատոսը հասկացաւ, որ այդ նշանակում է. զբա-



IX.

Անարդար իրողութեան դառն սպաւորութեան տակ կատաղի բարկութեամբ լցուած Մարկոսը վերադարձաւ գիւղ: Այն միաքը, որ նա կարող էր զրկուել, և շատ հաւանական է, որ զրկուէր, իւր ունեցածից՝ սպանիչ ներգործութիւն էր ունենում նրա սրտի և ուղեղի վրայ: Եւ քանի գնում նրա դիտակցութեան մէջ աւելի էր հաստատուում այն հաւատը, որ այդ փորձանքից ազատուելու ոչ մի հնար չկար, քանի որ ոչոք չէր տեսել, որ վկայ լինէր, իսկ ուրիշին կանչել վկայ, կամ ճիշտն ասած, վարձել սուտ վկայ՝ անյուսալի էր: Անյուսալի էր, որովհետեւ արդէն յարմար ժամանակն անց էր կացել, բացի դրանից, ո՞վ որ յանձն առնէր՝ կարող էր փոխուել, որովհետեւ մի կողմից Յարութիւն աղայի երկիւղը կար, որ ամենի վրայ սարսափ էր ազդել, միւս կողմից ամենքն էլ վախենում էին ապագայից, երկրորդ Յարութիւն աղան կարող էր փողով դնել վկային, կարող էր վրականերով, մինչև իսկ փողի ուժով սուտ վկաներով մերկացնել իւր վկային, և երրորդ՝ այդ կոչուած վկային Յարութիւն աղան երգուեցնել կտար, որ պիտի մտքի հետ Մարկոսը չէր կարող հաշտուել, որ վկան երգմամբ սուտ վկայութիւն տար: և, ի վերջոյ եթէ այդ վերջին մտքի հետ էլ հաշտուէր, այդ վկան արդեօք յանձն կառնէր երգմամբ սուտ վկայութիւն տալ, համոզուած լինելով, որ Յարութիւն աղան այդ կարող էր բաց անել:

Ձիուց իջնելով մտաւ եաղլըղը, գլուխը դրեց աջ ձեռի դաստակին և պղտոր հայեացքով սկսեց նայել չորս կողմը: Չնայելով, որ նա ամբողջ օրը ոչինչ չէր կերել, բայց և այնպէս պատահած դէպքը կապել էր նրա խորոթակը:

Սենեակի դուռը բացուեց և ներս մտաւ Թազանը: Նա տխուր հայեացքով նայեց ամուսնու երեսին և հարցրեց. — Ինչ էր եղել, ինչպէս վերջացաւ:

Մարկոսը նոյն պղտորուած հայեացքով նայեց նրա երեսին, մի վայրկեան ուզեց բարկութեամբ խօսել կնոջ հետ, բայց լուեց և ոչինչ չսպաստասխանեց:

— Հա, ինչպէս վերջացաւ. ինչ արիւր տխուր էս—, այդ լուութիւնից աւելի հետաքրքրուած նորից հարցրեց Թազանը:

— Ինչո՞ւ պիտի տխուր լինիմ—, յանկարծ բռնկեց Մարկոսը, որի բարձր ձայնից Թազանը գրեթէ վախեցաւ, — ես տղամարդ եմ. ինչ էլ որ լինի, ես իմ գլուխս ցածացնող չեմ: Ես նրան ցոյց կտամ, ես աշխարհ կհաւաքեմ, բոլորին դատարան կտանեմ. կապացուցանեմ, թէ նա ինչ մարդ է. բոլոր աւագակութիւնն էնտեղ կպատմեմ, մինչև թագաւորի մօտ կգնամ: Ես գլխիս էլ փափաղ չեմ ծածկի, թէ նրանից վրէժ չառնեմ. Սիբիր կը գնամ, բայց նրա էլ լէշը կփռեմ. ինձ Մարկոսեն ասում... անաստուած, անհոգի, խիւղամի ոչխարը դիտմամբ իւր չայիւրը ձգել տայ, իմ վրայ դնի:

էս էն ժամանակները չեն, որ սարերն ընկած սպանէր ու թալանէր... օրէնք կայ, դատաստան կայ: Սպասիր... — Ասել է վնասը մեզ վրայ են ձգում... վճար, էս քննչ բան էր, Աստուած ջան —, ծնկանը խփելով խօսեց Թազանն —, ախր ոչոք չէ տեսել, ոչոքի չըհարցրիր:

— Էն չորում ո՞վ պիտի տեսնէր... ամեն տեղ ճանապարհին, ցածր կեցած թուշերին, բոլորին հարցրի. ոչոք ոչինչ բանից խաբար չէ. անհոգին էնպէս ճարպիկ է սարքել թակարդը:

— Եղպէս հօ չի լինի. մի ճար պիտի անէլ, թէ չէ. քանի դեռ ուշ չէ, քանի դեռ բան չէ եղել:

— Ի՞նչ ճար. աստ տեսնիմ:

— Տես, էլի հարցրո՞ւ. թէ չեղաւ, քննչ պիտի անես, մէկ... կիսատ խօսեց կինն և լռեց:

— Ի՞նչ անեմ —, գայրացած հարցրեց Մարկոսը:

— Գնա՛ մօտը, ասա, աղաչիր...

— Ի՞նչ —, այս անգամ բարձր ձայնով նրա վրայ բղաւեց Մարկոսը, — գնամ, աղաչեմ...

— Ապա քննչ ճար կայ, ինչ պիտի անես. մի նախիր մանր ու խոշորի տէր ես, հօ քաղցած չե՞ս թողնի —, խեղճացած խօսեց կինը:

— Ի՞նչ գիտես, ի՞նչ ես ասում. ես գնամ նրա մօտ խնդրեմ, աղաչեմ. . . որ նախդճայ —, դէպի կինը շարժուելով գոռաց Մարկոսը:

— Վճար, տունդ ու տեղդ բրիշակ լինի, Յարութիւն աղա, վճար:

— Եդ ես չեմ անի, իմ նամուսիս չեմ ուտեցնի:

Թազանը Մարկոսի բարկութեանը դիմադրող պատասխան չգտնելով՝ ասաց.

— Ապա քննչ ճար ունիս, այ՛ մարդ:

— Որ բոլորդ էլ քաղցած կոտորուելու լինիք չեմ անի —, աչքերը նրա երեսին չուելով ճչաց Մարկոսն, — երեք տարի է, ես նրա դուռը ոտ չեմ կոխել, հիմայ էլ չեմ կոխի:

Թազանն անդո՛հ մնացած ամուսնու խօսքերից և նրանից վախեցած այլ ևս չուզեց այդ առթիւ խօսիլ: Նրա մտքովն այդ ըրապէ անցկացաւ, որ ինքն անձամբ գնայ Յարութիւն աղայի մօտ. գուցէ այդ բանն աւելի նշանակութիւն ունենար և չարժէր Յարութիւն աղայի կարեկցութիւնը: Այդ միտքը նա ուզում էր լայտնել ամուսնուն, բայց քաշուեց, մտածելով, որ Մարկոսը չհամաձայնելուց զատ՝ ծանր խօսքեր կասէր, ուստի լռեց:

Նրանց մէջ կարճ ժամանակ լռութիւն տիրեց:

— Ա՛խիս... ի՞նչ ասեմ քեզ, — լռութիւնն ընդհատեց կինը, — բոլոր մեզքը քննն է. էն գլխից ասացի, թէ դրա հետ մի ընկնիր թող, ինչո՞ւ է հարկաւոր գիւղի գործը, որ առաջ ես ընկել. ինքդ մա՛լ չունիս, բան չունիս... չլսեցիր: Ո՞վ իմացաւ քո լաւութիւնդ. էն ամենալաւ բարեկամդ, որ խլածդ աւերակից լաւ արտ ստացաւ, քեզ ի՞նչ

գուտ տուեց: Մի գատարկ շնորհակալութիւն էլ չարին: Հէնց մէկը Սահակն. աչքը բռնէ, ահագին հող ստացաւ:

— Սահակը — քիչ հանգստանալով մտածմունքի մէջ ընկղմած կրկնեց Մարկոսը: Նրա համար անհասկանալի էր այն բանը, թէ ինչպէս Սահակը սուտ վկայ էր հանդիսացել, ինչ գաղտնիք կար այդտեղ... «խափած կըլինի կամ կաշառած», մտածեց նա և մտքումը դրեց, որ Սահակին տեսնի, խօսի և համոզի, որ ետ կենայ: «Բայց կարո՞ղ է: Յարութիւն աղայի ճանկից բան ազատել»...

— Ես որ քեզ ասում էի, թէ գիւղացիների համար էդ շան հետ գէշուլաւ մի լինիր, օձի ձագ է, մէկ օր կվնասէ՝ չլսեցիր: Տես, հիմայ ասածս կատարուեցաւ:

— Ի՞նչ ես խօսում. ուրեմն ես իմ մարդկութիւնից իջնէի, կատու դառնայի, հա՛:

— Լա՛ւ. դէ հիմայ գիւղացիներդ թող գան օգնեն —, առաջ տարաւ Թաղանը. — բայց տես, մէկի էլ պէտքն է. կմտածեն, թէ իրենց պատճառով է օջաղդ մարում...

— Մարկոսը նայեց կնոջ երեսին, և համոզուելով նրա ասածի ճշմարտութեանը՝ լռեց:

— Հէնց քո ամենալաւ բարեկամներդ, որ գովում էին քեզ. չեմ տեսնում, գալիս են... իրենք լաւ-լաւ տեղեր ստացան, վերջը կուժը քո գլխիդ կտարուեց —, սիրտը քաշելով խօսեց Թաղանը:

Մարկոսն արդէն ուշադրութիւն չէր դարձ-

նում կնոջ ասածին, նորից խորասուզուել էր մըտածմունքի մէջ և մտածում էր մի կերպ տեսնել Սահակին, խօսիլ, համոզել, մինչև իսկ կաշառել, որ ճշմարտութիւնն ասի, ետ կենայ այդ բանից և իրեն ազատի փորձանքից: «Այդ զդոյշ և ծածուկ է անելու», քթի տակ մրսուաց նա:

Իսկ Թաղանն այդ ժամանակ մտածում էր, որ իւր ամուսինը Յարութիւն աղայի մօտ գնալու չէ. ուրեմն ինքն ինչպէս անի, ինչ ժամանակ գնայ, որ կարողանայ նրան տեսնել, խօսիլ նրա հետ, խնդրել նրան: Այդ մասին դեռ վերջնական որոշում չանելով դարձաւ ամուսնուն.

— Այ մարդ, քեզ ասում եմ մէկ գնա՛, խօսի՛ր... գուցէ կարողանաս մի բան անել... Ինչ կըլինի:

— Ես քեզ ասում եմ, որ էդ բանն անողը չեմ —, ըղաւեց Մարկոսը:

— Գնա՛, եթէ չվերջացրեց՝ մի քանի մանէթով...

— Տէ՛ր Աստուած —, աչքերը նրա երեսին ուրերելով մրմուաց Մարկոսը:

— Ի՞նչ կլինի. լա՛ւ, քեզ համար հօ չես գրնում. որդոցդ համար ես գնում. ինչ անենք, գործըն էնպէս է բերել, որ...

— Զէնդ, քաթառ պառաւ. մէկ էլ չլսեմ —, ճչաց նրա վրայ Մարկոսը, — որ գիտեսամ, թէ նա մարդ է, խիղճ ունի, չեմ գնայ. դու գիտես, թէ էդ մենակ դու ես իմանո՞ւմ...

Թագանն այդ վերջին նախադասութիւնն իմանալով, լռեց և հաստատապէս սրողեց, որ վաղն և եթ, հիշտեկ երեկոյով անպատճառ գնայ Յարութիւն աղայի մօտ:

X.

Կինն և որդիքը պատրաստուում էին քնելու, երբ Սահակը թողլտութիւն ստանալով Յարութիւն աղայից վերադարձաւ տուն: Նրանց հարցերին, թէ ինչքան էր վնասն, ինչպէս վերջացրին, ինչ եղաւ՝ նա շատ կարճ կերպով պատասխանեց: Մինչև այդ րպէ նա իրեն ուրախ էր զգում և ազատ, բայց երբ փոքր ինչ հանգստանալուց յետոյ լուրջ կերպով մտածեց՝ նրան մի տեսակ երկիւղ պատեց: Կարծես այժմ նա վախենում էր քսաննչորս ժամ առաջ իւր ունեցած սրտի գոհունակութեամբ ասելու, պատմելու այն ամենն, ինչ որ տեղի էր ունեցել առաւօտից մինչև գիւղ վերադառնալը: Ի՞նչ էր այդ երկիւղի պատճառը.— ամօթ, թէ լանցանք, նա չէր հասկանում:

Կամենալով վերջ տալ իրեն վրայ ճնշում գործող նրանց տուած հարցերին՝ նա տեղեկութիւն հարցրեց որդուց, թէ ինչ էր արել այդ օրը:

Որդին կարճ կերպով իմացրեց, որ հերկի կէսը ցանել է, կէսն էլ վաղն է ցանելու և երրորդ օրը մնացած մի սոմառ գարին տանելու է ջրաղաց:

Իշերից բաւականին անցել էր, որ նրանք պառկեցին քնելու:

Չնայելով երկար ժամանակի յագնածութեան, սակայն Սահակի քունը չէր տանում. նա երբեմն շուռումուռ էր գալիս տեղաշորի մէջ, երբեմն էլ հանդարտ պառկած նայում էր բաց երթկին, որտեղից լոյս չէր ներս ընկնում: Տան մէջ տիրում էր խաղաղութիւն. միայն լսում էր նրա կնոջ և որդոց միակերպ, հանդարտ շնչառութիւնը:

Սահակի մտքում նորից յարուցուեց այն կասկածը, որ ծնուել էր տանուտէր Մատոսի զռանը. «արդեօք Մարկոսի ոչխարն էր», և որքան էլ այժմ ուզենար այդ կասկածն իւր ուղեղից հեռացնել՝ չէր աջողում, նրան ակամայ մտածել էր տալիս: Բայց այն մեծ օգնութիւնն և բարութիւնը, որ հասցրել էր նրան Յարութիւն աղան՝ փոքր ինչ թեթեւութիւն էր տալիս նրան. սակայն դա երկար չէր տևում. իւր կատարած գործի մասին նրա մէջ ծագած կասկածը նորից տիրում էր նրան և աւելի ու աւելի անհանգստութիւն էր պատճառում:

— Ե՛հ —, շշնջաց նա և կարծես ուզում էր տեսլ. «այս ինչ է ինձ տանջում, և ինչո՞ւ»...

Օրօրոցում պառկած երեխան լաց եղաւ: Մայրը նրա ձայնից զարթեց և ձեռը վերմակի տակից երկարացնելով՝ սկսեց օրօրել: Երեխայի լացի հետ բակում արձագանգ տուեց աքաղաղի ձայնը: Երեխայի լացն, աքաղաղի ձայնը, տան անդամների շնչառութիւն, այդ բոլորը պատկերացրին Սահա-

կի առջև իւր օջաղն. այն օջաղը, որ տասը տարուց աւել էր, այսինքն Յարութիւն աղայի այդ գիւղը ոտ դրած օրից, ինչ թշուառութեան էր մատնուել և քանի գնում գէպի վատն էր ընթանում, որից դուրս գալու ոչ մի աջողութիւն չէր երեւում... և ահա... լանկարծ բաղդն ազատում է նրան պարտքից, նեղութիւնից, խոստանում է նրան նախկին լաւ, նախանձելի վիճակը. բայց... — Էէ —, նորից շնչաց նա և նորից նրա մտքերը խառնուեցին և ինչ որ ներքին մրկուող բան խանգարեց նրա մէջ առաջացած խաղաղութիւնը: Նա նորից սկսեց մտածել օրուայ գէպքի մասին: Աքաղաղն երկրորդ անգամ կանչեց. այս անգամ նրա ձայնն աւելի բարձր արձագանգ տուեց սրահում. նրա ձայնից էր, թէ ինչից, քիչ առաջ քրնած մանուկը գարթեց և նորից սկսեց լալ:

Սալվին այս անգամ վերկացաւ տեղից, քնատ լենուեց օրօրոցի կամարին և ծիծը դրեց երեխայի բերանը: Երեխան սկսեց ծիծը ճպճպոցներ:

Սալվիի արթուն լինելն և երեխայի ծծելու ճրպագոցը Սահակին մի տեսակ անախորթութիւն էին պատճառում: Նա ուզում էր, որ իւր չորս կողմում տիրէր խոր, ամենախոր լուութիւն և մենակութիւն:

Սալվին երեխային ծիծ տալուց լետոյ սկսեց նրան օրօրել և մեղամողձոտ ձայնով նանիկ ասել: Այդ թախծալի նանիկը Սահակին ինչ որ մեղմ, անհասկանալի վիշտ էր պատճառում: Դա կարծես մի

մօտալուտ ծանր թշուառութեան նախերգանք էր, որ հանդարտ կերպով ողբում էր օճաղի հետզհետէ մարումը:

Սահակը ցածր կերպով հառաչեց և դարձաւ միւս կողքի վրայ:

— Դեռ չես քնել:

— Չէ, քունս չէ տանում —, ցածր ձայնով պատասխանեց Սահակն և գլուխը կոխեց վերմակի տակ: Նա այնուհետև բոլորովին անշարժ մնաց:

Առաւօտը մօտենում էր: Վաղօրդեան լոյսը երթկից կամաց-կամաց փարատում էր տան մէջ տիրող խաւարը:

— Ո՛ւհ, ո՛ւհ, Սալվի...

— Հա՛-հա՛, ի՛նչ եղաւ —, քնից վեր թուչելով գէպի Սահակը դարձաւ Սալվին:

— Ա՛հ, դո՛ւ ես... սրտեղ եմ —, քնաթաթախ խօսեց Սահակն և բարձրացնելով գլուխն երկար, բայց ծանր շունչ քաշեց:

— Ի՛նչ է, ի՛նչ եղաւ երազիդ մէջ վախեցնոր, ի՛նչ է:

— Հա՛. օ՛հ-օ՛հ... ի՛նչ վատ երազ էր. օ՛հ, ի՛նչ սարսափելի, հիմայ էլ դեռ...

— Յիսո՛ւս ու Քրիստո՛ս —, խաչակնքեց Սալվին և կողքում դրած շերտիով լի ջուրը վերցրեց. — խմիր, խմիր վախդ անցնի:

— Իբրև թէ օրը նոր էր ճաշ դառել —, ջուրը խմելուց լետոյ պատմեց Սահակը, — մի փոքրիկ ամպ եկաւ մեր գիւղի գլխին կանգնեց. էդ ամպն

սկսեց սևանալ ու մեծանալ. էնքան մեծացաւ, էնքան սևացաւ, որ իւր մեծ փեշերով մեր ամբողջ գիւղը ծածկեց, մթնացրեց. յետոյ մի սարսափելի գոռգոռոց բարձրացաւ, էնպէս որ կասես ափանջիդ տակ թնդանօթներ էին արձակուում. էդ գոռոցի հետ էնպիսի մի անձրև եկաւ, որ մի չքտեսնուած հեղեղ ելաւ, մեր բոլոր գիւղը ջրի մէջ կորաւ. ձուկն էնպէս էր խաղում \*), որ մարդու աչքերը ծակծկում էր. հեղեղն էլ էնպէս պղտոր էր, որ կարծես կուպը լինէր, և մարդիկ նրա մէջ սևացել ածուխ էին դարձել:

— Յիսուս ու Քրիստոս — , նորից խաչակնքեց Սալվին:

— Էդ ժամանակ նրանք երեսները դարձրին դէպի արևելք և տեսան, մեռնիմ սուրբ զօրութեանը, Մայրիկ Մայր-Ստուռածածնայ պատկերը:

— Մեռնիմ նրա զօրութեանը — , աչքերը վերև լառելով երկու անգամ խաչակնքեց Սալվին:

— Բոլորը նրա առջև ծունկ չոքեցին, սկսեցին լալ, աղօթել, որ էդ ամպն հեռացնի: Ես երեսս դարձրի դէպի ամպը և տեսայ, որ մի տեղ պատռուել է և լոյսն ընկել է մեր տան վրայ ուրախացայ դրանից և թողի Մայր-Ստուռածածնան նայելը... օհ, մէկ էլ լանկարծ...

— Ի՛նչ — , շտապով և երկիւղած վրաբերեց Սալվին և սարսափած ամուսնու ձևերից և դէմքի արտայայտութիւնից նորից խաչակնքեց:

\*) Փայլակը փայլատակում:

— Յանկարծ կայծակը խփեց մեր տանը և բոլորը վառուեց... օհ օհ... սիրտս թրթռում է:

— Վնչ ինչ պիտի լինի, Աստուած ջան, գէշ երազ է... Խմիր, քիչ էլ ջուր խմիր, վախդ անցնի. երեկոյեան կանչեմ Շարօին, թող վախդ բռնէ... Հիմայ գնա եկեղեցի, Մայր-Ստուռածածնայ պատկերի առաջ մի զոյգ մոմ վառիր, աղօթք արա, որ երազդ իբարին կատարի. մեռնեմ նրա սուրբ զօրութեանն — , երկիւղածութեամբ խօսեց Սալվին, վեր կացաւ տեղից և ձայն տուեց իւր դեռ ևս քնած որդիներին:

Սահակն ևս վերկացաւ տեղից, լուռ հագնուեց, երկու բուռ ջուր խփեց երեսին և արխալուղի փեշերով սրբելով ելաւ դուրս: Նա այդ սոսկալի երազի տպաւորութեան տակ դողում էր մինչև ոսկորները: Քթի տակ «Հայր մերը» մրմռալով և երբեմն-երբեմն երեսը խաչակնքելով նա գնում էր դէպի եկեղեցի. նա գնում էր կարծես մի բանից իբրև փախստական, գնում էր շտապով, և երկիւղած հայեացքով նայում էր չորս կողմը, կարծես վախենում էր, որ իրեն չտեսնէին, չբռնէին: Նա գնում էր իբրև հալածական, որ ինքն էլ չըգիտէր ինչից:

Արճագոյն թանձր մառախուղը գոլորշու նրման տարածուել էր գիւղի վրայ. նրա մասնիկները միանալով կազմում էին բարակ փոշու նման մանր կաթիլներ, և սրկուելով երկրի երեսին առաջացնում էին առաւօտեան շաղ: Խոնաւութիւնը զգալի էր:

Գիւղում դեռ ևս տիրում էր խաղաղութիւն: Հետզհետէ ճոնչալով բացում են միւս գոռոները: Գիւղացիները տներինց դուրս թափուած, որպէս մըջիւնները դուրս են թափուում բներինց, քործի են գնում: Գիւղում տիրում է շարժում, և երբեմնակի խօսակցութեան ձայներ են լսուում:

Լսուում է գիւղական զանգակների միապաղաղ ղոջանջը, որ առաւօտեան թալմ օդի ու խաղաղութեան մէջ տարածւում է հեռու:

Մէզը սկսում է քիչ-քիչ վերանալ, ցրուել գիւղի վրայից և նրա տեղ սկսում է թագաւորաց լոյսը: Արևի առաջին ճառագայթները սկսում են խաղալ երկնքի երեսին, արևելքին մի ախորժեղի, վարդակարմիր գոյն տալով: Կենդանութիւնը հետըզհետէ տիրում է գիւղում: Նախիրը լիք ծծերով վերադառնում է իւր գիշերալին փարախից: Կովն իւր հորդուկին աւետարեր բառաջ արձակելով, ճօճալով և գլուխը դէսուղէն շորորելով մտնում է գիւղ:

Արևն հետզհետէ բարձրանում է վեր և իւր առաջին, ոսկենման ճառագայթներով ողջունում է նոր զարթող երկրին: Նրա շողերը սկզբից փայլում են լեռների ձիւնապատ բարձր կատարներին և ապա իջնում ստորոտները:

Կարճ կեանք ունեցող, դէպի վեր ցնդած մառախուղի տեղ իւր թւերը հետզհետէ տարածում է գիւղի վրայ թորոններից միաժամանակ սիւնեակներով բարձրացող ծուխը, որ սկզբից երթիկներից

նեղուելով, կծիկ-կծիկ դուրս վիժուելով, այնուհետև օղակ-օղակ բարձրանալով և ապա անօրանալով տարածւում է օդի մէջ. նրա կապոյտ քուլաները գիւղի տների անհարթ մակերևույթի վրայ շերտեր են կապում:

Արևն իւր առաջին ճառագայթներով չքացնելով արճճագոյն թանձր մառախուղն՝ այդ կապոյտ շաղարշանման ամպերի միջից ողջունում է շէնին և շինականին: Չառամեալ ծերունին լսելով եկեղեցու զանգակների ձայնը, կարճ ցուցի օգնութեամբ, տնքտնքալով, դող-դող քայլերով շտապում է ժամ, և բաց անելով երկար խսելի գուլուլը, քիւլահն ու ցուպը դնում է առջևը, ձեռներն ուղղում է դէպի վեր, և աղօթում է իւր հոգու փրկութեան համար: Նրա ետևից շարը ձրգած գլխին, չանթերը հագին գնում է չորացած, կռացած պառաւն, և եկեղեցում մութ անկիւնում իւր օթոցի կամ այծի մորթու վրայ կանգնելով նոյնպէս ձեռներն ուղղում է դէպի վեր:

Եկեղեցում երբեմն-երբեմն լսուում է տէրտէրի կրճքից լանկարծակի դուրս թռչող, սթափեցնող ձայնն, երբեմն տիրացուների միապաղաղ երգելն և երբեմն մանուկների սուր ձայնով փոխասացութիւնը: Հին եկեղեցին լուսաւորուած է սեղանի վրայ վառուած մէկը մեծ, երկուսը փոքր մոմերի աղօտ լոյսով և ճաղերի վերևից կախ արած կանթեղի արձակած թոյլ ճառագայթներով:

Այդ կէս մթութեան և տաղտուկ լուութեան

մէջ չորս կողմից անընդհատ լսում է մի խուլ և թախծալի մրմունջ, որ լսողի վրայ խորհրդաւոր տպաւորութիւն է թողնում. դա աղօթքի մրմունջն է:

Եկեղեցու դռան մօտի խաչքարը համբուրելով ներս մտաւ Սահակը: Ոտը շէմքից ներս դնելու պէս՝ նրա վրայով մի սարսուռ անցաւ. նա ետ ցնցուեց և երկիւղած աչքերով նայեց սեղանին, Մայր-Աստուածածնայ պատկերին, որի կողքերին դրած երկու աւետարանի և մէջ տեղի խաչի առջև աղօտ լոյսով վառուած էին դեղին մոմերը: Մարմնով քարացած՝ նա լիջեց էլի այն զարհուրելի երազը, որի երկիւղալի տպաւորութիւնը մինչև այդ րոպէ չէր անցել: Հազիւ կարողանալով ներս մտնել՝ նա քաշուեց մի անկիւն, որտեղից սիւնն արգելում էր նրան սեղանը տեսնելու, գլուխը քարշ ձգեց կրծքին, հալեացքը յառեց գետին: Նա այդ դրութեան մէջ բառ չէր գտնում ասելու, խօսք չէր գտնում աղօթելու: Իրեն համար անհասկանալի, օտարօտի յուզմունքը, որ խուլ կերպով շարունակ փոթորկւում էր նրա կրծքում, տխրեցնում, թուլացնում, անզօր էր դարձնում նրան: Փոխանակ աղօթքի, փոխանակ երկրպագութեան նրա առաջև շարայարեցին անցեալ գիշերից մինչև այդ րոպէ տեղի ունեցած մտապատկերներն. — ահա Յարութիւն աղայի օգնութիւնն, ահա վկայութիւնը. . «Մթթէ իսկապէս Մարկոսի ոչխարն էր». այս անգամ արդէն կասկածը զօրեղացած, կարծես մարմին առած դուրս թռաւ նրա բերանից:

«Ոչ, ո՛չ, այդ նրանը չէր». կարծես մի խուլ ձայն ասում էր նրա ականջին: Այդ րոպէ այն գիտակցութիւնը, որ նա առանց հաստատ տեսնելու միայն կասկածաւոր վկայ էր եղել՝ սաստիկ ազդեց, մինչև իսկ ընկճեց նրան. այդ ճնշումի մէջ նա ուզում էր որոշել ճշմարտութիւնը, բայց չէր կարողանում: Նա ջղերի թուլութիւնից կուչ գալով չոքեց գետնին: Մտապատկերները շարունակուում էին. ահա նա գնում է Յարութիւն աղայի ետևից, մարդիկ նրան տեսնում են և կարծես մի անտանելի ատելութեամբ և արհամարհանքով նայում են նրա վրայ և ինքը սաստիկ — սաստիկ ամաչում է... Գնում է նա աչքերը գետնին կամ ձիւ բաշին յառած, գնում է և... ահա սարը, Խիւզամի հովիւներն, Օսմանը, Յարութիւն աղան, Խիւզամը, կոյր աչքով տանուտէրը, Մարկոսի հովիւները, հասկացողներն, ահա և Մարկոսը, որի աչքերը ինչ որ բանով լցուած նայում են բոլորի և աւելի շատ իւր վրայ. ինչ փալ էր այդ, նա չէր հասկանում, միայն զգում էր, որ այդ նայուածքի մէջ կայ ինչ որ կրակի նման վառուող, հալածող ոյժ, մասամբ աղերսող բան... «էյ, էյ», դեռ կըրկնում էր նրա ականջում տանուտէր Մատոսի ձայնը, որ գոռում էր մերթ սրա, մերթ նրա վրայ. ահա քիւրդերի մի լէգէօն, ահա և դազանակներ, կռիւ, բղաւոց... — ուհ — ցնցուելով հառաչեց և շարժո ելով իւր տեղում կարծես աշխատեց ա-

ւելի կպչիլ գետնին, խրուիլ նրա մէջ, և երեսը դրեց հողին: Բայց... ահա երազն, ահա Տիրամօր պատկերն, ահա կայծակի շառաչն, — ուհ —, նորից լսելի ձայնով հառաչեց նա և երեսն ամուր սեղմելով հողին՝ աչքերը փակեց: Մի րոպէ, մի րոպէ նա կատարելապէս անկարող էր զգուժ իրեն բարձրանալ տեղից և վեր նայել: — Ձէ, չէ —, անգիտակցաբար շշնջաց նա, որ ինքն էլ չէր հասկանում, թէ ինչ «չէեր» էին, որ դուրս էին թըռչում բերանից, և ձեռներով ամուր սեղմեց աչքերը ու երեսը: Կոյր մարմնով կուչ կիած, որպէս դաշտում ընկած մի քար, նա հազիւ էր երևում սիւնի և պատի կազմած անկիւնի միջև: — Ձէ, չէ —, էլի դուրս թռաւ նրա բերանից. և նա թմրութեամբ հանգստացած ձեռներն հեռացրեց երեսից և ուղղուեց տեղում. նա նայեց չորս կողմը և տեսաւ, որ մնացած մի քանի ծերունիներն ու պառաւերը համբուրում էին քահանայի կրծքի վրայ հանգչող աւետարանը: Նա դողդողալով վեր կացաւ տեղից, յանցաւորի քայլերով մօտեցաւ երէցփոխի սեղանին մի զոյգ մոմ առաւ, վառեց, կայրեց պատի միջև եղած մի խաչքարի առջև, և առանց համբուրելու աւետարանը, միայն անգիտակցաբար խաչակնքելով երեսը՝ փախաւ այդ իրեն սարսափ ազդող տեղից, որ իւր ողորմածութեան և զթութեան հետ այժմ մի անողոք և անգութ բան էր երևում նրան. փախաւ առանց

ետ նայելու: Ինչո՞ւ էր այդպէս թռում նրան, ինչո՞ւ էր փախչում, նա այդ չէր հասկանում: Երեսի գոյնը գնացած, ոյժն սպառուած, գիտակցութեամբ շփոթուած՝ նա հազիւ հասաւ այվանն և դռան քարերի վրայ նստեց հանգստանալու: «Ի՞նչ եղաւ ինձ», մտքի մէջ ինքն իրեն հարցրեց նա և բարձրացնելով գլուխը նայեց եկեղեցուն, որի խոտով բսած — ծածկուած կտուրն և փայտէ խարխուլ կաթուղիկէն հազիւ էին երևում բարձր պարսպի միջից:

Այդ ժամանակ լուսամուտի վարագոյրի ծայրն ետ քաշած այվանից Սահակին նայում էր Յարութիւն աղան և դիտում:

Արևն արդէն բաւականին բարձրացել էր. նրա երկրի երեսին ասրածուած թեք ճառագայթները խաղում էին ցօղով փայլող խոտերի տերևների հետ և քաղում էին նրանց վրայի զովարար շաղը:

Նախիրը հաւաքւում էր դիւղի արևելեան մասում, իսկ հորթերն՝ արևմտեան: Նախրճիներն ու հորթճիները սկսեցին կամաց-կամաց շարժել նրանց դէպի արօտ: Կովերի և հորթերի բառաջը տարածւում էր ամբողջ դիւղում: Նրանք կարծես իրար մնաս-բարով էին ասում: Արևը հայելով իւր դիմացը դտնուած շղարշանման ամպերը, բարձրանում էր վեր: Գիւղում հետզհետե՛րանգաղութիւն և լուրթիւն էր տիրում:

Յարութիւն աղան երկար դիտելուց յետո՛ւ

քթի տակ մի բան մրմռաց և ճայնեց. — Սահակ, ինչո՞ւ ուշտցար. եկ վեր:

— Սահակը վեր կենալով տեղից մտաւ այվանը:

XI.

Շաբաթ երեկոյ էր: Գիւղացիները սովորականից աւելի վաղ էին վերադարձել դաշտից:

Յարութիւն աղայի բռնած գործի լուրը տարածուել էր ողջ գիւղում: Ամենքը, թէ մեծ և թէ փոքր խօսում էին դրա մասին:

Երկու սիւնի վրայ հանգչող բաւականին մեծ չարդախի տակ նստել էր տարիքն առած մի գիւղացի: Նա ծուլաբար ծխում էր և կծու ծխի կապոյտ քուլանները բարդ-բարդ թողնում էր օդի մէջ:

— Բարի երեկոյ, Նահապետ տացու, — նրան մօտենալով բարևեց մի ուրիշ գիւղացի, — ճի՛շտ է Յարութիւն աղայի տուած գանգատը Մարկոսի վրայ:

— Ապա ի՞նչ է. Աստծու բարին. դրանից ի՞նչ չի կարելի սպասել:

— Ասա մարդու տունը քանդուելու է, էլի:

— Քանդուել ասացիր ու պրծանար:

— Ասում են երկու հազար մանէթի գանգատ է տուել, հա՛. էնտեղ թնչկայ, որ ինչ երկու հազար մանէթի վնաս լինի. բոլոր խտը որ քաղես՝ ութ հարիւր մանէթ հազիւ բռնէ:

— Ինչո՞ւ ութը հարիւր, միտդ չէ՞ մի տարի նախկին աղայի օրով վեց հարիւր մանէթով քաղեցինք: Գրա տունը քանդուել, տունը, սնց որ ուրիշներինը քանդեց, ուր է, մարդու ոչխարն ընկած լինի, էլի ասենք մի բան է, մեղք ունի. սնց որ ես ու դու էդ բանից խաբար չենք, էնպէս էլ նա:

— Սպա ի՞նչպէս. ինձ ասացին...

— Գիւղացի ոչխարն է ընկել —, խօսակցին ընդհատեց Նահապետը:

— Ծ՛ր, ծ՛ր, ծ՛ր —, շքնշաց խօսակիցն և գլուխը պատեցրեց, — քանդեց էս գիւղը, քանդեց:

— Վրէժ ունէր Մարկոսից՝ հանեց... կիտա խօսեց Նահապետը:

— Էն Ելզիի գործը —, վրայբերեց խօսակիցն և՛ ուզում էր շա՛ ունակել, երբ նրան խանգարեցին մօտ եկող ուրիշ երեք գիւղացի:

— Ի՞նչ է, Յարութեան աղայի տուած գանգատի մասին էք խօսում. նոր իմացանք. լսելուն պէս կասես թէ կէսերս կտրեցին. ինչ գուլում է եկել խեղճի գլխին, խեղճ Մարկոս:

— Մարդու վրայ թանկ նստաւ էլի էդ աւերակի գործը:

— Ի՞նչ է. բարի երեկոյ ձեզ. էլի էդ չօղակած աղայի մասին էք խօսում. դրա էն... անաստուած...:

— Աստծու բարին, Պալաս: Ահա, մէկն էլ էս խեղճի գարին —, խօսեց Նահապետը:

— Յանոց օրով ճիտս ծուռը, թողեց, քանի օրէ ձեռս ծոցումս ման եմ գալիս. սաղ ամբարս դատարկեց տարաւ. անիս —, ատամները կրճտացնելով խօսեց Պալասն. — Էն Հազրօն տեսնում էք...

— Չէ, ուրիշ հնար չկայ, նրան պէտք է գիւղից հանել տանք. էլ բան չմնաց, որ մեր գլխին չբռնէր էդ Սիբիրից փախածը —, վրայ բերեց երրորդ գիւղացին:

— Էն օրը ձիով չգիտեմ ո՛ր էր գնում. փողոցում պատահեցայ, բէյաբուռ արի, տէրը չեղաւ —, խօսեց Նահապետը:

— Գիշերն երկու ջուալ գարի —, նեղացած սկ եց պատմել Պալասը, — բերել ամբարս է լցրել, ճանապարհին էլ գարու հատիկներ է ցանել, հետք չի նել, որ իբր թէ գարին ես եմ գողացել: Առաւօտ մէկ էլ տեսնիմ մի նախիր շուն, թուրք — մուրք հետն առած՝ ահագին զաւթաղալով եկաւ դուռս կտրեց, թէ գարին դու ես գողացել: «Ի՞նչ գարի, ի՞նչ բան», զարմացած մնացի ես: Ինչ զօրով տարան ամբարս, թէ՛ ահա... Երգում — պատճառ, չեղաւ, չեղաւ. թէ գարին դու ես գողացել: Էդ ժամանակ մէկ էլ տեսնիմ քու գլաւան Հազրօի հետ ձիով եկաւ գլխիս կանգնեց. էլ ոչ հարցնել, ոչ բան, բոլոր գարին ձեռիցս առան: Դա մարդ է... անիս, դրան մի գնդակի պէտք է հանել, մի դընդակի...

Գիւղացիները, որոնք գիտէին այդ միքանի օր առաջ տեղի ունեցող դէպքի պատմութիւնը,

խօսեցին. — շատ անխղճութիւն իմացել ենք, համա սրա արածները վրայ հատել է...

— Բարի երեկոյ. ի՞նչ, էլի Յարութիւն աղայի բաներն էք պատմում. վերջ ունի նրա արածները, որ պատմէք. եօթն օր եօթը գիշեր որ պատմէք չի հատնի: Չլինի էն խեղճ պառաւի բանը, որ մինչև հիմայ էլ քանի միտս է ընկնում միսս վրէս սրսըռում է:

— Ո՛րի, Մաքոյե՛նց:

— Չէ. էն կայ ու կայ, Ֆէրմանեց:

— Հա՛, եղաւ. հերու աշուն էր, չէ:

— Հերու աշուն էր —, շարունակեց նոր եկող գիւղացին, — խեղճ պառաւը մի թէ՛նց ցորեն էր հանել. ունեցած — չունեցածն էր մի թէ՛նց ցորենն էր. գիշերը թուանը թողել էր մօտը քնելու:

— Ո՛րին, Աւեսի՛ն:

— Ապա ո՛րին. ամենից մեծն Աւեսն է. ի՞նչ պիտի լինի, ի՞նչ — տասը տարեկան մոնթ: Գիշերն էն սատկելու Հազրօն առնում է ոսկորը, տանում ձգում է փեջատած թէ՛նի վրայ. շներն առնում են մսի հոտն, ելնում են թէ՛նի գլուխը՝ ցորենը խառնում: Միւս օրն, աղա, էլ մի գոռում, էլ մի գոչում, էլ մի հայհոյանք, որ չեմ կարող ասել, թէ փեջատս քանդել, թէ՛նը խառնել, ցորենս տարել էք:

— Ապա՛, եդպէս է. ես էլ էի էնտեղ —, վրայ բերեց մի ուրիշ գիւղացի:

անա՞ — Խեղճ պառաւը լաց, աղաղակ, ձեռներն ընկնիլ, ոտներն ընկննլ, աղաչե՛լ, պաղատե՛լ... չեղաւ, չեղաւ. բոլոր թէ՛ճը ձեռիցն առաւ, տարաւ իրեն ամբարը լցեց:

— Մարդ որ մի քիչ միտք է անում՝ ո՛հ մըռուում է. անաստուածութիւն քի անաստուածութիւն:

— Քեաֆիրն իմանի կգար, ինպէս որ լալիս էր խեղճ պառաւը: Վերջը տեսաւ, որ չի լինում՝ գնաց նրա դռան առաջ չոքեց, կուրծքը բաց արեց, մի անէծք, մի անէծք թափեց Յարութիւն աղայի գլխին, որ...

— Տօ, էդ էն մարդն է, որ անէծք չէ, Աստուած էլ հասխէն չի կարող գալ:

— Մէկ էլ էդ անէծքի վրայ դուրս արծաւ էդ անհոգին, ես աչքովս տեսայ, խեղճ այրի պառաւին ձգեց ոտի տակ. էլ տուր որ կտաս. միքանի անգամ կօշկի քթով էնպէս խփեց խեղճի կրծքին ու կողքերին, որ քիչ մնաց մեռնէր: Մենք էս կողմից վրայ հասանք, հաղիւ հազ ձեռիցն առանք, թէ չէ կսպանէր...

— Հայ, արդար Աստուած, որտեղ ես. էնտեղ եւ եթ պատիժը տայիր:

— Հէնց էդ էն օրերն էր, երբ Մալխասենց հետ թշնամացել էր, մալը թուրքերի ձեռով տանիլ տուեց: Մարդկանց վեց լուծք ու մի թաք եզը տարան. կալինուկտին առանց մալի թողին...

— Ե՛հ, դրա արածների ո՞ր մէկը պատմես... առաջին խօսողին ընդհատեց մի ուրիշ գիւղացի, — ասածի պէս հատնելու բան է...

— Նորից եկան միքանի գիւղացի: Խօսակցութիւնը քանի գնում ընդհանրանում էր: Նրանցից իւրաքանչիւր մէկը կամ իւր գլխին եկածներից, կամ մի ուրիշ բան էր ուզում պատմել Յարութիւն աղայի մասին: Գիւղացիների հառաջանքներն ու հայհոյանքները միախառնւում էին իրար հետ:

— Ե՛հ, — ամբոխի խօսակցութիւնն ընդհատելով բարձր խօսեց Նահապետը, — որ օրը դաշտուշըրթաղ չէ արել, գանգատ չէ տուել... Տաս — տասնուհինգ տարի է էստեղ է, ամեն տարի հարիւր գանգատ է տուել, քսան տուն է քանդել: Մէկ միտք արէք, վրաներս էլ հալ չմնաց. պարտքերս մինչև կոկորդներս է հասել. կուշտ փորով գարի հաց ուտելու կարօտ ենք մնացել. թէ չէ առաջ էս գիւղն էսպէս էր. քանի էս անաստուածը չէր եկել՝ ամեն տանից մի քէլլան ձի, միքանի լուծք եզ ու գոմէշ, տասնեակներով կովեր ու ոչխարներ էր դուրս գալիս. բարին տներիցս անպակաս էր: Ինչ որ ունէինք, ծախեցինք — ծխեցինք տուգանքի ու պարտքի տեղ էս անկուշտին տուինք՝ էլի չարժանք:

— Սրա հողի սահմանը մինչև սարի էն կողմն անցաւ —, Նահապետին ընդհատեց մի ուրիշ հասակն առած գիւղացի, — առաջուց դրան էդքան

հող որտեղից էր. բոլորդ էլ գիտէք, վրացի աղա-  
լից գնեց մի աւերակ. վերջն էնքան արեց, որ  
ստով ու փողով սաղ աշխարհին տէր դառաւ.  
Ինչո՞ւ, հէնց մեն չգիտենք, թէ որ հողը որ ա-  
ղալինն էր:

— Իրան էդքան փող որտեղից էր—, մէջ մը-  
տաւ մի երիտասարդ գիւղացի, որին ինչպէս երե-  
ւում էր, շատ քիչ բան էր լայտնի Յարութիւն  
աղալի մասին:

— Որտեղից. ապա իսկի չես իմացել, որ սրա-  
նից քսան—քսանուհինգ տարի առաջ դա էս կող-  
մերում առաջին աւազակն է եղել. ապա չես լսել  
նրա թալանածները ու սպանածների մասին:  
Զգիտես, որ էդ թալանածներով ահագին հա-  
զարներ է գիզել. վերջը քանի տարի էլ բանտում  
նստել: Էդ փողերով է առել, էլի:

— Է՛դ որ Խիւղամի ոչխարն է ընկել, մարդ չէ  
տեսել—, խօսակցութիւնը փոխելով հարցրեց մի  
նոր մօտ եկող գիւղացի:

— Սարի գլուխն ո՞վ է գնում, որ ո՞վ տեսնի:

— Ո՞վ է տեսել ապա, որ Մարկոսի ոչխարն  
է—, խօսեց մի ուրիշ գիւղացի, որ ուզեց աւելի  
իւր իրաւաբանական հասկացողութիւնը ցոյց տալ:

— Օսմանն, ու Սահակը:

— Օսմանը, չի անցնի, նկատեց մի գիւ-  
ղացի:

— Ինչո՞ւ չի անցնի, քանի որ մէկը—Սահա-  
կը մեր գիւղից է—, վրայ բերեց, երկրորդը:

— Ի՞նչ Սահակ. էս մեր Պոտոզի մանչը—,  
հարցրին մի քանի գիւղացի, որոնք Սահակ ա-  
նունը լսելով, չէին իմացել, թէ ինչ Սահակ էր:

— Այո՛, Պոտոզենց Սահակը:

Շատերը, որոնք դեռ հաստատ չէին լսել  
Սահակի վկայ լինելը, զարմանք արտայայտող աչ-  
քերով նայեցին իրար երեսին: Նրանք բոլորը ճա-  
նաչում էին Սահակին իբրև բարի, միւսնոյն ժա-  
մանակ և իբրև խեղճ մարդու, ուստի չէին կարո-  
ղանում բացատրել, թէ ինչպէս Սահակը վկայ էր  
դարձել: «Սահակը սուտ վկայ», հարցնում էր նը-  
րանցից իւրաքանչիւրն իւր մտքում և զարմացած  
մնում:

Զարդախի տակ հետզհետէ աւելացող գիւ-  
ղացիների թիւն արդէն քառասնից անցնում  
էր:

— Ասա, Սահակ, դու ինչպէս խղճիդ ուտեց-  
րիր, էդ ծեր հասակիդ սուտ վկայ լինիլ, հա՛: Սա  
անի, նա անի—, խօսեց Նահապետը, ձեռով ցոյց  
տալով մի քանի դեռահաս երիտասարդի,— ասենք  
էլի ոչինչ, դեռ ջահել են, դեռ խելքերը գլուխ-  
ները չէ. էդ լիսուն-վաթսուն տարեկան հասա-  
կիդ, մազդ ու միրուքդ եկել ձերմակել է, ինչպէս  
խղճիդ ուտեցրիր:

Այդ ժամանակ նրանց մօտով անցաւ Համբա-  
րը, որ հանդարտ քայլերով տուն էր գնում: Նա-  
հապետը նրան տեսնելուն պէս վեր կացաւ տե-  
ղից, քիչ կաղի տալով մօտեցաւ նրան:

—Տօ, հէրդ ինչպէս չամաչեց էդ անհաւատի համար սուտ վկայ լինել, հա. թփիւր—, համբարի երեսին թքելով՝ բարկութեամբ շարունակեց նա, — գնահ հօրդ ասան, որ, այ, դուռ ու դրկից նրան էլ մեզ դրացի չենք ընդունում. բոլորս թըքում ենք նրա երեսին. այսուհետեւ թող էլ մեր մէջ չմտնի. թնյ Յարութիւն աղայի այլանը մնայ, նրա դռան շուքը լինի, ինչպէս որ Հազրօն է: Դեռ որ դրսում պատահի՝ մի լաւ էլ պիտի թակեմ: Մենք գիտէինք, թէ նա մարդ է եղել, մարդու տեղ էինք ընդունում. նա անհաւատ շուն է եղել: Զեր տանն, իշալլահ, բրիշակ պիտի լինի, բրիշակ. էս հիշտեկ գիշերով ուրիշ բան չեմ խնդրում:

Համբարը սաստիկ կարմրեց այդ նախատինքից: Նա մտաբերեց հօր ասած խօսքերը դարին բերած երեկոյեան. չիշեց, թէ հայրն ինչ ասաց բարտի ոչընչացման և ստացած հացի համար, որոնք պարզ ապացոյց կարող էին լինել նրա սուտ վկայ լինելուն, և ոչինչ չկարողացաւ պատասխանել: Իրացիների կողմից ստացած նախատինքն այն աստիճան ազդեց նրա վրայ, որ ամօթից չէր իմանում ինչ տնի: Նա սաստիկ կատաղեց իւր հօր դէմ, որ անուանարկող մի գործ էր բռնել և մաքում դրեց, որ տուն հասնելուն և հօրը «եսնելուն պէս՝ նրան մի քանի ծանր խօսք ասի, անպատուի և իւր նախատինքի վրէժը լուծի, առանց քաշուելու այն բանից, որ մինչ օրս

ոչինչ համարձարկութիւն չէր ստացել, իրեն թոյլ չէր տուել հօր դէմ հակառակ խօսելու:

—Ո՞քեր են կտրել վնասը—, Համբարի գնալուց յետոյ հարցրեց տարիքն առած մի զիւղացի:

—Քոս գլաւան ու նրա բերած բանեատինները:

—Ո՞վքեր են բանեատինները:

—Ստատանայ Սաթոսն ու Թոփալ Թաթոսը:

—Օ՛հ—, լուեց չորս կողմից:—ինչ մարդիկ են եղել բանեատի:

—Աստ գլաւայի շներն, էլի:

—Իժողքից դուրս արածները:

—Աշխարհի տուն քանդողները:

—Ապա զբանց գործն ինչ է. ոչ ցան ունին ոչ վար. էդպէս բանի են ման գալիս, որ ուրիշի աշխատանքով, տուն քանդելով ապրին:

—Տեսնիս ամեն մէկը քանի մանէթ կերած կլինի:

—Քոս գլաւային պիտի հարցնել. նա կը գիտենայ:

—Ախր իրեն ձեռով է եղել, չի գիտենայ:

—Բոլոր մեղքը ձերն է, այ, երեսներդ եմ ասում. քանի անգամ ասացի, թէ աղերք, էդ քոսին մի ընտրէք, դա մարդ չէ. չեղաւ, չեղաւ:

—Ապա ո՞ւմ ընտրէինք, Նահապետ տացու, քեզ ասացինք՝ չուզեցիր. մէկ էլ նա էնքան մարդ էր բերել իրենց զիւղից, որ ուզէինք՝ չուզէինք՝ նրան էին քար (քուէ) տալու: Դէ, եղիր, մի տարի է մնացել ժամանակը լրանա-

լուն. մենք բոլորս քեզ համար կանգնած ենք:

—Ես որ լինիմ, առաջ էդ Սահակի, Թովալ Թաթոսի ու Սատանայ Մաթոսի սլէս մարդկանց հախէն կգամ:

—Էդպէսներուն ողջ—ողջ պիտի քերթես, ողջ—ողջ—, լսուեցան միքանի ձայներ:

## XII

«Մայրիկ Մայր - Աստուածածին, դ՛ո՛ւ չարը խափանես, բարին առաջնորդես, դ՛ո՛ւ գութ տաս անխիղճ մարդուն, մանրս ու խոշորս կրակից ազատես. դ՛ո՛ւ չթողնիս օջաղս մարելու, ո՛վ Սուրբ Աստուածածին, դ՛ո՛ւ մեզ օգնական պահապան լինիս, քեզ եմ ապաւինել...»: Տիրամօր պատկերի առաջ ձեռները կրծքին խաչաձև ծայրած՝ աղօթում էր Թագանը: Աղօթքը վերջացնելուց յետոյ նամիքանի անգամ ծունր դրեց, ոյժ և կարողութիւն խնդրեց իրեն, և համբուրելով պատկերի շրջանակը՝ գնաց Յարութիւն աղայի այվանը:

Ձանապարհին նրան հետզհետէ պատում էր մի տեսակ անվստահութիւն, նրա սիրտը սկսում էր բաբախել և մարմինը դողալ:

Մթութիւնը տարածւում էր գիւղի վրայ:

Հասնելով այվանի առջևի փոքրիկ հրապարակին՝ նրա անվստահութիւնն աւելացաւ:

Այվանի լուսամուտներից հրապարակի վրայ տարածուած լամպարի լոյսը մի վայրկեան կարծես

կաշկանդեց նրան: «Ո՛ւր եմ գնում», փոքր ինչ կանգ առնելով, կարծես ուշքի եկած ինքն իրեն հարցրեց նա: Այդ ժամանակ նա յիշեց իւր ամուսնուն, որի ազդած երկիւղը սաստկացաւ, և նա մտածեց ետ դառնալ: «Ո՛չ, կգնամ. ի՛նչ կայ. թո՛ղ իմանայ. ի՛նչ ամօթ բան է արածս. կգնամ», շշնջաց նա և շարժուեց առաջ: Մօտենալով դուռանը՝ նա նայեց չորս կողմը: «Հա՛, արդեօք բաց կլինի. չլինի՞ թէ բակում մարդ լինի, իմանայ իմ գալուստն՝ իմաց տայ Յարութիւն աղային, և նա... հրամայի, որ ներս չթողնեն»:

Նրա երկիւղն աւելի սաստկացաւ, և վախից չհամարձակուելով դուռը բաց անել՝ ձեռք դրեց դռան երեսին՝ մնաց անորոշ դրութեան մէջ: Զեռի ճնշումից չփակած դուռն ինքն իրեն կամաց բացուեց: Թագանը սարսափած նայեց բակը, մրթութեան մէջ: «Ձէ, մարդ չկայ... կմտնեմ... բայց եթէ... ախ... ի՛նչ անեմ, Աստուած ջան... դ՛ո՛ւ ինձ կարողութիւն տաս: Է՛, կմտնեմ, զօրով կմտնեմ, ո՛վ կարող է...» հազիւ լսելի ձայնով խրախուսուած խօսեց նա և ոտը դրեց շէմքից ներս: Միքանի քայլ առաջ անցնելով՝ բակի մթութեան մէջ նա անմտելով գտաւ դէպի վերի յարկը տանող սանդուխն, և թաթերի վրայ քայլելով բարձրացաւ վերև: Հասնելով սանդուխի ծայրին՝ նա մի քանի վայրկեան նորից մնաց անորոշ և քարացած դրութեան մէջ: Նրա սիրտն այնպէս սաստիկ բաբախում էր, որ կարծես ուղում էր տեղից դուրս

Թուչիլ: «Ախ...ինչ անեմ... Մայրիկ Մայր—Աստուածածին. դու օգնես ինձ», շշնջաց նա և նորից քայլերն առաջ շարժեց: «Էստեղ էլ ոչոք չկայ: Բայց եթէ յանկարծ դուրս գայ Հազրօն, մութ տեղը տեսնի ինձ կանգնած, գոռայ վրաս... Ինչ անեմ...» նորից հառաչեց նա և հազիւ կարողացաւ տիրապետել թուլացած մարմնին, որ կարծես արդէն նրան չէր հնազանդում: Նա բռնեց պատից և նայեց դէպի սենեակի դուռը: «Ռուան ծակից լոյս է երևում. ներսը խօսում են... մէկը Յարութիւն աղալի ձայնն է. միւսը... հա, Հազրօյի ձայնն է. ուրիշ ոչոք չկայ: Կրժմանեմ, ինչ ուզում է լինի, կմտնեմ»... նորից հառաչեց նա և ձեռք տարաւ դռանը, երբ յանկարծ ինքն էլ չիմացաւ, թէ ինչպէս դուռը բացուեց, և ինչպէս ինքը յայտնուեց Յարութիւն աղալի սենեակում:

Յարութիւն աղան նստել էր թաղթի վրայ, թիկն տուած բարձին:

Հազրօն, նրանից քիչ հեռու, լուսամտի մօտ նստել էր աթոռի վրայ:

Յարութիւն աղան տեսնելով Թագանի անսպասելի կերպով երևալը, հասկացաւ թէ ինչու համար էր այդ կնոջ գալը, նայեց Հազրօի երեսին և ուղղուեց իւր տեղում:

— Յարութիւն աղա —, դող-դող ձայնով խօսեց Թագանն և մօտեցաւ սեղանին:

Յարութիւն աղան — խորամանկ, բայց սառն հայացքով նայեց նրա երեսին:

— Ի՞նչ է:

— Հեշտեկ գիշերով եկել եմ քեզ աղաչանք անելու, — աղերսախառն ձայնով խօսեց Թագանը, — դու գիտես, օջաղդ եմ ընկել, աղատիր մեզ էս կրակից, մի թողնիր մի օջաղ աւերուելու, տունս ու տղերքս քաղցած մնալու:

— Ի՞նչ. դեռ ևս երես էլ ունիք խնդրելու...

— Աղա ջան...

— Հիմայ հա, երբ օջախս աւերեցիք, հա, երբ ահագին չայիրս վճացրիք... մտիկ արա. համ մարդը վնաս անել տայ...

— Իմ մարդս էստեղ չէր. Աստուած է վկայ, դա մեր արածը չէ, դա թշնամու գործ է. մենք դրանից անպարտ ենք:

— Անպարտ էք... ոնց որ Իլդի աւերակի գործից էք անպարտ:

— Իլդի աւերակը. ախ... Յարութիւն աղա...

մենք անպարտ ենք էս վնասից:

— Ապա ո՞վ է արել:

— Մեզ յայտնի չէ ո՞վ է արել. թող միայն հախ Տէրը դադաստան անէ, որ վերևից ամեն բան տեսնում է. խնդրում եմ Յարութիւն աղա, էս հեշտիկ գիշերով արևուդ սատաղէն, որդոնց սատաղէն...

— Վնասն արել էք՝ պէտք է տաք:

— Յարութիւն աղա, դու գիտես մեր կարո-

ղուծիւնն. ինչ ունինք, որ թնչ տանք. ազատիւր մեզ—, արտասունքն աչքերին աջ ձեռով տրորեց կուրծքը Թազանը:

—Ի՛նչ ինչ. այ՛ ոչխարը:

—Ոչխարը—, այդ անսպասելի լուրից սարսափած ճչաց Թազանը.— ոչխարը... մեր միակ կարողութիւնը, մեր ապրողստը... եթէ դա էլ...

—Ի՛նչ անեմ. ինչո՞ւ մարդդ առաջուց չէր մտածում:

—Յարութիւն աղա, իմ եղբայրս, իմ բերանիս սրբութիւնը, դա ուրիշների կողմից զրպարտութիւն է, սուտ է. մենք անմեղ ենք—, հառաչեց նա արտասուքների մէջ խեղդուած և շարունակեց.— Իլդի աւերակի համար... մի անգամ մտքումըդ դրել ես վրէժ հանել՝ էն Աստծո՞ւդ թող, Յարութիւն աղա... համարիւր թէ մի ողորմութիւն ես անում:

—Եդ ինչո՞ւ մարդուդ չէիր ասում, որ... ես բաշխելու աւելորդ մալ չունիմ:

—Յարութիւն աղա, խնդրում եմ, տես, ոտերըդ եմ ընկնում, իսէր մեր լոյս հաւատի, իսէր Լուսաւորչի, ի՛նչ խղճա, իմ մանր ու խոշորիս խղճա. հաշուիր, թէ մի քոյր ունիս էս աշխարհի երեսին, էդ մի չափիդ՝ նրան ես բաշխում... մեզ խղճա, եթէ նրան չես խղճում:

—Մի երկարացնիր. ասացի չեմ անում... վեր կաց:

—Յարութիւն աղա, դու էլ մարդ ես, տան տէր ես, գո՛ւթ ունեցիր. մի՞թէ իմ որդոցս լաց ու

արտասուքը տեսնելիս խիղճդ քեզ տանջելու չէ: Խնդրում եմ, տես, ծնկաչոք առաջդ ընկած աղաչում եմ—, շրթունքները նրա ոտներին մօտեցնելով աղերսում էր Թազանը:

—Տէր Աստուած, թնչ էր էս սատանայ կինը...

—Աղաչում եմ, տես, պաղատում եմ, իմ որդոցս անէծքը մի առնիր վրադ:

—Վնասն արել էք՝ պիտի տաք. կարճ, էլ մի երկարացնիր:

—Լա՛ւ, վնասը մե՛նք ենք արել. հիմայես եկել իտքդ եմ ընկել, ներողութիւն եմ խնդրում. բաշխիր, հաշուիր թէ Աստծուդ ես բաշխում, լացով ու արտասուքով ինձ մի եդ դարձնիր:

—Ո՛ր մի վնասին համբերեմ. ես հօ գանձ չունիմ:

—Ա՛խ, Աստուած. թնչ անեմ:

—Քեզ ասում եմ Տէրիք է, զահլահ մի՛ տանիր—, բարկացած ձայ՛ով խօսեց Յարութիւն աղան և ձեռով հեռացրեց նրան:

—Օ՛հ, անօրէն, անհաւատ—, ինքն իրեն կորցրածի պէս յանկարծ ճչաց Թազանը,— դու անխիղճ ես, դու Աստուած չունիս. էլ ոչինչ չեմ խնդրում... Ո՛վ, երկնքի երկրի Ստեղծող, Քեզ եմ թողնում, դո՛ւ սրա արգար դատաստանը տեսնիս:

—Դո՛ւրս կորիր էստեղից, ջնդու պառաւ—, բարձր ձայնով գոռաց նրա վրայ Յարութիւն աղան և ոտով հրեց դէպի դուռը:

— Դ՛ո՛ւ սրա պատիժը տաս—, վերև նայելով խօսեց Թազանն և կանգնեց ոտքի, — էն Ասածուց խնդրում եմ էս տունդ ու տեղդ բրիշակ լինի, չըվայելես, որ մեզ պէս խեղճ մարդու օջախն ու գում ես մարել: — Քեզ ասում եմ դ՛ու՛րս —, սաստիկ գուռաց Յարութիւն աղան և կանգնեց ոտքի:

— Քեզ որ ասում են՝ «դ՛ու՛րս գնա», դուրս գնա՛, էլ մի երկարացնիր —, խօսեց Հազրօն և նրա թևից քաշեց դէպի գուռը:

— Աւերի, աւերի... յուսահատ ձայնով կրկնեց Թազանն և հեծկտալով ելա գուռս:

Թազանը դեռ չէր վերադարձել տուն, որ Մարկոսը նկատելով նրա բացակայութիւնն և սրտում ինչոր անորոշ կասկած զգալով՝ հարցրել էր իւր որդոց նրա մասին, և նրանցից լսելով կրնոջ եկեղեցի գնալն՝ աւելի քան զօրեզացել էր այդ կասկածը նրա մէջ և անհանգստացրել: Մինչ նա մտածում էր, թէ արդեօք այլանը չէ՞ գնացել իւր ամուսինն, երբ շալի մէջ փաթաթուած՝ այլայ լուած ներս մտաւ Թազանը:

Մարկոսի հարցերին, թէ ինչո՞ւ է այդպէս այլայլուած, վերջապէս ո՛ւր էր, Թազանն իրեն կորցրածի պէս կցկտուր կերպով պատմեց բոլորը: Մարկոսը սաստիկ կատաղեց, երբ իմացաւ նրա Յարութիւն աղալի մօտ լինելը:

— Քեզ ո՞վ ասաց, որ գնաս, հա՛, այ՛ քաւ թաւ —, աղաղակեց նա, — ո՞վ ասաց գնաս, որ հիմայ է

աղաղակեց նա—, ո՞վ ասաց գնաս, որ հիմայ էլ լալով գանգատուում ես. քո ինչ գործն էր. դ՛ու՛ պիտ ինրա սիրտը գուլթ ձգէիր. մէկ չհարցնէիր, չի մանայիր. և վերջապէս ինչպէս պատուիրդ ուտեցրիր նրա առաջը չոքել, քեզ էլ ցածացնել ինձ էլ, հա՛, ինչպէս թոյլ տուիր իմ պատիւս ոտի տակ տալ, հա՛ —, և Մարկոսը մի ըոպէ պատրաստուեց յարձակուել կնոջ վրայ, խփել, ջախջախել նրան, բայց պահեց իրեն, միմիայն հեռուից թքեց նրա կողմը և շարունակեց. — Էդ էիր ուզում, որ էնպէս շունը քեզ անպատուէր, լացով ճանապարհ գնէր... տեղն էէ...

Թազանը լսում էր այդ խօսքերն և շալի ծայրերով սրբում իւր թաց աչքերն. և մինչ նա պատրաստուում էր մի քանի խօսքով արդարացնել իւր վարմունքը, յայտնել ամուսնուն, որ այդ բոլորի պատճառն ինքն ամուսինն էր, տեսաւ որ նա չկար: Թազանը նստեց թմբիկի վրայ և սկսեց ողբալ իւր տան վրայ գալիք թշուառ վիճակը:

Յարութիւն աղան նոյն դրութեամբ միայնակ դեռ նստած էր, երբ դաշոյնը կախած անսպասելի կերպով երևաց Մարկոսը: Նրա բարկացկոտ դէմքով երևալը կատարելապէս վախեցրեց Յարութիւն աղալին: Նա հազիւ ուզուեց իւր տեղում, երբ Մարկոսը կանգնելով նրա առջև բղաւեց.

— Անօրէն, աւազակ...

Յարութիւն աղան չուելով աչքերը նրա երեսին ուզեց պատասխանել, բայց Մարկոսը հերթ չտուեց:

— Ասե՛նք նա կին է, խելքը ոչինչ չէ կրտու՛մ, ինքն իրեն գլխին եկել է քեզ պէս մի անհաւատի մօտ խօսելու. մի՛թէ դու պէտք է մարդավարութիւն չունենայիր, և նրան էնպէս պէտք է ճանապարհ գնէիր, դուրս անէիր, հա՛:

— Է՛յ, բերանիդ չափը ճանաչիր... ուղարկում ես, լետոյ էլ դեռ... Գիտե՛ս ես ով եմ:

— Ո՛վ է ուղարկել... ես լայեղ կանեմ նրան քո դուռն ուղարկել... Գիտեմ դու ո՛վ ես. դու աշխարհի տունը քանդող-աւերողն ես. դու սարեքում ու ձուկերում աւազակութիւն, սպանութիւն անողն ես, որ էնքան ժամանակ էլ կանդալները սաներիդ բանդումն էիր. շառով ու շլթաղով որ էսքան կարողութիւն ես հաւաքել՝ կարծում ես թէ դու մարդ ես. էն թուրքն ու շունը քեզանից հազար անգամ լաւ են. այ դու ով ես:

— Քեզ ասում եմ խօսքդ ճանաչիր—, բղաւեց Յարութիւն աղան:

— Ո՛ւմ վրայ ես գոռում. ուրիշներին որ վախեցրել ես, կարծում ես թէ ինձ էլ կարող ես վախեցնել: Ինձ Մարկոս են ասում, ես մինչև Սիբիւրն աչքս եմ առել, լաւ գիտենաս:

— Ի՛նչ ես ուզում ինձանից:

— Պատի՛ւ: Ուզում եմ, որ ետ կենաս շառիցդ: Յարութիւն աղան տեսնում էր, որ այդ գազան դարձած մարդու հետ չէր կարողանալու գրլուխ ելնել, տեսնում էր, որ ընդհակառակն ինքն էր ճնշւում՝ ուստի որոշեց լուել:

Մարկոսն այդ ժամանակ ետ դարձաւ, տեսաւ, որ Հազրօն կանգնած էր իւր ետեւը:

— Գու էստեղ ես, հա՛, բոլոր աշխարհի խայտառակ. դո՛ւ, ես իմ կնոջ թւեից բռնել դուրս ձրգել, հա՛. դո՛ւրս:

Հազրօն ոչ պակաս վախեցած քան իւր աղան՝ լուռ մնաց:

— Գո՛ւրս կորիր էստեղից:

Բայց Հազրօն սպասելով տիրոջ հրամանին դեռ կանգնած մնում էր:

— Քեզ ասում դո՛ւրս կորիր, շան որդի, թէ-չէ էնպէս մի ապտակ կհասցնեմ, որ մինչև, դժոխք մէկէն կգնաս—, սաստիկ բարձր գոռաց Մարկոսն և ուզեց յարձակուել նրա վրայ. բայց Հազրօն վախից փախաւ:

— Էս բոլորը որ հաւաքել ես, գիտե՛ս քանի անմեղների արիւն ու արտասուք ես թափել: Քո ունեցածդ թոյն է. մեղք է ձեռ տալը. հացդ որ ճղես՝ միջից արիւն դուրս կգայ: Սպանածներիդ արիւնը դեռ տաք-տաք հոսում է: Նրանց հոգին ամեն օր երկնքից անիծում է քեզ:

Յարութիւն աղան տեղում քարացած մնալով՝ այդ սարսափելի մարդու առջև համարձակութիւն չէր ստանում խօսելու, բառ չէր գտնում պատասխանելու:

— Աշխարհ թալանեցիր բաւական չէ, հիմայ էլ ուզում ես իմ ունեցածս խլել: Դրանով էլ մարդ չես դառնայ: Էսօր-էգուց սատկին բոլոր ունե-

ցածր շներոց-գէլերոց է լինելու. որդի չունիս, բան չունիս. Հազրօի պէս աննամուսներն են ուտելու: Ի ու որ կաս՝ երկնքից իջած, դժոխքից եկած մի կրակ ես: Աւալ Աստուած, էնպիսի մի կրակի գաս, որ ինքդ էլ չիմանաս. էս հիշտեկ գիշերով ուրիշ խնդրուածք չունիմ:

Յարութիւն աղան աւելի և աւելի ճնշուով էր նրա խօսքերից և կատաղի աչքերից:

— Կարճ —, շարունակեց Մարկոսը, — շառք թողնելո՞ւ ես, թէ չէ:

— Չէ... Տը... — դողդողալով խառն պատասխանեց Յարութիւն աղան:

— Չէ —, յօնքերը վրայ բերելով և աչքերը նրա երեսին չռելով բղաւեց Մարկոսն և ձեռք տարաւ դաշոյնի դաստակին:

Յարութիւն աղայի երեսի գոյնը մի վայրկեանուով թռաւ: Այդ սարսափելի մարդը, որ աշխարհ էր վախեցրել, այժմ մի գիւղացու առջև կատու էր դառել: Նա վախից ետ քաշուեց թաղթի վրայ և ձեռք տարաւ դէպի գէնքերը:

— Չէ —, կրկնեց Մարկոսն և մտածելով ապագայի մասին, կատաղութիւնը զսպեց և ձեռք հեռացրեց դաշոյնից. — թփե՛ւ —, թքեց նրա երեսին և շարժուեց դէպի դուռը: — Կրակ թափուի տունդ, կրակ —, խօսեց Մարկոսն և շարժուեց դէպի դուռը: Նա ոտը դուրս դնելուն պէս տեսաւ, որ Հազրօն բակում, մթութեան մէջ կանգնած էր:

— Էս դու էլք էստեղ ես —, կատաղութեամբ նրա վրայ բղաւեց Մարկոսն և այնպիսի մի սաստիկ ապտակ հասցրեց նրա ծնօտին, որ հուժկո հարուածից Հազրօն փռուեց գետին, և դէպի վայ: Թանող սանդուխներով գլորուեց ցած:

Մարկոսն ելաւ դուրս:

Յարութիւն աղան հազիւ ազատ շունչ քաշեց: Հազրօն ականջն ու երեսը բռնած ներս մտաւ:

— Սպասիր դու շառլաթան, սպասիր, ես քեզ ցոյց կտամ —, սկսեց գոռալ Յարութիւն աղան:

— Աղա՛ —, ձայնեց Հազրօն, ինքն էլ չիմանալով թէ ինչ ասէր նրան:

— Հիմալ տեղը չէ՞ թուր ու թիւանք առնի՞, գնամ ողջ տունը կտոր-բրդուճ անեմ հա՛: Եղպի ի մլթոնան գայ իմ տուն և համարձակուի եղպի տըրութիւն անել. չէ, ես իմ նամուսիս չեմ տեսնի. գնա՛ էս րոպէիս իւզբաշուն կանչիր: Հա՛ —, լանկարծ երեսը դէպի Հազրօն շուռ տալով խօսեց նա, — դո՛ւ որ ջրհանլամը կորար, որ...

— Ես, ես... ես...

— Ի ու թնջ

— Ես ինչ ու...

— Ի ու զահրու՛մար, լիմար անասուն. հիմա բոլոր բարկութիւնս քեզ վրայ կթափեմ. չէիր կարո՞ղ վգսիսին տալով դուրս անել. տեսար, որ ելայեղ...

— Աղս, ախր ինձ...

— Քեզ ի՞նչ:

— Ապտակ տուեց. ես...

— Դու ի՞նչ—, իւրը մոռանալով, կամ ճիշտն ասած Հազրօին իւր մասին մոռացնել տալով կրկնեց Յարութիւն աղան,— դու ի՞նչ:

— Աւզում եմ ը՛ր՛... ծոծրակը քորելով խօսեց Հազրօն,— գանգատ տալ, որ...

— Որ ի՞նչ:

— Որ միքանի...

— Մանէթ առնես, հա՛—, զայլացած հարցրեց Յարութիւն աղան:

— Հա՛—, աւելի պատկառանքը քան խելքը կորցրած պատասխանեց Հազրօն և նայեց իւր տիրոջ ոտներին:

Թփիւ՛րէ, անամօթ, ես նամուսի համար եմ խօսում, ինքն ի՞նչ է դուքս տալիս. էն որ ամեն անգամ ծեծուելուդ համար գանգատ ես տուել և մի քանի մանէթ առնելով բաց թողել, էս անգամ էլ կարծում ես թէ էնպէս է. գնա՛ էս սահաթիս իւզբաշուն կանչիր—, խոժոռ հայացքով խօսեց Յարութիւն աղան:

— Ա,՛ս —, գետնին նայելով և ծոծրակը քորելով երկիւղած խօսեց Հազրօն,— իւզբաշին էստեղ չէ:

— Կատարեա՛լ խայտառակութիւն, կատարեա՛լ... հապա հիմայ ես ի՞նչ անեմ, հա՛... ի՞նչ անեմ, ասա՛ է —, աչքերը չռելով Հազրօի վրայ ճչաց նա: — Սպա-

սիր, դու շառլաթան, սպասիր, ես քեզ չեմ ուտեցնի. . . —, ապա երկու քայլ անելով դէպի Հազրօն նոյն կատաղութեամբ գոռաց.— դո՛ւքս կորիւ տնսուն...

XIII.

Անցնում էին օրեր օրերի ետեւից: Դատի օրը հետզհետէ մօտնում էր: Քանի գնում Սահակի համար աւելի տանջող էր դառնում նրա վկայ լինելն, և նրան աւելի ու աւելի էր մտածել տալիս: Ետ անգամ երբ նա ճնշուած, երկիւղի և ամօթի նման մի տեսակ բանից տիրապետուած մրտածուց էր այդ գործի մասին, և խորն ընկզմում իւր մէջ՝ նրա մտքերը խառնուում էին և աչք մտքերի խառնակութեան մէջ նա շփոթուում, կորցնում էր իրեն և չէր կարողանում հասնել մի վերջնական վճռի:

Մի կողմից Յարութիւն աղայի արած բարիքը, ցոյց տուած յարգանքն ու պատրաստականութիւնները, որ աւելի և աւելի կասուում, մօտեցնում էին իրեն նրա հետ և երախտապարտ դարձնում, որ նա չէր կարողանում մոռանալ, մանաւանդ տեսնում էր որ Յարութիւն աղայի արած օգնութեամբ հետզհետէ իւր տան դրութիւնը բարելաւանում էր. միւս կողմից խօսում էր նրա մէջ այն դառը գիտակցութիւնը, թէ ինչն էր այդ բարելաւութիւնը ձեռ բերելու պատճառը, որը նրա վրայ

ուպանիչ տպաւորութիւն էր գործում, մանաւանդ որ նրա համար կասկածելի, մինչև իսկ անհաւատալի էր թւում, թէ վնասն անողը Մարկոսի ոչ խարն էր, որի մասին զրպարտութիւն լինելու համար խօսւում էր հասարակութեան մէջ, և մեղադրանքներ էին բարդում իւր վրայ. և այդ հասարակաց վատ կարծիքի նախատինքն ամենադառն կերպով ազդում էր նրա վրայ. և նա այդ տանջանքից յաղթահարուելով մի ըուպէ կարծես վրձուում էր անմաս մնալ այդ գործից և պատճառ չդառնալ մի օջաղի աւերման... Բայց յանկարծ նրա առաջ պատկերանում էր իւր տան վերաբերեալ մի աւելի սոսկալի և վատթար դրութիւն.— Յարութիւն ազան կարող էր նրա տունուտեղը տակնուվրայ անել, նրա գերդաստանը չոր չլի վրայ նստեցնել: Այդ սարսափելի դրութիւնը պատկերացնելիս բոլոր մարմնով փշաքաղւում էր նա, քարանում ու դարձեալ ընկնում նոյն խառն նոյն և անորոշ դրութեան մէջ:

Մինչ Սահակն ամեն օր այդպիսի տանջող մտքերով իրեն հաշիւ է աալիս, Մարկոսն ամեն կերպ աշխատում էր նրան տեսնել, հետը խօսիլ. բայց այդ չէր աջողում, որովհետև Յարութիւն ազան Սահակին իւր մօտ այնպիսի գործերով էր զբաղեցնում, որ նա բոլորովին ազատ ժամանակ չէր ունենում այվանից դուրս գալու, Յարութիւն աղայի մօտից բացակայելու: Այս բանն հետզհետէ

Սահակի համար անզգայ-անհասկանալի էր դառնում, իսկ Յարութիւն աղայի համար ուրախալի:

Բացի այս, եթէ Սահակն ուզենար էլ Մարկոսին տեսնել, մի տեսակ երկիւղ և ամօթ զգալով դէպի նրան՝ չէր համարձակւում այդ անել: Մինչև անգամ Մարկոսին հեռուից տեսնելը, նրա ձայնը լսելը Սահակի վրայ սարսափ է ձգում: Նա կարծես փախչում էր այդ մարդուց որին մի ժամանակ զթփսիրտ և բարի էր ճանաչում, այժմ՝ անգութ, դադան... Բայց ամենայն ժամանակ նա զգում էր, որ ինչ որ գաղտնի բան իրեն ձգում— քաշում էր դէպի Մարկոսն և խղճահարեցնող դարձնում:

Այդպիսի խառնաշփոթ դրութեան մէջ, երբ նա արդէն մի լոկ առարկայ, խաղալիք էր դարձած իւր երկու հակառակ մտքերի մէջ՝ մի անգամ մի քանի դրացի պատահելով՝ անպատուեցին նրան իւր արարքի համար: Նա սաստիկ յուզուեց և ոչ մի տեղ հանգստութիւն չգտնելով՝ շտապեց այվան: Սաստիկ կատաղելով դրացիները դէմ, միևնոյն ժամանակ նեղանալով իւր վրայ՝ ինքն էլ չիմացաւ, թէ ինչպէս մտաւ Յարութիւն աղայի սենեակն, և ինչպէս պատմեց տեղի ունեցող դէպքն, և քիչ էր մնում, որ ասէր, թէ չէ կարողանում տանել այդպիսի մի դրութիւն, ուզում է թողնել, հեռանալ՝ երբ Յարութիւն ազան պատիր ձայնով, աչքերին ու երեսին գրաւիչ ժպիտ խաղացնելով ասաց.

— Զուգենալուց, Սահակ ջան, չուզենալուց,

իմանում ես. նրանց աչքը չէ վերցնում, որ դու ինձ մօտ ես. հասկանում ես: Սպասիր դու, ես քեզ էնպիսի մի վիճակի հասցնեմ, որ ինքդ էլ զարմանաս, ժամանակին օրհնող լինիս, և նրանք որ իմանան իմ արած լաւութիւնը քեզ նախանձից տրաքուին: Սպասիր դու: Նրանք ուզում են, որ քեզ խաբեն: Դու գլուխդ խելք ճարիր, երեսայ մի լինիր: Ես աշխարհիս երեսին մարդ, որ իւր գործը չգիտցաւ քաղցած կմեռնի: Դրուստ չեմ ասում:

— Դրուստ ես ասում, աղա՛ ջան:

— Ի՛է, որ դրուստ է, քեզ ինչ որ ասում եմ, ինձ լսիր—, երեսին նորից ժպիտ խաղացնելով խօսեց Յարութիւն աղան, որպէս խօսում էր ընդհանրապէս:

Սահակն այնքան ոգևորուեց այդ խօսքերեց, որ քիչ առաջ տեղի ունեցող յօղմունքը փարատուեց և մտքում ունեցած վճիռը նա փոխեց: Այդ րոպէ Յարութիւն աղան նրա աչքում այնպիսի մի ազնիւ և կայտկից մարդ երևաց, որ նա իւր մտքում մինչև անգամ նախատեց իրեն քիչ առաջ մտածածի մասին:

Այսպիսով Սահակը մնում էր նոյն գրութեան մէջ և շարունակում Յարութիւն աղայի քթի տակ ծառայել: Նա արդէն այլմանի մէջ նախապատուութիւն էր ձեռ բերել Հազրօից:

Աղայի կողմից գլխաւոր հրաման արձակողն արդէն Սահակն էր. նրան էին լսում դաշտի պա-

հապան ծառաները: Այդ բանը Հազրօի համար շատ ծանր էր, և վիրաւորական. նա տեսնում էր որ իւր այդքան երկար ժամանակուայ հաւատարիմ ծառայութեան փոխարէն աստերախտութեան էր հանդիպում Յարութիւն աղայի կողմից, որի համար ոչինչ, այն, ոչինչ չէր խնայել և գլուխը դրած ունէր: Նրա կատաղութիւնը ծայրայեղութեան հասաւ, երբ մի անգամ Յարութիւն աղան նրան մի աստակ տուեց այն առթիւ, որ նա Սահակին հայհոյելով նրան հակառակ կարգադրութիւն էր արել, և Սահակը գանգատուել էր Յարութիւն աղային: Այդ դէպքից յետոյ Հազրօն բոլորովին հիասթափուել էր, տեսնելով, թէ ինքը սրբան խաբուած է եղել... և չէր կարողանում տանել կրած վիրաւորանքները, որոնք քանի գնում նրա սրտի մէջ աւելի մեծ ծաւալ էին ստանում: «Ես նրա համար ոչ մի բան չխնայեմ, ամեն բան անեմ, և նա ինձ... լաւ, ես մարդ չլինիմ, թէ քս հախէդ չգամ», ինքն իրեն շարունակ կրկնում էր նա:

— Հազրօն ո՞վ, դու ո՞վ—, Սահակին շարունակ կրկնում էր Յարութիւն աղան:

Մինչ այս մինչ այն ամառն արդէն վրայ էր հասել և դատի օրը մօտեցել էր:

Ախալքալաքի դատարանում վաղ առաւօտից խոնուել էր ամբօխը: Այլուած, կոպիտ դէմքով, ծակուած ու շորայած տրեխներով, մաշուած, հազար ու մէկ տեղից կարկտտուած հագուստներով,

շաբաթներով չսափրած երեսներով դատարանի առջև խուր-խուճք կանգնած էին գիւղացիները:

Դրանց հետ միախառնուում էին նոր եկողները, քաղաքացիներն և աղաները, որոնք իրենց շարունակ անցուդարձով հետաքրքիր էին դարձնում խօսակցութիւնը:

Ժողովրդից քիչ հեռու իւր հովիւներով շորջապատուած, կանգնած էր Խիւղամը: Նրանից քիչ հեռու Սահակին և Օսմանին իւր հետ առած ման էր գալիս Յարութիւն աղան:

Ամեն մարդ իւր հետինի հետ խօսում էր և խորհում էր իւր գործի մասին:

Գոգոր, բարձր, դու էլ գործ ունիս—, հարցրեց մի գիւղացի գէմից եկողին:

— Հա՛, Պետո՛ ջան, էս մի շաբաթ է քաշ եմ գալիս:

— Ի՞նչ է որ:

— Է՛հ, ոտով — գլխով կրակն ենք ընկել —, լուսահատ ձայնով պատասխանեց Գոգորը, — մեր գիւղի անաստուած աղան գիւղի կէսի վրան գանգատ է տուել, իբր թէ զօրով մտել չայիրը քաղել ենք: Գիտես, ինքն առաջուց իրաւունք տուեց, ասելով, թէ թողիմ — բան հարկաւոր չէ, քաղեցէք. լետոյ իմանաք, որ թղթով ծախել է Ա...ցի թուրքերին: Նրանք գանգատ են տուել աղայի վրայ, աղան էլ մեզ վրայ: Հիմայ խկի խելքս չէ հասնում, թէ ի՞նչ տեսակ գործ է, ի՞նչ պիտի անենք:

— Ծ՛ր, ծ՛ր ծ՛ր —, գլուխը պտտեցնելով շորջանց Պետոն:

— Է, դո՛ւ ինչի ես եկել:

— Սրանից մի ամիս առաջ եկել եզս աղլից գողացել տարել էին արտերի մէջը մորթել, կաշին քերթել տարել՝ լէշը թողել: Էս երեք շաբաթ է ընկել եմ գլաւայի ետևը, որ գայ քննի, տեսնի՛ ոչ գալիս է, ոչ էլ...

— Ո՛վ է տարել, գիտես:

— Սառճի մանչը:

— Թի՛ւ, անաստուած, էս քանի տարի է խալխի տունը քանգելով ման է գալիս, տէրն եղող չկայ:

— Էսպէս օրով, խալխը հերկ է անում, խոտերը կրելու օրերն հասան, ցանքս էլ կիսատ մնաց, լուծս մնացել է գետինը: Ձեռս չկայ, որ մի եզ առնիմ, գործս եօլա տանիմ... Երկու օր առաջ էլի գնացի գլաւու ետևը, ասացի-ասացի, խկի տէրը չեղաւ, մի լաւ էլ թակեց, թէ կորի՛ր, հերիք է զահլէս տանիս:

— Ձեր գլաւան հիմայ ո՛վ է:

— Չուխ Յովակը:

— Օ օ օ — երկարացրեց Պետոն, — Սառճի մանչու ընկերը, գիտեմ: Տարածն իրար հետ են կիսում, իհարկէ տէրը չի լինի: Դա քու Մատոսին էլ մոռացրեց: Հերու էլ խեղճ Մալխասենց մալը Յարութիւն աղան տանել տուեց: Տեղն իմացան, գնացին գլաւու մօտ՝ ոչ տէրն եղաւ, ոչ էլ. Աննա,

գիտես թէ դրանց օրով ինչքան օջաղներ քանդուեցան...

— Ո՞վ էր տարել:

— Չլտրցի Օսմանն. էլ ո՞վ կայ:

— Օսման՞ը. հրէն, նա էստեղ է, ման է գալիս: Հետինն ո՞վքեր են:

— Էն մէկին չեմ ճանաչում. մէջ տեղինը Յարութիւն աղան է:

— Յարութիւն աղան. հնո՞ւ, տեսնիս էլի ինչո՞ւ է եկել. մի գանգատ կուեննայ:

— Ո՞ր օրը չէ գալիս, որ էսօր եկած չլինի: Օրէնը տասը գանգատ է տալիս:

Խօսող գիւղացիներին մօտ եկան ուրիշ երկու գիւղացի: Նրանք համառօտակի պատմեցին Յարութիւն աղայի տուած գանգատի մասին:

— Ետ անգո՞ւթ աղա տեսել եմ, համա դրա վրայ հատած է—, վրայ բերեց Պետօն:

— Է՛հ, աղայի լաւը կլինի՞. բոլորն էլ դրա պէս տուն քանդողներ, Փախը-Փուխարի արիւնը ծծողներ են. հրէն, քանիսն են ման գալիս: Մենք բոլորս էլ դրանց քանդածը չենք...

Մի քանի գիւղացի էլ հաւաքուած դատարանի պաշտօնակալ վրայ, անհամարձակ քայլերով մօտենում էին դռան ու լուսամուտներին և ներս նայում: Նրանցից մէկը տեսնելով դատարանում թարգմանի պաշտօն վարող ծառայողին, որ թըղթերը ձեռին անցուղարձ էր անում՝ ասաց.

— Տեսնո՞ւմ էք մեր գիւղի տէրտէրի մանչուն,

Մուքայիլին, ձեռը— ոտը մաքուր, ամսական ոտճիկն առնում, թագաւորի պէս ապրում է:

— Ապա մեզ պէս էր, խելք ունէր. էնքան էս ու էն կողմն ընկաւ, կարգաց, որ վերջը մարդ դառաւ. հիմայ սիւզիայի պէս մարդկանց հետ է նստում, վեր կենում:

— Տեսնիս ամսական ինչքան է ստանում:

— Մի երեսուն մանէթ կլինի:

— Երեսուն մանէթ թ. տեսար փո՞ղը. կեր ու պո՞ւկի:

— Տես, մարդն էնքան մեծ աստիճան ունի, որ Յարութիւն աղայի պէս մարդն եկաւ, դէմը կանգնեց:

— Ո՞ւր է. հնո՞ւ, տօ՞ —, վրայ բերեց միւսը զարմանքով:

### XIV.

Յարութիւն աղան Մուքայիլին որ տեսաւ, Մահակին թողեց Օսմանի մօտ, միևնույն ժամանակ վերջինիս պատուիրելով, որ նրանից չբաժնուի, մտաւ ներս:

Նա դատարանում թարգմանի պաշտօն վարող ծառայողի հետ քիչ խօսելուց լեռոյ նրա թեից բռնած տարաւ մի առանձին կողմ: Նա ձեռի և դլխի զանազան շարժումներով խօսում էր: «Իմացայ, իմացայ, լաւ...», նրա ասածներին ժպտալով վրայ էր բերում Մուքայիլը:

Սահակն ու Օսմանը Յարութիւն աղայի ներս

րտնելուց յետոյ քաշուեցին մի անկիւն: Սահակը պատի տակ շուռքում նստեց քարի վրայ և վառեց պապիրոսը: Նրա մէջ վերստին ծագել էր առաջուայ տանջող միտքը, որ բաւականին ժամանակ էր, ինչ թուլացել էր: Տատանուող դրութեան մէջ նա չէր իմանում, թէ ինչպէս անի և զօր էր տալիս պապիրոսին: «Արդեօք Մարկոսի ոչխարն էր» կասկածը մարմին առած ակամայ դուրս էր թլուչում նրա շրթունքներից և նրան մտածել տալիս:

Մարկոսը, որ մինչ այդ օրը ոչ մի կերպ չէր կարողացել Սահակին տեսնել և հետը խօսիլ՝ երբ նկատեց, որ նա Օսմանի մօտ շուռքում նստած է քարի վրայ՝ մօտեցաւ նրան:

Սահակը նրան տեսնելուն պէս մեքենայաբար վերկացաւ տեղից և երեսը շրջեց մի կողմ:

— Սահակ - , ձայնեց Մարկոսը:

— Ի՞նչ է — , Սահակի փոխարէն առաջ անցաւ Օսմանն և ուզեց խանգարել նրանց տեսութիւնը:

— Քեզ հետ չեմ, թո՛ւրք. Սահակ — , կրկնեց Մարկոսն և կանգնեց նրա առջև:

— Ի՞նչ է — , շշնջաց Սահակն և նայեց Մարկոսի երեսին:

Մարդկային երկու աչքերը երբէք այնպէս չէին նայել Սահակի երեսին, որպէս այդ րոպէ Մարկոսի աչքերն. այդ աչքերը կարծես՝ թէ կարեկցում էին Սահակին և թէ միևնոյն ժամանակ տանջում, հալածում նրան:

Օսմանը նկատելով թէ բանն ինչումն է, Սահակին աչքով—յօնքով էր անում, որով ուզում էր ասել. «տէրը մի լինիր, թող խօսի-խօսի հեռանայ»:

— Սահակ, եղբայր Սահակ, խիղճդ մի կորցնիր, մի թողնիր օջաղս մարելու. դու էլ տանուտեղի տէր ես, դու էլ մանրուխոշորի տէր ես. հոգիդ մի սևացնիր. քեզ խաբել է, սուտ վկայ է բերել:

Այդ խօսքերն այնպիսի աղերսանքով հնչեցին, որ Սահակն ակամայ փշաքաղուեց: Նա տեղում անհանգիստ շարժում գործեց և մի ծանր հառաչանք դուրս թռաւ նրա կրծքից:

— Տեսնում ես չէ խօսում, էլ ի՞նչ ես ուզում:

— Քո բանը չէ, թուրք, դու ո՞վ ես էստեղ — , յանկարծ բռնկած կատաղութեամբ աչքերն Օսմանի երեսին չուելով աղաղակեց Մարկոսը:

Թուրքը կարծես վախեցաւ և ակամայ փոքր ինչ ետ քաշուեց:

— Սահակ ջան, ազատիր ինձ էս կրակից — , նորից դարձաւ Մարկոսը. — «տուն քանդողին տուն չի լինի», ասում է թուրքը:

Սահակն աւելի և աւելի տանջուում էր և չէր իմանում ինչ անէր և ինչպէս անէր որ ազատէր թէ իրեն և թէ՛ Մարկոսին: Նա վերև նայեց և ուզում էր ասել. «ինչպէս ասեմ, Մարկոս ջան, որ ինչպէս լինի...», բայց ասեց. — եղբայր ինչ ես ուզում ինձանից:

— Ուզում եմ որ ետ կենաս սուտ վկայ լինե-

լուց, ճշմարիտն ասես. ուզում եմ, խնդրում եմ, աղաչում եմ, որ չթողնես օջաղս մարելու. քեզ եմ մնացել:

— Տէր Աստուած, թնչ է ուզում էս հայր—, նրանց երկսի երեսին նայելով խօսեց Օսմանն և կանգնած տեղում մի անհանգիստ շարժում գործեց:

— Սահակ, որդոցս անէծքը վրէշ մի առնիր, հոգիդ սատանին բաժին մի դարձնիր...

— Ի՞նչ ես կանգնել, արի այս կողմը—, Սահակին թևից բռնելով ուզեց հեռացնել Օսմանը:

— Ձէնդ կտրիր, թուրք, և թող դրան, թէ չէ էս ըստէիս... համբերութիւնից դուրս եկած բղաւեց Մարկոսն և ձեռք տարաւ դաշոյնին:

— Զօրով է...

— Ձէնդ, քեզ ասում եմ: Սահակ—, դէպի նըրան դարձաւ Մարկոսը, — լաւ մտածիր, մեր լոյս հաւատին ու կաթին չի ընկնի անաստուած գործ բռնել: Մենք դուռուղրկից ենք, իրար աւելի մօտիկ ենք, իրար ցաւերն աւելի լաւ ենք հասկանում. մեր կտրած աղուհացը մի մոռանար, պատճառ մի դառնար օջաղս աւերուելու:

Օսմանը տեսնելով, որ անկարող է Մարկոսի հետ կռուել, նրան խանգարել՝ ձեռով ու գլխով շարունակ անհանգիստ շարժումներ էր անում և չորս կողմը նայելով անհամբեր սպասում էր Յարութիւն աղայի դուրս գալուն:

Սահակը մի ըստէ կարծես ուզեց բղաւել, գոռալ Օսմանի վրայ, լուեցնել նրան, սրտէ ի սիրտ

խօսել Մարկոսի հետ, բայց վերին աստիճանի կաշկանդուած զգալով իրեն, կարծես չէր կարողանում այդպիսի բան անել:

— Սահակ ջան, օջաղդ եմ ընկել. դու գիտես: Սահակն այլ ևս անկարող էր տանել այն զարհուրելի տանջանքը, որ լարուցանում էր նրա մէջ այն խղճահարուժիւնը, որ նա տածում էր դէպի Մարկոսը: Նա ոչինչ չխօսեց և ուզեց գլխով համաձայնութեան նշան անել, երբ աննկատելի կերպով մօտեցաւ նրանց Յարութիւն աղան, որ դատարանից դուրս գալով՝ հորթը կորցրած կովի պէս դէսուղէն էր նայել և տեսել էր Մարկոսին Սահակի ու Օսմանի մօտ կանգնած:

— Ի՞նչ ես ուզում խեղճ մարդկանցից, եկել ես հանգիստ չես տալիս,— ասաց նա Մարկոսին:

— Ապա դու ինչ ես ուզում, որ խաբել սուտ վկայ ես բերել էս խեղճ մարդուն:

— Սուտ է հա՛. համ անես, համ էլ...

Մարկոսը չուած աչքերով նայեց նրա երեսին և ձայնեց. — անամօթ, աւագակ:

Յարութիւն աղան լաւ համարեց լուել, չգրըզըռել նրան, տեղի չտալու երկար խօսակցութեան, որ աւելի վտանգաւոր էր:

— Ես նրան ու նրա Աստուծո՛ւն եմ թողնում, ուրիշ ոչինչ—, խօսեց Մարկոսն և նայելով Սահակի երեսին հեռացաւ:

Սահակը կատարելապէս չէր իմանում, թէ ինչ էր պատահում իրեն: Նրա սիրտը Մարկոսի կողմն

էր, բայց այժմ նրա առջև կանգնած էր Յարու-  
թիւն աղան: Սուրբած աչքերով նա մնաց միայն  
Մարկոսի ետեւից զիտելիս և խորը հառաչեց:

Յարութիւն աղան հասկացաւ նրա զրու-  
թիւնը, բռնեց նրա թևից և ասաց. — Եկ գնանք,  
քաղցած ենք, գնանք մի քիչ բան ուտենք:

— Վատ եմ, Յարութիւն աղա:

— Ոչինչ չկան. մրսած՝ կլինիս, զոչազ կաց —,  
խօսեց Յարութիւն աղան և նրան Օսմանի հետ տա-  
րաւ գինետուն:

— Նիկոլ —, կանչեց նա կեղտոտ սեղանի մօտ  
նստելով:

Նրա ձայնը լսելուն պէս կեղտոտ շորերով,  
քթանէ գոգնոցն առաջը կապած վազ տուեց գի-  
նետան աշկերտը:

— Զուկ, խորոված, գինի, ինչ ունիս բեր:  
Առաջուց դեռ կէս չարեկ արազ բեր: Ծովս,  
շուտ:

— Ե՛ս սահաթիս —, խօսեց աշկերտն և վազ  
տուեց պատուէրը կատարելու:

— Խմեցէք, որ մի լաւ քէֆ անենք, աշխար-  
հումս միայն էս կմնայ —, արազի բաժակը նախ  
Սահակին և ապա Օսմանին մօտեցնելով խօսեց  
Յարութիւն աղան:

Սահակը բաժակը ձեռն առած մտածում էր:

— Խմիր, տօ ինչ ես միտք անում. էլ մարդ  
չէ հիւանդացել, խմիր, որ անցնի, տղամարդ չես:  
Առջալ կաց:

Սահակը դողդողալով բաժակը դատարկեց:

Յարութիւն աղան երկրորդ բաժակը խմելով  
նորից առաջարկեց Սահակին:

Սահակը դժուարանում էր խմել:

— Խմիր, տօ քէֆիդ նայիր, ինչ ես վախենում,  
խմիր, որ Մարկոսի հէրը մի լաւ անի՞ծենք, խմիր:

Սահակը ստիպուած դատարկեց երկրորդ բա-  
ժակը:

Նիկոլը կերակուրներն և շքերով գինին շա-  
րում էր սեղանի վրայ:

— Ես մարդ եմ, մարդ. ինձ լաւութիւն անողի  
համար հոգիս որ ուզեն՝ չեմ խնայի: Ինչ ես  
միտք անում. փող է հարկաւոր. ահա, քսան մա-  
նէթ. ես գիտեմ տանդ համար պակասութիւն  
կուենես. առ, գնա տանդ պակասութիւնները հո-  
գա —, Խօսեց Յարութիւն աղան և քսան հատ մի  
ընթրիանոց դրեց նրա առջևը:

Օսմանը փողերը տեսնելով աչքերը բանից  
դուրս խաղացրեց և թուքը կուլ տուեց:

Սահակը նայելով փողերին կարծես ուշքի ե-  
կաւ և ազատ զգաց իրեն հոգեկան տանջանքից:  
Նա նայում էր դեղնակարմիր թղթերին և չէր  
համարձակում վերցնել:

— Ա՛ռ, առ դիր զբպանդ, քէֆ արա. ես էս  
պէս մարդ եմ. դու դեռ ինձ լետոյ պիտի ճանա-  
չես: Գինի խմեցէք:

Սահակն առաւ փողերը, դրեց զբպանդ:

Մի քանի ըոպէից նրանք արդէն գինու բաժակներն իրար էին չրխկացնում:

Գինու ազդեցութիւնից, Յարութիւն աղայի սիրալիր և զուարճալի խօսակցութիւնից և մանաւանդ քսան ըուբլի նուէրից Սահակի մէջ կարծես հրաշքով չքացաւ հոգեկան յուզումը:

— Դու դեռ համբերիր, քեզ էնպիսի լաւութիւններ անեմ, որ բոլորը զարմանան, դու էլ ասես, «իրաւ որ Յարութիւն աղան լաւ մարդ է»:

— Կանես, ես ու իմ Ստոուաճս, կանես, դու էնպէս մարդ ես —, նրա խօսքին վրայ բերեց Օսմանը:

— Դու մէկ տես սիւղեան չեկաւ —, դէպի Օսմանը դառնալով խօսեց Յարութիւն աղան:

— Ստեղծքդ գիտես, էլի —, Օսմանի դուրս գնալուց յետոյ խօսեց նա, — ինչպէս որ ճանապարհին ասացի. ինչ որ կհարցնեն՝ նրա պատասխանը կտաս, հասկացա՛ր: Կհարցնեն՝ «տեսել ես». ասա «այո՛, տեսել եմ»:

— Ես գիտեմ, դու անհոգ կաց —, քաջալերուած և գինու ազդեցութիւնից տաքացած պատասխանեց Սահակը:

Օսմանը մի քանի ըոպէից ներս մտաւ և յայտնեց, որ դատաւորն արդէն եկած է:

— Դէհ խմեցէ՛ք, որ գործերս աշող գնայ:

Սահակն արդէն խմել էր բացի արաղից և գինու վեցերորդ, եօթներորդ բաժակը. նա խմեց և այդ բաժակը:

— Գատարանում խկի նրա երեսին մի նայիր, ինչ գործ ունիս, դու քո բանիդ կաց. իմ մօտից խկի մի հեռանար, իմացա՛ր: Թէ քեզ բան կասի՝ տէրը մի լինիր: Էսօր է, նեղն է ընկել՝ աղաչանք — պաղատանք է անում. վաղը որ մի գրոշ պարտք լինիս կբաշխէ, հա՛, կամ թէ չէ չորսհարիւր մանէթանոց բարաթ կճղէ:

— Չէ աղա՛ —, այդ խօսքերի վրայ աւելի համոզուած, համարձակ պատասխանեց Սահակը:

— Դէ որ չէ, էլ ինչ ես մտածում, հէրն էլ անիծած. տես, առանց ուզելու քսան մանէթ բաշխեցի. նա կանի, մի գրոշ կբաշխի:

— Չէ —, բոլորովին քաջալերուած խօսեց Սահակն և կանգնեց ոտքի:

— Դէ որ չէ, քեզ ինչ որ ասացի լաւ միտդ պահիր:

— Լաւ կ'լինի —, պատասխանեց Սահակն, և նրանք դուրս գնացին գինետնից:

XV.

Գատարանի դահլիճից լուսեց զանգակի ձայն: Ժողովուրդը իրար բռնաբերելով գիմեց ներս: Գիւղացիները նստեցին ետևի մասում նստարանների վրայ, վայր առան մեծ փափաղները, դրին կողքերին և կոշտ ձեռներով շփեցին ճակատները, որ իբր թէ մազերը կոկեցին:

Գատաւորն հարևան-խորհրդարանի սենեակից

ներս մտաւ. Տիրեց ընդհանուր լուսթիւն: Գիւղացիները բոլորը ոտի կանգնեցին, հայացքներն ուղղեցին դատաւորի երեսին, որն իւր պէնսնէյով և վզի փայլուն շղթայով մի անմերձենալի անձնաւորութեան տպաւորութիւն թողեց նրանց վրայ:

Դատաւորն յայտնեց, որ քննուելու է Կարգադ գիւղի հողատէր Յարութիւն աղայի և Մարկոս Վարդիկեանցի գործը:

Ժողովրդի հետաքրքրութիւնն աւելացաւ:

— Ես խնդրում եմ Յարութիւն Եիրմազանովի վրականերին երդուեցնել տաք —, առաջ անցնելով խօսեց Մարկոսը:

Յարութիւն աղայի վկաների դէմքերի վրայով մի այլայլմունք անցաւ: Նրանք անհանգստութեամբ շարժուեցին իրենց տեղերում, նայեցին իրար երեսի, կարծես ուզում էին մի ևս ասել, բայց լռեցին: Մարկոսի առաջարկութիւնը, որ նրանց մտքով համարեա չէր անցել՝ գրեթէ վախեցրեց նրանց:

Խիւղամն առանձին — առանձին նրանց ականջին փսփսաց և ձեռն դի մէջ դէպի ցած շարժեց, որ նշանակում էր. «հանգիստ կացէք, ոչինչ չկայ...» Այդ ժամանակ նա տեսաւ Յարութիւն աղային, որ Սահակի և Օսմանի մէջ տեղում նստած՝ ետ դառնալով աչքով ու գլխով դանազան շարժումներ ! ր անում: Խիւղամն աչքերը վրայ բերելով գլխով նշան արեց:

Գինու աղղեցութեան տակ, ինքն իրեն մոռա-

ցած՝ Սահակը մինչև անգամ չլսեց Մարկոսի խօսքերը: Յարութիւն աղայի մօտ նստած՝ նա անտարբեր կերպով նայում էր դիմացը. կարծես բոլորովին մի կողմնակի հանդիսատես լինէր:

— Ե՛հ, երդում. մեղք որ չունենամ, կուզէ հազար էլ երդուեցնեն —, խօսեց Յարութիւն աղան և դիտեց Սահակի դէմքը: Բայց Սահակը նոյն դրութեամբ, ոչխարի աչքերի նմանութիւն ունեցող աչքերով շարունակում էր նայել դիմացը:

Այդ րոպէ ամեն բան նրա համար մեռած էր. այլ ևս ոչ մի բան նրան չէր հետաքրքրում: Նրա ուղեղն և սիրտը թմրել էին կատարելապէս:

Երդուեցնող հոգևորականներն եկան: Հայ քահանան ձգեց փորուրարն, և աւետարանը վսեմաբար բարձրացնելով, բարձր ձայնով, հատուորոշ խօսքերով սկսեց երդուեցնել:

Ժողովուրդը ոտքի կանգնելով լուսթեամբ և զգացուած սրտով նայում էր մերթ աւետարանին, մերթ երդուեցնող քահանային:

Գունդուկծիկ մարմնով դատաւորի սեղանի առջև կանգնած, թեք ծռած, մատը բարձրացրած, քահանայի խօսքերը կրկնում էր Սահակը. կրկնում էր առանց լսածի — կրկնածի իմաստն ըմբռնելու, կրկնում էր թուժակի նման և արբած աչքերով նայում էր քահանային: Ինչպէս վերջացաւ երդումն, ինչ ասաց, ինչպէս մտաւ հարևան սենեակը՝ նրան անըմբռնելի և անզգայ թուաց: Այնուհետև միայն, երբ հարևան դատարկ սենեակի խո-

նաւ օդը դիպաւ նրան, մտապատկերեց երգուեց-  
նող քահանային նայող այն բազմաթիւ աչքերը,  
որոնք իրեն նայեցին ետ դառնալու ժամանակ:

Կապոյտ խալաթով, գլխին սպիտակ չալմա  
փաթաթած՝ առաջ անցաւ թուրք մօլլան: Նա  
սև ձեռներով բռնելով ղուրանը՝ սկսեց Հաստ  
շրթունքները բացուխուփ անել, որոց միջից ե-  
րևում էին նրա ուռած ընտերքների վրայ շարուած  
սպիտակ ատամները:

Նա այնպիսի մի եղանակով էր նայում եր-  
դուողների երեսին, որ կարծես ուզում լինէր ասել.  
«Հասկացէք, ինչ եմ ասում, Հա՛»:

Օսմանն ու քիւրդ հովիւներն ևս երգուելուց  
յետոյ մտան հարևան սենեակը:

Անցան խորհրդաւոր, սրբազան ըոպէները: Ժո-  
ղովուրդը զգածուած սրտից հոգոցներ հանելով  
նստեց:

— Ի՞նչ ունիք ասելու —, յօնքերը վրայ բե-  
րելով հարցրեց դատաւորը Յարութիւն աղային,  
որին նա վաղուց ճանաչում էր նրա տուած ստո-  
րութիւններ պարունակող անթիւ գանգափներով:

Յարութիւն աղան համարձակ կերպով, կոպիտ  
ու սխալ ուռսերէնով յայտնեց, թէ ինքը Սահակի  
ու Օսմանի հետ մի առաւօտ գնալիս է եղել Սուլ-  
տա, ճանապարհից նկատել է իւր — Մահմուդի չա-  
լիի միջից մի սպիտակ բան դուրս գալիս, երկու  
վկաներով հասել է այնտեղ և բռնել Մարկոսի  
ոչխարը, որի մասին վկայում են և Խիւղամի հո-

վիւները, որ նոյնպէս տեսել են, ինչպէս կանչել է  
հասկացողներ և վնասը կտրել տուել: — Ըստ օրինաց  
պահանջում եմ իմ երկու հազար մանէթ վնա-  
սըն, — իւր խօսքը վերջացրեց նա:

— Սահակ Պոտոզեան —, կանչեց դատաւորը:

Սահակը դուրս եկաւ: Գունդուկծիկ մարմ-  
նով կանգնեց դատաւորի առաջ և ապուշ կտրած  
հայեացքով նայեց նրա երեսին:

— Քո տեսածն ասա՛:

Սահակը մի անգամից կարծես դժուարու-  
թիւն էր զգում ասելու: Նա թուրք կուլ տուեց,  
աչքերը բացուխուփ անելով նայեց շուրջը, դատա-  
ւորին, որ կարծես ուզում էր ճանաչել, և հասկանալ  
թէ ինչ էր ասում իրեն: Նայեց, բայց գինու  
ազդեցութեան տակ ամեն ինչ խառնուեց նրա  
մէջ, և նա չկարողացաւ որոշել, թէ ինչ էր մը-  
տածում և ինչ պիտի անէր:

Յարութիւն աղան կողքից նայեց նրա երեսին  
և հազաց: Սահակը թարգմանի խօսքի վրայ յարեց.

— Գիշերն ը՛ր... Օսմանը... ես, Յարութիւն  
աղան գնում էինք Սուլտա. ճանապարհից տեսանք  
որ մի սպիտակ բան է դուրս գալիս Յարութիւն  
աղայի չալիի միջից. ձիերս քշեցինք, տեսանք, որ  
ը՛ր Մարկոսի ոչխարն էր:

Վկայութիւնը տալուց յետոյ նա նստեց Յա-  
րութիւն աղայի կողքին: Թէ ինչ խօսեցին այնու-  
հետե քիւրդ հովիւներն, ինչ խօսեցին Մարկոսն  
ու նրա հովիւներն՝ այդ բոլորը Սահակի համար

անհասկանալի մնացին: Նա բուրբուրովին անզգայացած՝ այլևս ոչ մի կիրք և ոչ մի տանջանք չէր զգում, որ իրեն ազդում կամ տանջում լինէին:

Նա այդ դրութեամբ նստած, ապշուածիւն արտայայտող աչքերով նայում էր դիմացն առանց որևէ հետաքրքրութեան, և երբեմն-երբեմն գլուխը քիչ ներքև խոնարհելով յօրանջում էր, երբ Յարութիւն աղան ասաց:

— Ոտքի ել:

Սահակն առանց հասկանալու, թէ բանն ինչումն է, կանգնեց:

Երբ ժողովուրդը խոնուեց և ցածր խօսակցութեան շշուկ բարձրացաւ դահլիճում, այն ժամանակ միայն Սահակն իմացաւ, որ արդէն դատը վերջացել էր:

— Իննք —, երեսին ուրախ ժպիտ խաղացնելով խօսեց Յարութիւն աղան —, վերջացաւ, տարանք:

Սահակն առանց ձայն հանելու մեքենայաբար հետևեց Յարութիւն աղային:

XVI.

Կեսօրն անցել էր:

Երկար ժամանակ անձրև չգալուց՝ երկիրը չորացել, ձեղքձրղբուել էր: Ախալքալաքից դէպի Կարգազ տանող ճանապարհը ծածկուել էր փոշիով ու կոշտերով:

Յարութիւն աղան իւր սովորական զուարճալի խօսակցութեամբ գիւղ էր վերադառնում Օսմանի հետ: Նրանց ետևից մի քանի քայլ հեռաւորութեամբ գնում էր Սահակը: Նա գլուխը խոնարհած կրճքին մտածում էր երազի նման անցնող իրականութեան մասին. Քանի մտածում էր նա, այնքան այդ եղելութիւնը նրան անհաւատալի էր թւում: Նա տակաւ առ տակաւ զգաստանալով՝ հետզհետէ զգում էր, թէ ինչ էր եղել այդ օրն և ինչ էր արել ինքը: Գիտակցութեան զօրեղանակուց ճնշում էր նա և յաղթահարում: Այդ տանջող դրութեան մէջ, երբ նա իրեն ձիու վրայ հազիւ պահելով երկիւղած հայացքն յառել էր գետին՝ յանկարծ ետևից լսեց սրարշաւ ձիու ոտների տրոփիւն, և շուտ գալով թամբի վրայ՝ տեսաւ Մարկոսին: Վերջինս նրանց հասնելուն պէս ձին կանգնեցրեց, վայր թռաւ նրա վրայից և գոռաց:

— Սպասեցէք:

Յարութիւն աղան և Օսմանը վայրկենաբար նայեցին իրար երեսին: Մարկոսի յանկարծ երևալը, նրա արիւնով լցուած կատաղի աչքերն, երեսի այլալուծած արտայայտութիւնը կատարելապէս շփոթեցրին, երկիւղ ազդեցին նրանց:

— Սպասեցէք —, կրկնեց Մարկոսն և հանելով գաշոյնը շարժեց օդի մէջ:

Յարութիւն աղան և Օսմանն երկիւղից ձգեցին ձիերի սանձերն և թեքուեցին դէպի ետ: Բո-

պէն վճռական էր: Օսմանը ձեռք տարաւ սրին և ուզեց յարձակուել Մարկոսի վրայ:

— Հեռու, չնչհաւատ թուրք, թէ չէ մունտառ արիւնդ էստեղ և եթ կթափեմ—, տեղում կանգնած մնալով խօսեց Մարկոսն և չոքեց գետին:

Յարութիւն աղան կատարելապէս վախեցած, այդ արիւնն աչքն առած մարդուց, մնաց միայն քարացած նայելիս:

Մարկոսը բաց արեց կուրծքը, դաշոյնի ծայրով փորեց գետինը, բռեց հողը և նայելով դէպի երկինք խօսեց—, հէյ, արդարադատ Աստուած, Քեզ եմ թողնում անարդար մարդու և նրա սուտ վկաների դատաստանը: Դու գիտես—, և երեք անգամ հողը ձգեց դէպի երկինք: Հողն օդում ցրրիւ գալով թափուեց նրանց երեքի և Սահակի գլխին:

Այդ այնքան արագ և այնքան ազդու կատարուեց, որ Յարութիւն աղան չնկատեց, թէ ինչպէս վեր կացաւ Մարկոսն, ինչպէս մօտեցաւ ձիուն, որ ճանապարհից քիչ հեռու կանգնած, դուռնը գետնին երկարացրած՝ փակում էր և աչքերի տակով իւր տիրոջը նայում: Մարկոսը թռաւ ձիու վրայ, դաշոյնը շողացրեց արևի գլխաց և դէպի երկինք նայելով խօսեց.—Նրան եմ թողնում, նրան. նա թող դատաստան անէ—, և մտրակեց երկվարին:

Սահակի մէջ վայրկենաբար ամեն ինչ տակն

ու վրայ եղաւ. Մարկոսի այլայլուած դէմքը, լուսահատական, արդար զայրոյթից բղխած խօսքերն, անէծքը սարսափեցրին նրան: Հողի մասնիկները, որ վերևից ընկան նրա գլխին սև երեսին՝ կարծես ելկնքից թափուող կարկուտ, կայծակ լինէին:

Գինու ազդեցութիւնը ընդհատեց վերացաւ այդ անէծքից, որպէս վերանում է նա արբած լանցաւորի միջից մահուան դատավճիռը լսելիս: Այդ ընդհատ նա ազատ կերպով խօսել էր ուզում, բայց թուլացած մարմինը չէր հնազանդում նրան: Իներքուստ և արտաքուստ կարծես նա կապուած կաշկանդուած լինէր: Նա կուչ եկաւ թամբի վրայ, ամուր բռնեց ղաշից և աչքերը փակեց:

Խելօք երիվարն երկու անգամ վեր ցնցեց գլուխն և հետևեց իւր ընկերներին:

Կէս ճանապարհին Օսմանը բաժանուեց:

Երբ գիւղ հասան՝ Յարութիւն աղան պառկեց հանգստանալու, իսկ Սահակը գնաց տուն:

Նա բակում ոչոքի չպատահեց. և չէր էլ ուզում որ մէկը տեսնէր իրեն, հետք խօսէր: Ինչ որ ծանր երկիւղ զգալով իւր սրտում, նա լուռ մտուզումի օդէն, նստեց սաղրի վրայ և գլուխը խոնարհելով կրծքին ընկղմեց մտածմունքի մէջ: Նա մրտածում էր այդ օրուայ եղելութիւնների մասին. և քանի շատ էր մտածում՝ այնքան նրան տանջող էր դառնում տեղի ունեցած իրականութիւնը: Երազ, սպանիչ զանդաղութեամբ անցնող երազ էր թւում այդ օրը նրան: Մտածելիս երբեմն-եր-

բեմն նա, նայում էր դէպի գոմի դուռը, թէ արդեօք մէկը չէ ներս մտնում և տեսնում իրեն: Այդ ըոպէ նա այնպիսի մեծ ամօթ էր զգում իւր արածի համար և այդ արածով այնքան մեղապարտ էր համարում իրեն, որ իւր անձն, իւր գոյութիւնը մի սարսափելի ատելի բան էին ներկայանում իրեն: Այդ ըոպէ նա իբրևոր սրտէ ցանկանում էր ջախջախուել, ոչնչանալ, գետնի տակը անհետ կորչել, որ գոյութիւն չունենար և ոչոք նրան չտեսնէր, նրա մասին ոչինչ չգիտենար, ոչինչ չխօսէր:

Նրա աչքի առաջ շարունակ պատկերանում էր Մարկոսը, որ խնդրում, աղերսում, համոզում էր, հող էր ձգում գլխին և անիծում էր. ահա հողը կարծես դեռ թափւում է նրա գլխին... «Ի՞նչ արի ես...». քթի տակ հազիւ արտասանեց նա: Հոգեկան ծանր յուզմունքից նրա վրայով մի տենդային սարսուռ անցաւ: Նա գլուխն ամուր սեղմեց երկու ձեռներին մէջ և արմուկները դրեց ծնկների վրայ: Այդ դրութեան մէջ ինչ որ խուլ ձայներ լսուեցին: Նա այդ ձայներից վախեցած գլուխը դողալով վեր բարձրացրեց և տեսաւ, որ գոմը մի ակնթարթում յանկարծ լուսաւորուեց: Այդ երևութից սաստիկ վախեցած նա բարձր ձայնով ճչաց և ուզում էր դուրս փախչել, երբ դուռն մօտ տեսաւ մի պատկեր, որից այդ լոյսը տարածւում էր գոմի մէջ: Սահակը սարսափից վրուռուեց գետնին և երեսը դարձրեց միւս կողմը:

Պատկերը օդի մէջ ձայն հանելով թափ անցաւ. միւս կողմն և աչքերի զարհուրելի արտայայտութեամբ կանգնեց նրա դիմաց: Յանկարծ չքացաւ լոյսն և տիրեց թանձր խաւար: Նա չորս կողմը նայեց, տեսաւ, որ ոչոք չկար: «Ի՞նչ էր սա», լեղապատառ եղած հազիւ շշնջաց նա, և մեռելի գոյն ստացած, ձեռներն ու ոտները կարծես հաշմացած, ցնցուելով դառաւ դէպի դուռն և պատերը բռնելով հազիւ կարողացաւ դուրս փախչել. ճանապարհին մի քանի անգամ պատէպատ դիպչելով և վայր ընկնելով նա հազիւ կարողացաւ տուն հասնել և նստեց թնդրափի վրայ: Սրտի սաստիկ քաբախելուց, ջղերի ցնցումներից նրա կուչ եկած մարմինը արագ-արագ բարձրանում էր և ցածանում:

— Էս ի՞նչ է երեսիդ գոյնը, վնւյ, ի՞նչ է եղել, քուռանամ ես, հիւանդ հօ չե՞ս—, ներս մտնելով վախեցած խօսեց Սարվին:

Աշխատելով կնոջ մօտ իրեն արիացնել՝ Սահակն ուղղուեց տեղում և ճնշուած կոկորդով ասաց,— ոչինչ չկայ:

— Ինչպէս թէ. . . Վնւյ, հողն իմ գլխիս, քաղաք գնացիր, ետրաբ ի՞նչ պատահեցաւ, տեղ ձրգեմ, քիչ պառկիր, հանգստացիր: Գնամ տէր-տէրանց տանից քիչ չայ ու շաքար ուղեմ, բերեմ չայ եփեմ խմիր, քրտնիր, տնցնի:

— Ձէ, ոչինչ հարկաւոր չէ, լաւ եմ. մէկ դուրս գնամ... ծանր շունչ քաշելով և քաղաք բառի

տպաւորութիւնից նորից տանջուելով խօսեց նա և տեղում մի անհասգիստ շարժում գործեց, ինքն էլ չիմանալով, թէ ո՛ւր էր գնալու:

-- Այվանը պիտի գնաս:

— Այվանը —, կրկնեց Սահակն և սրտում մի դառն նողկանք զգաց դէպի այդ շինութիւնը, որ այդ բոպէ սարսափեցնող տպաւորութիւն գործեց նրա վրայ: Օ՛հ մի ջուր տուր. սիրտս սաստիկ այրւում է:

Սալվին մօտեցրեց թասով ջուրը, ձեռը դրեց նրա լայրձիւն ճակատին, որի վրայ գնդասեղի դըլխի նման դուրս էին ծորել սառն քրտնքի մանր կաթիլները: Սահակը ջուրը խմելուց յետոյ գլուխը վերև բարձրացրեց և նայեց տան ձեղունին, որի գերանների վրայ խաղում էն արևի թեք ընկած ձառագայթները:

Սալվին տեսնելով նրա գունատուած դէմքն, ապուշ դարձած հայեացքը, փոս ընկած աչքերը՝ ծանր հառաչեց և երեսն ետ դարձնելով՝ սրբեց աչքերում փալլոյ արփատուքը:

Սահակի աչքերի միջով մի կենդանութեան շարժում անցաւ և նա նստած տեղից յանկարծ ոտի կանգնեց: Նրա դէմքի արտայայտութիւնը մի ակնթարթում փոխուեց և վայրկեանաբար հոգումէջ ամեն ինչ կարծես լեղաշրջուեց:

— Ե՛տ եմ կենալու, ետ —, աչքերը լայն բաց անելով խօսեց նա և տեղում շարժուեցաւ, — վազն և եթ կգնամ դատարան, կասեմ, ինչ որ գիտեմ:

— Վ՛նւյ, ի՛նչ է՞ խօսում Աստուած ջան. սրան խօսեցնում են...

— Բայց, առաջ կգնամ իրեն Յարութիւն աղային կասեմ. յետոյ Սարկոսին, յետոյ ամենքին: Եղաւ, եղաւ, կանեմ —: Այդ բոպէ նրա աչքերը վառւում էին. նա կարծես տենդի մէջ լինէր:

— Ի՛նչ է, այ մարդ, ո՛ւմ հետ ես խօսում, վ՛նւյ, քուանսմ ես, սա ո՛ւմ հետ է խօսում —, տրորուելով ծնկանը խփեց Սալվին:

Սահակը մի քանի վայրկեան անթարթ նայելով ամուսնու երեսին, կարծես աշխոյժի եկաւ, կանգնեց ոտքի և հաստատ քայլերով շարժուեց դէպի դուռը:

— Սա ո՛ւր է գնում... Ո՛ւր ես գնում, այ մարդ —, խօսքը նրան ուղղելով դէպի դուռը գնաց Սալվին:

— Գնում եմ այվան —, խրոխտ ձայնով կրկնեց Սահակը:

— Ի՛նչ հաւար է հիմայ այվանը. հիւանդ ես, արի՛ տեղ գցեմ պառկիր: Հանգստացիր:

— Զէ, գնալու եմ:

— Ի՛նչ մի շտապով բան կայ, որ... կէս համոզեցուցիչ կէս ստիպողական ձայնով խօսեց Սալվին և ուզեց նրան խանդարել:

— Շտապով է, ապա, թո՛ղ —, նրա վրայ գոռաց Սահակն և ելաւ դուռս:

Շուտ կգնաս, տեղդ պատրաստեմ:

— Կգամ —, ձայնեց Սահակը, որ արդէն անցել էր փողոցի միւս կողմը:

Սալվին ձեռը ծոցումը մնաց նրա ետեւից նայելիս: Այդ ըստէ ինչ որ անհասկանալի բան կարծես ստիպում էր նրան գնալ ամուսնու ետեւից, բռնել, ետ դարձնել նրան, չթողնել հեռանալու, բայց Սահակն արդէն չէր երևում:

XVII.

Փողոցներում մարդիկ չէին երևում: Մի քանի մանուկներ կտուրներում հողերի վրայ տարածուած մանր քարերից փոքրիկ տներ էին շինում տունտուրիկ էին խաղում: Սահակը գնում էր գողտագողի կերպով նայելով չորս կողմը, կարծես չէր ուզում, որ իրեն տեսնող լինէր. նրա մըտքի ու հոգու մէջ ամեն բան յեղաշրջուել էր:

Գնալիս նա մտածում էր, թէ ինչպէս գնայ Յարութիւն աղայի մօտ, ինչպէս սկսի խօսակցութիւնն և ինչպէս յայտնի մտածածը, որոշածը: Նրա շիտթուած ու զեղի մէջ մտքերը հեռոյհեռէ սկըտում էին հանդարտել, հանգչիլ որոշ կէտերի վերայ: Բայց յանկարծ ինչ-որ մութ երկիւղ տիրապետեց, կաշկանդեց նրան: Նա կանգնեց աւելի լաւ մտածելու, խորհելու: — Ե՛հ —, գլուխը վեր բարձրացնելով արտասանեց նա, — կգնամ, ուղղակի կասեմ: Ի՞նչ պիտի անի. պիտի սպառնան, պիտի վնասի... ես կասեմ որ Մայր-Առտուածածինն է

ինձ հրամայում... չեմ կարող. բարաթը կուզի՛ բարաթը կտամ. տուածը կուզի՛ ետ կտամ. Բնչ պէտք է անի: Կգնամ, այո՛, կգնամ —: Այդ խորհրդագածութեան մէջ ընկղմած նա գլուխը վեր բարձրացրեց և նայեց դէպի այվանը: Այդ շինութիւնը յանկարծ նրա վրայ այնպիսի մի ահարկու սարսափ ազդեց, որ նա ցնցուեց. նա զգաց, թէ որքան ծանր էր այդ շինութեան մէջ կատարելիք գործը և որքան մեծ: Նրա վրայով մի սարսուռ անցաւ և նրան նորից տիրեց անհամարձակութիւն:

— Այս որ ասում եմ, յետո՛յ—, գետնին նայելով և դէպի մի կողմ քաշուելով, ձեռները զըրպանը դրած շնչաց նա, — չէ՛ որ բոլոր տունստեղս կքանդի, աւերակ կդարձնի. մանրուխոշորըս աւուր հացի կարօտ ու մերկ կըթողնի... Ի՞նչ անեմ, Աստուած իմ... Նրա մտքերը նորից խառնուեցին և նորից նա ընկաւ տանջուող ու տատանուող դրութեան մէջ. նա ձեռը դրեց ճակատին և մնաց կանգնած: — Ի՞նչ պիտի անի—, մտած մունքի մէջ կարծես մի բան գտնելով յանկարծ դուրս թռաւ նրա շրթունքներից. — Ինչ ուզում է լինի. պիտի չարչարի, տանջի, սպանի՛ ես պատրաստ եմ. սպանուելուց էլ հօ աւելի սարսափելի բան չկայ: Կմեռնիմ, այս բանը չեմ տանի. այո՛, չեմ տանի:

Այդ ժամանակ փողոցի ծայրից լսուեց ձիու ոտի տրոփիւն, որից նա զգաստացած ետ նայեց և տե-

սաւ Մարկոսին: Նրան տեսներուն պէս Սահակի վրայով մի ցուրտ սարսուռ անցաւ, որ փոխուեց վախի:

— Մարկոս ջան —, զէպի նրան գնալով հազիւ խօսեց նա և բռնեց նրա շորից:

Մարկոսը զզուանքով նայեց նրա երեսին և նոթերը վրայ բերելով աչքերը չռեց:

— Մարկոս ջան, կ'աց... բան եմ ասելու:

— Ի՞նչ է... անհոգի, անաստուած. տունս քանդեցիր, դեռ էլի...

— Ա՛խ. ինչ ասեմ... մէկ կ'աց Մարկոս ջան, տես ինչ եմ ասում —, ճնշուած ձայնով նրան ընդհատեց Սահակը:

— Էլ ի՞նչ ասելու բան մնաց. ինչ որ ունէիր ասելու՝ դու էնտեղ պէտք է ասէիր. հիմայ զնա՞ քո աւազակ աղայիդ ասն, որի համար սուտ վկայելով տունս աւերեցիր, զնա...

— Մարկոս ջան, իմացիր, թէ ինչ եմ ասում. ա՛խ... իմացիր ինչ եմ ասում, յետոյ էլի նեղացիր, էլի խփիր. ես մեղաւոր եմ, ես, ես, ես... լեզուն բռնուելով կրկնեց նա:

Մարկոսը լսելով Սահակի պաղատալից խօսքերը, նրա զէմքի բարի և տանջուած արտայայտութիւնը՝ մեղմեցաւ, կատաղութիւնը զսպեց և խօսեց. — նոր ես ասում «մեղաւոր եմ». ինչո՞ւ չըլսեցիր էնքան աղաչանքս, պաղատանքս:

— Ես էլ զրա համար եմ ուզում խօսիլ. մէկ

իջիր ձիուցդ Մարկոս ջան, մէկ իջիր, ինչ լսի՞ր. ազատիր ինչ էս կրակից, ես մեռած եմ..

Մարկոսն իջաւ ձիուց և կանգնեց Նրա առջև:

— Ես փոշմանել եմ .. արածիս համար տանջուում եմ, կենդանի այրուում եմ. ես չեմ կարող տանել սուտ վկայութիւնս. չեմ կարող տեսնել օջաղիդ աւերուելը: Ես... որոշել եմ ետ կենալ արածիցս... ես...

— Ի՞նչ ասացիր, ինչպէս —, յանկարծ ուրախացած աղաղակեց Մարկոսը, որին Սահակի խօսքերը կարծես անհաւատալի էին թւում:

— Ես որոշել եմ վաղն և եթ զնալ դատարան ասել, որ ցուցումս փոխեն. սուտ եմ վկայել, խաբել են, արբած ժամանակս եմ ասել:

— Ի՞նչ ես ասում —, բարուլթեամբ Սահակի երեսին նայելով խօսեց Մարկոսը, որի մէջ զէպի Սահակն եղած ատելութիւնն արդէն վերացել էր և փոխուել մի տեսակ սիրոյ, համակրանքի:

— Ձէ, եղբայր, մարդուս խօսքը որտեղից դուրս է գալիս, հոգին էլ էնտեղից է դուրս գալու. թո՛ղ իմ օջաղս աւերուի, քան պատճառ լինիմ ուրիշի օջաղն աւերուելուն:

— Ուղի՞ղ ես ասում, Սահակ ջան, չե՞ս խաբում —, ուրախութիւնը սաստկացած հարցրեց Մարկոսը:

— Էն երկնքի գետնի Ստեղծողը վկայ, սուտ չեմ ասում, չեմ խաբում. վաղն և եթ զնալու եմ

դատարան, ամեն ինչ դատաւորին ասելու եմ.  
Ինչ ուզում է լինի:

— Սահակ ջան, իմ կէս-աստուածս, իմ ազատարարս. էլ ինչ ասեմ, ինչպէս-ինչպէս շնորհակալ լինիմ. էլ ինչ լաւութիւն կ'լինի...

Սահակը քիչ էր մնում այդ բոլոր յայտնէր, թէ ինչո՞ւ էր ինքը սուտ վկայ եղել, ինչ կար, բայց աւելի ամաչելուց, քան անհամարձակութիւնից զսպեց իրեն և գլուխը կախեց ցած: Նրա երեսը վայրկենաբար կարմրեց:

— Սահակ ջան, ես քո Ստեղծողիդ մատաղ—, խօսեց Մարկոսն և շրթունքները հպեց նրա շրթթունքներին: Նրա աչքերից ուրախութեան արտասունքի երկու կաթիլ գլորուեցան Սահակի երեսին:

— Անհոգ կայ, Մարկոս ջան, խօսք տուի՛ կանեմ:

— Ե՛, երեկոյեան արի խօսինք, մի լաւ խորհուրդ անենք:

— Կգամ, կգամ—, մեքենայաբար կրկնեց Սահակն և նրանք բաժանուեցան:

Սահակը գնաց այվանը:

Յարութիւն աղան փափուկ անկողնում պատկած դեռ խումփացնում էր: Ինի խղաղութեան մէջ նա երազում էր օրուայ եղելութիւնը, աշողութիւնը. և ահա վերջին յաղթանակը, նպատա-

կին հասնելը.— ամառային տաք օր է. Գէօզդադ սարի գլխին արածում է Մարկոսի հօար, դատական պրիստաւն եասաուլներ ու մի քանի ուրիշ անձնաւորութիւններ հետն առած բարձրանում է այդ սարով: Ահա հասնում են ոչխարին: Դատական պրիստաւն սկսում է վեր գրել ամբողջ հօար: Մարկոսը խելակորոյս, արտասուենքն աչքերին, ծըխի կծու քուլաներն ագահութեամբ կուլ տալով, յուսահատ դրութեամբ ետ ու առաջ է գնում: Ահա Թագանն իւր մանր որդիներով սկսել է լալ, աղաչել... «Ձի լինի», լսում է սենեակի խղաղութեան մէջ, «գրի՛ր, վեր գրի՛ր»: Ահա Մարկոսը մօտենում է, կնոջը թեւիցը քաշում, նախատում: Որդիքը լաց ու աղաղակ են բարձրացնում: Մարկոսի հովիւները կզակները գետնին երկարացրած մահակների ծայրերին դրած՝ յուսահատ արտայայտութեամբ նայում են դատական պրիստաւի շարժուող, գրող ձեռին, խորը հառաչներ են արձակում: Ահա եասաուլներն իրենց յատուկ անգթութեամբ հաւաքում են ոչխարն և համարում: Դատական պրիստաւն առաջարկում է լետաձգել: «Ձի կարելի», նորից լսում է քնածի շրթունքներից: Ահա Թագանը նորից մօտենում է ոչխարներին, փարւում է նրանց վզով, համբուրում նրանց աչքերն և արտասուք թափելով հրաժեշտի ողջոյն տալիս. նրան հեռւում են մանուկները. նրանցից ամեն մինը մի ոչխարի մօտենալով գրկում է նրա

վիզն և աշխատում թևերի մէջ պահէլ: Բոլորը տխուր են: Գատական պրիստաւը գրում է...

— «Անօրէն, ահա քո պատիժդ», լանկարծ նրա վրայ յարձակուելով գոռում է Մարկոսն և դաշույնը խրում սիրտը: «Ե՛յ, է՛յ», բղաւում է նա և վեր թռչում:

— Օ՛հ... անօրէն, ինչպէս վախեցայ... Բայց ինչ լաւ երազ էր... է՛յ, Հազրօ — տեղում ուղղուելով կանչեց նա և կանգնեց ոտքի, ապա կուչ բերած ցուցամատերով տրորեց աչքերն և հազաւ սենեակի մուճակները:

Հազրօն ներս բերեց քլթ քլթացող հեշտանուն և վառեց լամբօրը:

Յարութիւն աղան շուացուեց, թրջուած երեսսրբէջը կախեց պատից իւր տեղում, սանրուեց, գնաց պատշգամբ և նստեց փոքրիկ սեղանի մօտ, որի վրայ դրած էր մի բաժակ թէյ: Նա հրամայեց Հազրօին Սահակին ասել, որ գնայ նոր հընձած խոտերին նայի և տեղեկութիւն բերի, թէ էլի քանի նոր դէզ է դրած:

XVIII.

Գիշերային խաղաղութեան մէջ սենեակում միայնակ ման էր դալիս Յարութիւն աղան: Նրա հանդարտ քայլերի ձայնը հազիւ էր լսում տիրող լուսութեան մէջ: Սենեակի յատակը կամաց գողգողում էր նրա ոտները տակ:

Օրուայ աջողութիւնից նրա դէմքին մերթ վալլում էր խորհրդածութիւն, մերթ՝ ուրախութիւն: Գիշերից բաւական անցել էր, որ դաշտից վերադարձաւ Սահակը: Սյգքան ու շանալուց լետոյ նրա այլան վերադառնալը Յարութիւն աղային փոքր ինչ տարօրինակ թուաց, և նա հարցրեց. — խոտերին աչեցիր. ինչո՞ւ էլ տուն չգնացիր: Ասենք, հա, ինչ լաւ եկար. Հազրօն տեղ գնաց, գուցէ ուշանայ. այլանում մարդ չկայ:

— Այո՛, նայեցի: Քեզ բան ունիմ ասելու՝ եկայ —, հազիւ համարձակուելով պատասխանեց Սահակը:

— Ի՞նչ բան —, նրա այլայլուած դէմքին նայելով հարցրեց Յարութիւն աղան.

— Հարկաւոր բան է —, դեռ անհամարձակութեամբ տիրապետուած արտասանեց Սահակը:

Յարութիւն աղան նորից նրա երեսին խորհրդաւոր հայացք ձգելով մի քանի վայրկեան ընկղմեց մտածմունքի մէջ և ապա խօսեց. — Ի՞նչ է, աստ տեսնենք:

— Աղա՛ —, սիրտը քաշելով արտասանեց Սահակը:

— Ի՞նչ կայ, որ քաշոււմ ես, աստ՛, էլի:

— Աղա —, ճնշուած ձայնով խօսեց Սահակն —, էս րուայ արածիս համար... Ը՛ր՛... խիղճս տանջում է. եկել եմ քեզ ասելու, որ... և չկարողանալով շարունակել՝ լռեց:

— Որ ի՞նչ —, նրա խօսքերից մի բան կասկածելով հարցրեց Յարութիւն աղան:

— Մարդուս խօսքը որտեղից որ դուրս է գալիս, էնտեղից էլ հոգին է դուրս գալու —, սիրտը քաշելով շարունակեց նա. — ճշմարտութիւնը լաւ է:

— Ինչ է որ —, սրտում կասկածն աւելանալով նորից հարցրեց Յարութիւն աղան:

— Ես... ես... երկիւղից տատանուելով հազիւ խօսեց Սահակը, — վաղը գնալու եմ դատարան, գետնին նայելով շարունակեց նա, — ցուցումս ետ...

— Ի՞նչ ես ասում —, չսպասելով նրա խօսքին սկսեց երկիւղով խօսեց Յարութիւն աղան —. գրեթէ կէտ է, ի՞նչ է, թէ հանաք ես անում...

— Ձէ, աղա, ինչպէս կ'համարձակուիմ քեզ հետ հանաք անել. ես եկայ առաջուց քեզ ճշմարիտ կերպով իմաց տալու:

Յարութիւն աղային տիրապետող երկիւղը, որ նա գեռ աշխատում էր ցոյց չտալ, փոխուեց սարսափի: Նա հայեացքը չհեռացնելով Սահակի երեսից՝ խորասուզուեց մտածմունքի մէջ, տեսնելով, որ Սահակի հաստատակամութիւն լայտնող խօսքերից ինչ որ վատ հոտ էր փչում: Այդ դրութեան մէջ նա մի երկու անգամ շփեց ճակատն, և երեսին ժպիտ խաղացնելով խօսեց. — նստիր տեսնենք ի՞նչ է պատահել:

— Ոչինչ չէ պատահել —, նրա դիմաց նստելով խօսեց Սահակը, — խիղճս սաստիկ տանջում է ինձ, որ երգուելով հաստատ չտեսած բանիս սուտ վկայ եմ եղել, ես —, սիրտը՝ նորից քաշելով շա-

րունակեց նա, — չեմ կարող Աստու անունով խաբելով մէկի օջաղն աւերուելու պատճառ դառնալ:

Յարութիւն աղան պարզ տեսնում էր, որ մի մեծ վտանգ էր սպառնում իրեն այդ մարդը, վրտանգ՝ որից դուրս գալը ոչ միայն դժուար, այլ և անհնար էր լինելու: Սպառնացող վտանգից երկիւղը նրա սրտում հետզհետէ սաստկանում էր: Նա մտածեց հանգստութեամբ վերաբերուել գործին և հարցրեց:

— Ի՞նչպէս չես տեսել. ապա էն Մարկոսի ոչ խարը չէր, որ սարի գլխից տեսանք:

— Չգիտեմ, ոչխար տեսել եմ, բայց չգիտեմ սո՞ւմ ոչխարն էր. գուցէ...

— Ի՞նչ գուցէ:

— Գուցէ Խիւղամի ոչխարն է եղել:

— Ինչպէս թէ Խիւղամի —, նեղացած վրայ բերեց Յարութիւն աղան. — ապա Օսմանը, Խիւղամի հովիւները սո՞ւտ են ասում:

— Չգիտեմ. միայն էս կայ, որ ես իմ աչքովս հաստատ չեմ տեսել. ուստի, ուստի —, արիանալով կրկնեց Սահակը, — սուտ վկայ չեմ կարող լինել:

Յարութիւն աղան տեսնում էր, որ ինքն երկիւղից ճնշոււմ է, վերկացաւ տեղից և աչքերում պատիր ժպիտ խաղացնելով մօտեցաւ նորան:

— Խաբել են քեզ, Սահակ ջան, խաբել. դու ինձ մտիկ արա՛, լաւ է, որ ինձ առաջուց տասցիր թէ չէ նրանք գլխիդ մի փորձանք կրեբէին:

— Ի՞նչ փորձանք —, արեացած հարցրեց Սահակը։  
Ուզե՞նալով գործ զնեւ իւր բոլոր միջոցները  
զանազան երկիւղներով, թէ խաբուսիկ ճար-  
տար լեզուով, առաջարկութիւններով՝ Յարութիւն  
աղան ասաց։— Որ զնա՞ս դատարան էդ բանն ասես,  
որ քեզ Սիբիր քշել տան, կորցնեն։ Սրէնքն եր-  
դումով ցուցումը փոխողին գիտէս ինչ կանէ։

— Ինչ էլ որ լինի, ես ետ եմ կենալու. միայն  
թէ էս ծանր բանը սրտիցս հեռանայ։

Այդ խօսքերի վրայ երկիւղը կատարելապէս  
տիրեց Յարութիւն աղային։ Նա արգէն բոլորովին  
վախենում էր այդ գունդուկծիկ մարդուց, նրա  
համարձակ ասած խօսքերից, յայտնած որոշումից։  
Ամեն բան մոռացած՝ նա մտածում էր, թէ ինչ  
հնար, ինչ միջոց գործ զնէր, որ համոզէր, խաբէր  
այդ մարդուն, կորուստ սպառնացող վտանգի առա-  
ջըն առնէր։

— Սահակ ջան —, քաղցր ձայնով խօսեց նա, —  
նրածք խաբել են, ուզենալով քեզ էլ վնասել, ինձ  
էլ, լու մտածիր։ Ի՞նձ լսիր. ես քեզ ինչ որ  
կասեմ, գիտցիր՝ որ քո լաւն եմ կամենում։ Ինչ  
որ մտածել ես...

— Ոչ —, դրական կերպով նրա խօսքը կտրեց  
Սահակը, — չեմ կարող։

Այդ պատասխանի վրայ Յարութիւն աղան  
մնաց բոլորովին շուարած։

— Սահակ ջան —, նրա ձեռը բռնելով երե-  
սին ժպիտ խաղացրեց Յարութիւն աղան, — լսիր,

ինչ եմ ասում քեզ. ինչքան որ լաւութիւն չեմ  
արել՝ նրա պէս էլի տասն անեմ. ինչ ես ուզում  
ասա ինձ, էս բոլորիս տամ, Աստուծաւ անուհով քեզ  
հաստատ խօսք եմ տալիս, բոլոր ունեցածս քեզ  
լինի, մի անիր։

— Ո՛չ մի բան չեմ ուզում —, կտրուկ կեր-  
պով վրայ բերեց Սահակն և գլուխը շարժեց։

— Սպա ինչ —, սրտում զայրոյթն աւելանա-  
լով նեղացած խօսեց Յարութիւն աղան, և բար-  
կութիւն արտայայտող աչքերով նայեց նրա երե-  
սին. — ապա ինչ ես ուզում, ասա՛ տեսնենք. ես  
քո երեխան եմ, ինչ է, որ խողացնում ես։

— Ոչինչ չեմ ուզում —, նոյն հանգստու-  
թեամբ կրկնեց Սահակը։

Յարութիւն աղայի մէջ երևան եկած զայ-  
րոյթը վայրկենաբար փոխուեց կատաղութեան։ Նա  
նեղացած և բարկացած այն բանից, որ չի կարո-  
ղանում համոզել, խօսք հասկացնել նրան, հետըզ-  
հետէ կրքոտող աչքերով նայում էր Սահակի երե-  
սին և մի բոլոր ուզում էր յարձակուել, ոչնչաց-  
նել այդ փոքրիկ ողորմելի մարդուն, որ իրեն  
այդպիսի ընդգրիմութիւն և հաստատամտութիւն  
էր ցոյց տալիս —, սարսափելի վտանգ սպառնում  
իւր չնչին գոյութեամբ։

— Ի՞նչպէս թէ չես —, կատաղի աչքերով նրա  
երեսին նայելով յանկարծ գոռաց նա. — եթէ էդ-  
պէս էր, ապա ինչո՞ւ էն գլխից վկայ էիր գոռ-  
նում. քեզ ո՞վ աղաչեց։

— Ի՞նչ —, նրա հայեացքից սարսափելով խօսեց Սահակն. — այնժամանակ չգիտէի՛ վկայ էի լինում, իսկ այժմ գիտեմ ետ եմ կենում:

— Որ խաբեբայութեամբ բարաթդ առնէիր պատռէիր, հո՛, որ ինձանից էնքան լաւութիւններ տեսնէիր... գիտե՞ս ետ քեզ ինչ կանեմ:

— Բարաթդ առա՛յ, պատռեցի, նոր բարաթ կտամ. տուած հացիդ նոյնպէս բարաթ կտամ... Բնչու ես...:

— Ի՞նչպէս թէ «ինչու». զեռ իմ զէմ հա Գարձակում ես խօսել, ես քեզ Սիբիր քշել կտամ... տունդ ու տեղդ մոխիր կցանեմ... ճանաչո՛ւմ ես ինձ, ես ո՞վ եմ:

— Ինչո՞ւ ես նեղանում —, նրա բարկութիւնից ճնշուած հազիւ խօսեց Սահակը, — որ չեմ կարող, որ ..

— Ի՞նչ չես կարող... ապա ինձ վնասել կարո՞ղ ես. ես քեզ կապանեմ. ինձ Յարութիւն աղա եմ ասում:

— Չեմ կարող, ուզո՛ւմ ես սպանիր. ես կանգնած եմ —, գորմանալի յամառ հաստատակամութեամբ ասաց Սահակը. թւում էր, թէ նա մինչև անգամ ամենևին չէր վախենում իւր առաջ կանգնած այդ կատաղի մարդուց, որ այդ բոպէին պատրաստ էր անխնայ յարձակուել նրա վրայ և պատառ պատառ անել:

Յարութիւն աղայի ճակատին հետզհետէ առաջանում էին կնճիւռներ, որոց մէջ դուրս էին

ծորում քրտնքի մանր մասնիկները: Կապուտկած զէմքը արտայայտում էր զարհուրանք և գաղանութիւն: Բարկութիւնից նա արագ-արագ շնչում էր, որից նրա քթածակերը շուտ-շուտ մեծանում էին և փոքրանում: Այդ սարսափացնող դրութեամբ նա կանգնած էր Սահակի դիմաց և նայում էր նրա երեսին:

— Իմ ամեն լաւութիւններս ոտի տակ տաս, էն գլխից խօսք տաս, գործը վճուուի և այժմ էլ ասես, թէ չեմ ուզո՛ւմ, որ ինձ կորցնէս... ես քեզ շան սատակ կանեմ. շան սատակ —, նորից ճչաց Յարութիւն աղան և յարձակուեց նրա վրայ:

Սահակը կուչ եկաւ, բայց Յարութիւն աղան բռնեց նրա կոկորդից. — չէս, հո՛, չէս... ասա, շուտ թողնելո՛ւ ես թէ չէ...:

— Աղղղայ աղ՛ղղ՛ —, սեղմուած կոկորդի միջից արտասանեց Սահակը, որի զէմքն արդէն կապուտկել էր և արիւնով լցուած աչքերը դուրս էին եկել բներից:

— Ի՞նչ աղա, հիմայ խանչալս փորդ կկոխեմ, ասա՛, չէս:

Սահակի շունչը կտրուել էր և զէմքը բոլորովին կապուտկել, նա անզօր էր խօսելու:

— Ասա՛, ա՛յ, խեղդելո՛ւ եմ, ետ չէս կենալու:

— Չէ —, ետ ցնցուելով և կոկորդը նրա ձեռից ազատելով ճչաց Սահակն, — Բնչ, ուզում ես սպանել, կանգնած եմ. ես միայն իմ Աստծուցս եմ վախենում —, հեալով աւելացրեց նա:

Սահակի աչքերը դեռ լիքն էին արիւնով. նրա բերանից—քթից վազում էր թուրք, փրփուր: Նա կարմրած երեսով կանգնած էր պատի մօտ և բոլոր մարմնով ցնցւում էր:

—Տօ, անօթի, համ իմ լաւութիւնս վայելես, համ էլ իմ վրայ գողանս. էս ըոպէիս ըիվնլորս ջանիդ կքաշեմ,—կատաղութեամբ գողաց Յարութիւն աղան և ձեռը տարաւ ատրճանակին:

—Կանգնած եմ, սպանիր: Ա՛յ, նա՛, նա՛, ամեն բան տեսնում է—բարձր ձայնով կրկնեց Սահակն և ձեռը բարձրացրեց դէպի վեր:

—Ես քեզ կտոր-բրդուճ կանեմ, անօթի շուն—, նորից ճչաց նրա վրայ Յարութիւն աղան և դուրս քաշեց դաշոյնը:

—Կանգնած եմ կանգնած. խփիր, ես չեմ կարող Աստծու անունով խաբել—, սաստիկ զայրացած ոտը գետին խփելով բղաւեց Սահակն և շարժուեց առաջ:

Յարութիւն աղան մերկացած դաշոյնը բռնած երկու քայլ առաջ վազեց, ձեռը բարձրացրեց, բայց յանկարծ կանգ առնելով դաշոյնը մի կողմ շարժեց:

Նրանք տեղերում կանգնած մի քանի վայրկեան մնացին իրար երեսի նայելիս: Դեռ ցնցւում ու արագ-արագ շնչում էր Սահակը, որի երեսի գոյնը լամբարի լոյսի առջև յուզմունքից՝ բոլորովին գնացել էր: Կողում էր և Յարութիւն աղան, որ կատաղութիւնից աչքերը չռած, արագութեամբ

շնչում էր, որից բարձրանում և ցածանում էին նրա ուսերը:

Նա երեսն ետ դարձրեց, երկու սնգամ արագ-արագ անցաւ սենեակի երկարութեամբ և գլուխը պտտեցնելով քթի տակ ինքն իրեն ինչոր մրմռաց:

Սահակը նոյն դրութեամբ դեռ կանգնած էր տեղում և նայում էր նրան: Նրա մէջ կատաղութիւնը քանի գնում աւելանում էր դէպի Յարութիւն աղան:

Յարութիւն աղան մօտեցաւ սեղանին, ձեռը դրեց ճակատին և խորը հառաչ հանելով ընկաւ մտածման մէջ: Նա պարզ տեսնում էր, որ զանազան միջոցներով համոզելը, սպառնալը ոչինչ օգուտ չէր բերում: Նա համոզւում էր հաստատ, թէ որպիսի մեծ վտանգ էր կանգնած իւր առաջ, որ միանգամայն յուսահատեցնում, սարսափեցնում էր իրեն: Եւ այդ բոլորը մի ողորմելի մարդուց, մի թշուառական գիւղացուց, որին ամենեւին մարդու տեղ չէր դրել մինչև օրս: Բայց ա՛յժմ... Նա նորից հառաչեց և դիմեց նրան.

—Սահակ, դ՛ու գիտես. բոլոր, բոլոր ունեցածըս քեզ, մի՛ անիր այդ բանը, աղաչում եմ:

—Չեմ կարող—, կատաղութեամբ նրա երեսին գողաց Սահակն և շարժուեց դէպի դուռը:

—Սպանիր—, առաջ գնալով ձայնեց Յարութիւն աղան,—լսիր... մի՛ խօսք էլ...

Սահակը կանգ առաւ և նայեց նրան:

Յարուժիւն աղան մօտեցաւ սնդկին, բաց արեց և հանեց մի ծալած թուղթ:

Սահակն ամեն բան մոռացած նայում էր նրա երեսին:

— Այ, որտեղ որ Աստուած կայ, նա ամեն բան տեսնում է. տեսնում ես... այ... այ, սա քո խկական բարաթղ է. ես այն ժամանակ քեզ, խաբեցի, չպատուեցի... այ —, դող-դող ձայնով խօսեց Յարուժիւն աղան...

— Ի՞նչ —, սարսափելի ձայնով նրա վրայ գոռաց Սահակն և շարժուեց առաջ: Նրա բարկութիւնն այդ բոլոր այնքան սաստկացաւ, որ ուզում էր յարձակուել, խեղդել Յարուժիւն աղային, որ այդ բոլոր նրա աչքում մի անենազգուշի արարած, մի սոսկալի հրէջ ներկայացաւ. — Ինչ ասացիր:

— Իսկական բարաթղ է. առ, պատուիր...

— Ի՞նչ —, աւելի սաստկութեամբ գոռաց նրա վրայ Սահակն և խլեց նրա ձեռից բարաթը. — դու դեռ երես ունիս էդ լրբութիւնդ ինձ յայտնելու, քո զգուշի դարձելութիւնդ՝ ցոյց տալու. և դու կարծում ես դրանով ինձ... թփե՛ւ —, թքելով նրա երեսին խփեց բարաթը. — չեմ ուզում, առ, առանց էն էլ դա քոնն է. մի կոպէկդ ինձ հարած լինի. բոլոր ստացածիս համար բարաթ կտամ, առ —. ձեռը զրպանը տանելով և ամբողջ մարմնով սաստիկ ցնցուելով նա հանեց

քսան ըուբլին և շփրտեց նրա երեսով. — առ, ահա...

— Իեղին մէկանոցները օդի մէջ ցրիւ գալով ընկան նրանց ոտերի տակ:

Յարուժիւն աղան քարացած մնալով երկիւղով նայեց Սահակի երեսին, որը նրան կատարելապէս սարսափեցնում, մինչև ոսկորները դողացնում էր: Նա մի քայլ մօտեցաւ նրան և երկիւղով խօսեց. — ուրիշի բան ասել ես:

— Ասել եմ Մարկոսին, խօսք եմ տուել. հիմայ գնալու բոլորին եմ ասելու —, համարձակութեամբ խօսեց Սահակը:

— Ի՞նչ —, արտասանեց Յարուժիւն աղան, որի դէմքն, այդ լսելուն պէս, բոլորովին գունատուեց և նա զգաց իրեն լիովին ոչնչացած, կորած: — Ասել է, ես կորած եմ —, յանկարծ դուրս թռաւ նրա բերանից... ուրեմն ես... ես —, գոռաց նա և կարծես մի բոլոր ուզեց խեղդել, սպանել նրան, բայց կանգ առնելով տեղում՝ նորից ընկաւ մտածմունքի մէջ: Նրա աչքերն այդ բոլոր փայլեցին դժոխային արտայայտութեամբ և բոլորովին գազանային կերպարանք ստացած մի քանի վայրկեան յառած մնացին Սահակի երեսին:

Սահակը շարժուեց դէպի դուռը:

— Սպասիր, ապերախտ, ո՛ր ես գնում. էս բոլորիս հաշիւ տուր բոլոր ստացածիդ —, հաշիւը պատրուակ բերելով գազանաբար գոռաց նրա վրայ Յարուժիւն աղան և մի քանի քայլ արեց դէպի Սահակը:

Սահակը դռան մօտ պատի հետ կանգնեց և նայելով նրա դժոխային արտայայտութեամբ փալտող աչքերին սարսափեց, ականայից մի ճիչ արձակեց և յանկարծ սկսեց դողդողալ:

— Սպասիր —, կրկնեց Յարութիւն աղան և մօտեցաւ Սահակին: Նրա կռները կարծե՛, ելէքտրական զօրութեամբ արագ կերպով միասին առաջ շարժուեցին և նա երկու ձեռով ամուր բռնելով Սահակի կոկորդից սաստիկ ուժով խփեց նրան պատին:

Այդ ժուժկու հարուածից Սահակը բոլորովին շշմեց և անգիտակցաբար ձեռները տարաւ կոկորդիցն ազատելու. բայց նրա ոյժը չէր պատում: Նա լետոյ ուզեց դէն մղել, մի քանի անգամ բռունցքով ու աքացիով խփեց նրա երեսին ու փորին, բայց Յարութիւն աղան առանց ուշադրութիւն դարձնելու այդ հարուածներին պինդ բռնել էր նրա կոկորդից և հուպ էր տալիս պատին: Սահակը երկար չկարողացաւ դիմանալ այդ դրութեան: Նա սկսեց խռնալ և նրա քթածակերից հազիւ դուրս եկող օդը ֆսսում էր: Նրա գոյնը հետզհետէ փոխուում էր, և նա քիչ-քիչ թուլանալով սողում էր պատի հետ ներքեւ: Նրա աչքերը հետզհետէ լցում էին արիւնով, կարմրում և դուրս էին գալիս բներից:

Յարութիւն աղան նրա գլխի մօտից խլեց կախուած քաթանէ երեսսրբիչն և ձախ ձեռով փաթաթելով նրա վզով՝ ծայրերն իրար մէջ անցկացրեց և սկսեց բոլոր ուժով ծայրերից ձգել:

Սահակը պատի հետ կուչ եկած խռնում էր և ձեռներն ու ոտները թափահարում:

Յարութիւն աղան ձգեց նրան մէջքի վրայ յատակին, աջ ծնկով չոքեց կրծքին և աւելի սաստկութեամբ ձգեց երեսսրբիչի ծայրերը:

Սահակի մարմինը հետզհետէ կուչ էր գալիս և խռնոցը կտրուում. միայն շարժում էին նրա ոտներն ու ձեռները: Նրա գոյնը արագութեամբ կապտում էր և սևանում. աչքերը կորսում էին արիւնի մէջ ու բներից դուրս գալով ետ շրջում, և անիմաստ արտայայտութեամբ փալլում: Լեզուն ուռած և երկարացած կախ ընկաւ բերանից, որի հատ արմատը հազիւ էր զետեղում նորա բացուած ատամների մէջ:

Յարութիւն աղալի սևացած և կնճռոտուած դէմքից քրտինքը անձրևի նման կաթում էր Սահակի սաստիկ ուռած և այլանդակուած երեսին:

Սահակի մարմինն արդէն բոլորովին թուլացել էր և նրա շարժումները փոխուում էին սաստիկ արագութեամբ կրկնուող ցնումների: Քթածակերից, աչքերի շրջապատերից, ականջներից, շրթունքներից ու ատամների արանքից սև արիւն սկսեց դուրս ծորել և կուրծքն ուռչել:

Յարութիւն աղան հանգուցն ամրացրեց և մի քանի քայլ հեռու կանգնելով տեսնում էր, թէ ինչպէս էր ցնցում և դէպի վեր շարժում Սահակի մարմինը:

Դադարեցին ցնցումներն և հետզհետէ փո-

խուեցին զողի, որը կամաց-կամաց նուազելով վերջացաւ: Կուչ եկած մարմինը էլի մի ցնցում գործեց, քիչ բարձրանալով ընկաւ յատակին, ձեռներըն ու ոտները յատակի վրայ միմեանցից հեռու տարածուելուց յետոյ բոլորովին հանդարտուեց:

— Վերջացաւ —, շշնջաց Յարութիւն աղան և շարժուեց դէպի դուռը: Ի՞նչ մտաբանեց մի քանի վայրկեան դիտեց անշնջացող դիակին, որ բոլորովին ալլալուել, ուռել, սեւացել էր, և յատակի վրայ պարզուելով մի զարհուրելի բան էր դառել, որ նայողին սարսափեցնում էր և ահուեցնում:

Յարութիւն աղան սարսափահար եղած այդ ալլալուած դէմքից՝ փախաւ հարեան սենեակը...

**Վ Ե Ր Զ**

*Ընթերցողի ներողամտութիւնն ենք խնդրում:*  
*Տեսնեալ աչքի ընկնող սխալների համար:*

Սխալ	Գծաւ	Կր.	Թույլ.	Ուղիղ
հարայ	9		8 վ.	հարայ տուն
այբան	13		6 »	այնքան
հաւաջ	27		4 ն.	հառաջ
թերևոնքներով	28		7 վ.	թերթերներով
լինիք —, աշուելով	33		2 ն.	լինի, քաշուելով
հանար	38		10 ն.	համար
համար	38		5 ն.	համար
մտանց	41		1 վ.	մտածեց
հոքից	43		12 ն.	հոկից
զարհուրմար	51		12 վ.	զարհուրմար
աւետալու	52		2 վ.	աւետելու
տոտնուտէր	54		4 »	տոտնուտէր
շփոթուեց	72		3 »	շփոթուեց
լինէր,	78		10 »	լինէր:
նախդճայ	80		2 ն.	նա խղճայ
բացում են	90		2 վ.	բացում են
թագաւորի	90		11 »	թագաւորել
ցուցի	91		10 »	ցուցի
հայեացքը	92		13 ն.	հայեացքը
ծուր, թողեց	98		1 »	ծուր թողեց
չբերէր	98		7 վ.	չբերէր
սկեց	98		13 վ.	սկսեց
մեն	102		4 վ.	մենք
հեշտեկ	109		4 վ.	հիշտեկ
արտասուքն	110		2 »	արտասուքն
եղ	111		14 վ.	եա
այալուած	112		6 ն.	այալուած
	112	եր, ներք, ամբողջ	տողն	աւել է
տոտմ	115		11 վ.	տոտմ եմ
հուժկու	117		3 վ.	հուժկու
վայ	117		4 »	վայը
տնտուն	119		4 »	տնտուն
խուր	124		2 »	խուրք

խմանար	124	4 ն.
բանից	133	10 ն.
բուայ	155	5 ն.
նրածք	158	10 ն.
սարսափեցնող	161	5 փ.
շփրտեց	165	1 փ.
ժուժկու	166	9 փ.
ցնումների	167	9 ն.
զետեղում	167	14 փ.
անշնչացող	168	8 փ.
խոզմեզմոզմի	170	
խոյմուց	171	
զանաճ	172	
զանաճ	173	
բմտան	174	
բմտան	175	
զանաճ	176	
տրտում	177	
զանաճ	178	
բմտան	179	
զանաճ	180	
բմտան	181	
զանաճ	182	
բմտան	183	
զանաճ	184	
բմտան	185	
զանաճ	186	
բմտան	187	
զանաճ	188	
բմտան	189	
զանաճ	190	
բմտան	191	
զանաճ	192	
բմտան	193	
զանաճ	194	
բմտան	195	
զանաճ	196	
բմտան	197	
զանաճ	198	
բմտան	199	
զանաճ	200	



խմանար	124	4 ն.
բանից	133	10 ն.
բուայ	155	5 ն.
նրածք	158	10 ն.
սարսափեցնող	161	5 փ.
շփրտեց	165	1 փ.
ժուժկու	166	9 փ.
ցնումների	167	9 ն.
զետեղում	167	14 փ.
անշնչացող	168	8 փ.
խոզմեզմոզմի	170	
խոյմուց	171	
զանաճ	172	
զանաճ	173	
բմտան	174	
բմտան	175	
զանաճ	176	
տրտում	177	
զանաճ	178	
բմտան	179	
զանաճ	180	
բմտան	181	
զանաճ	182	
բմտան	183	
զանաճ	184	
բմտան	185	
զանաճ	186	
բմտան	187	
զանաճ	188	
բմտան	189	
զանաճ	190	
բմտան	191	
զանաճ	192	
բմտան	193	
զանաճ	194	
բմտան	195	
զանաճ	196	
բմտան	197	
զանաճ	198	
բմտան	199	
զանաճ	200	

259

0014530

2013

ՀՀ Ազգային գրադարան



NL0014530

